

ივანე ჯავახიშვილის ისტორიისა და ეთნოლოგიის
ინსტიტუტი

ნანა ბახსოლიანი

**დიდი კავადოკია
კვ. წ. I ათასწლეულის
პირველ ნახევარში**

თბილისი
2008

უაპ 94(393)

ბ-37

რედაქტორი: ისტორიის მეცნიერებათა დოქტორი,
პროფესორი ნანა ხაზარაძე

რეცენზენტები: ისტორიის მეცნიერებათა დოქტორი,
პროფესორი ჯემალ შარაშენიძე

ისტორიის მეცნიერებათა დოქტორი,
პროფესორი თამაზ ბერაძე

კომპიუტერული უსრუნველყოფა: ანა რუაძე,
მარიამ ბუტიკაშვილი

ISBN 978-9941-0-0889-4

ნანა ბახსოლიანის წინამდებარე მონოგრაფია: „დიდი კაპადოკია ძვ. წ. I ათასწლეულის პირველ ნახევარში“ გვიანხეთური ხანის აღმოსავლეთ მცირე აზიის დღემდე ნაკლებად შესწავლილ სამეფო-სამთავროთა ისტორიული გეოგრაფიის, პოლიტიკური, სოციალურ-ეკონომიკური და რელიგიის ისტორიის კომპლექსური კვლევა-ძიების სანიმუშო მაგალითია.

მონოგრაფია პირველწყაროთა სერიოზულ ანალიზს ეფუძნება. ავტორმა მაქსიმალურად გამოიყენა ასურული, ურარტული ლურსმული, იეროგლიფურ-ლუვიური, ძველებრაული, ძველსპარსული და ლათინური წერილობითი ძეგლები.

ისტორიულ პირველწყაროთა სახით მონოგრაფიაში ფართოდაა მოხმობილი აღმოსავლეთ მცირე აზიის ტერიტორიაზე აღმოჩენილი ძვ. წ. I ათასწლეულის პირველი ნახევრით დათარიღებული არქეოლოგიური მასალა. გათვალისწინებულია ენობრივი მონაცემები (ეთნონიმია, ტოპონიმია, პიდრონიმია, ორონიმია...). ასევე სრულადაა წარმოჩენილი საკვლევი პრობლემის ირგვლივ არსებული ქართული და უცხოენოვანი მდიდარი სამეცნიერო ლიტერატურა. უყურადღებოდ არც ლექსიკოლოგიური და კარტოგრაფიული ხასიათის გამოცემებია დარჩენილი.

ავტორი არაერთ ახალ მოსაზრებას გეთავაზობს, რომელიც საშუალებას გვაძლევს გვიანხეთური ხანის სამეფო-სამთავროთა (თაბალი, თუნა, თუხანი, შინუხთუ, ხილაქუ, მუშქების ქვეყანა, მელიდი, გურგუმი, კუმუხი) ისტორიის ცალკეულ ასპექტებში ღრმად ჩავიხედოთ.

დიდი კაპადოკია უძველესი დროიდან მოყოლებული ქართველთა განსახლების ერთ-ერთ რეგიონადაა მიჩნეუ-

ლი. აქედან გამომდინარე, ისეთი ახალი ნაშრომის გამოქვეყნება, რომელიც ამ რეგიონის ისტორიის რეკონსტრუქციაში გვეხმარება, მისასალმებელია და ანგარიშგასაწევი.

მოხარული ვარ, რომ ჩემს მიერ ჯერ კიდევ გასული საუკუნის 60-იან წლებში დაწეებული კვლევა-ძიებანი დღესაც გრძელდება და ჩვენი ცოდნა ძველადმოსავლური სამყაროს შესახებ ახალი ფაქტებითა და მონაცემებით მდიდრდება.

ვამაყობ, რომ ჩემს დაწეებულ საქმეს ჩემი მოწაფე ღირსეულად აგრძელებს.

ნანა ხაზარაძე

1 ივნისი, 2008

შესავალი

უძველესი დროიდანვე აღმოსავლეთი მცირე აზია ცივილიზაციის ერთ-ერთ მნიშვნელოვან აკვანს წარმოადგენდა. იგი და მისი მეზობელი რეგიონები მრავალი ეთნოსის და მათ შორის, ქართველური ტომების განსახლების ტერიტორიადაა მიჩნეული.

პოლიტიკურ-ეკონომიკური და კულტურული განვითარების თვალსაზრისით, განსაკუთრებით მცირე აზიის ცენტრალური და აღმოსავლეთი ნაწილი დაწინაურდა, რომელიც ძვ. წ. VI საუკუნიდან მოყოლებული „კაპადოკიად“ იწოდებოდა. კაპადოკია კილიკიის ტავროსის ჩრდილოეთით მდინარეების – ეფვრატსა და ჰალისს (დღევ. ყიზილ-ირმაკი) შორის მდებარე რეგიონში მდებარეობდა. იგი კლდიანი რელიეფისა და მცენარეული საფარის ნაკლებობით ხასიათდება. კაპადოკიის მდინარეებია ჰალისი (დღევ. ყიზილ-ირმაკი), ირისი (დღევ. იეშილ-ირმაკი) და ამ უკანასკნელის უხევწყლიანი შენაკადი ლიკოსი (დღევ. თორთუმი)¹. მაღალი მთებით დასერილი ქვეყანა მკაცრი კონტინენტური კლიმატით გამოირჩევა. კაპადოკია საძოვრებად, სტეპებად და ტყეებადაა დაყოფილი². ქვეყნის ლანდშაფტი ხელს უწყობდა ჯიშინი ცხენების, ცხვრის ფარებისა და გარეული სახედრების მოშენებას. მათათა სისტემა ლითონის საბადოებითაა მდიდარი. შუა ჰალისის (დღევ. ყიზილ-ირმაკი) შუა დინებასთან მრავალი ჩამქრალი ვულკანია დადასტურებული. მათ შორის ყველაზე მაღალი (3840 მ.) არგეოსი, დღევ. Erdjiaš-ია. აღმოსავლეთ კაპადოკიაში, მდ. ეფვრატთან ტავროსის მთაგრეხილთან არსებული უღელტეხილი ქვეყანას ორ ნაწილად ჰყოფს: აღმოსავლეთ და დასავლეთ კაპადოკიად. მას ბერძნებმა „ანტიტავროსი“ ანუ „ათასი ხარის მთა“ (დღევ. Bin-bogha-daghlary) შეარქვეს. მისი ყველაზე მა-

ღალი წერტილი 3000 მეტრზეა აღმართული³. უღელტეხილზე საერთაშორისო მნიშვნელობის სავაჭრო-საქარაგნო და სამხედრო გზები უხსოვარი დროიდან გადიოდა. ამ და სხვა ობიექტურ გარემოებათა გამო მცირე აზია სხვადასხვა დროს სხვადასხვა ეთნოსების სამშობლო გახდა.

ძვ. წ. III ათასწლეულში კაპადოკიაში სემიტური მოდგმის ტომები იჭრებიან. აქ ისინი ასურელთა სავაჭრო კოლონიებს აფუძნებენ. მათი ენა უფრო ძველი იყო, ვიდრე ასურული. სპეციალისტების აზრით, იგი უფრო ძველ ბაბილონურთან აელენს სიახლოვეს⁴. ე. წ. „კაპადოკიური ლურსმული ფირფიტები“, რომელიც დღევანდელ ქიულ-თეფეშია (ხეთ. ქანესში) აღმოჩენილი, ძვ. წ. II ათასწლეულით თარიღდება. ეს ისტორიული ძეგლები მცირე აზიაში ხეთების შემოსევებზე თანმიმდევრულად მოგვითხრობს. საუკუნეების მანძილზე კაპადოკია ხეთების იმპერიის შუაგულს წარმოადგენდა. ძვ. წ. 1200 წ. „ზღვის ხალხების“ შემოსევების შედეგად იგი განადგურდა. მრავალ სამეფო-სამთავროებად დაქუცმაცებამ ხეთურ ცივილიზაციას ხელი ვერ შეუშალა: მან სულ ცოტა კიდევ 600 წელი განაგრძო ფუნქციონირება. არქეოლოგიური მასალა ამას საკვებით ადასტურებს⁵.

ძვ. წ. II ათასწლეულის ბოლოს და I ათასწლეულის დასაწყისში მცირე აზიაში ეთნიკურ-პოლიტიკური რუკა მკვეთრად შეიცვალა. ჯერ ასურულ ლურსმულ წარწერებში (ძვ. წ. XII ს.), ხოლო მოგვიანებით კვლავ ასურულ და ურარტულ წერილობით ძეგლებში წერილობითი წყაროებისათვის მანამდე უცნობი ეთნონიმები გამოჩნდა. მათ შორის მუშქების (მუსქების), თაბალების, ქაშქების, აბეშლაელების და ა. შ. აღმნიშვნელი ტერმინები, რომელთა იდენტიფიკაციაც მეცნიერთა რამდენიმე თაობის კვლევის საგანს წარმოადგენს. რაკი ეს ეთნონიმები ქართველთა უძველეს ის-

ტორიას ორგანულად დაუკავშირდა, ბუნებრივია, რომ გვიან-
ხეთური ხანის კაპადოკიის ისტორიის შესწავლა ქართველ
მკვლევართა დიდ ინტერესს იმსახურებდა და დღესაც იმსა-
ხურებს.

მაგრამ საკვლევი პერიოდის კაპადოკია მხოლოდ ამ
თვალსაზრისით როდია მნიშვნელოვანი. ამ რეგიონში ქარ-
თველთა წინაპრებთან ერთად სხვა ეთნოსებიც ბინადრობ-
დნენ, კერძოდ, ლუვიელები, რომელთა არსებობაზე ნათ-
ლად მეტყველებენ ლუვიურ ენაზე შედგენილი არქეოლო-
გიური კვლევა-ძიების შედეგად აღმოჩენილი იეროგლი-
ფურ-ლუვიური წარწერები, იეროგლიფურ-ლუვიური წარმო-
მავლობის საკუთარი სახელები და ამ რეგიონში ძვ. წ. I
ათასწლეულის პირველ ნახევარში გავრცელებული ლუვი-
ური პანთეონი⁶.

მცირე აზიის უძველეს მოსახლეობასთან (ხეთები,
ლუვიელები) ერთად ძვ. წ. II ათასწლეულის ბოლოსა და I
ათასწლეულის პირველ ნახევარში ქართველურ ტომებსაც
უნდა ეცხოვრათ. ქართველური ტომების განსახლების ტე-
რიტორია მჭიდროდ უნდა ყოფილიყო დაკავშირებული აღ-
მოსავლეთ მცირე აზიასთან. მკვლევრები ასურულ ლურ-
სმულ წარწერებში მოხსენიებულ მუშქებს გვიანდელ მოს-
ხებთან, მესხებთან, ხეთური და ასურული ლურსმული
ტექსტების ქასქებსა და აბეშლაელებს დასავლურ-ქართვე-
ლური, მეგრულ-ლაზური ანუ სამხრეთ კოლხური წარმო-
შობის ტომებთან აკავშირებენ⁷.

ამ პრობლემას არაერთი ფუნდამენტური მონოგრაფია
მიეძღვნა, რომელიც ჩემთვის გზამკვლევად იქცა. წინამდე-
ბარე ნაშრომი ჩვენს ხელთ არსებული სხვადასხვა ხასია-
თის წყაროთა მონაცემების კომპლექსური შესწავლის კი-
დეე ერთი ცდაა.

1. Энциклопедический словарь, Т XIV, С-Петербург, 1895, с. 391-392; The New Encyclopædia Britannica (in 30 volumes), vol VI, London, 1979, p. 539.
2. La Grande Encyclopedie, Larousse, vol 4, Paris, 1972, p. 2305.
3. Heinrich Kiepert, Lenrbuch der Alten Geographie: Klein Asien. Cramer description of Asia minor, vol 2, Oxford, 1832, p. 96; Brockhaus Enzyklopadie, vol 9, Wiesbaden, 1970, p. 738.
4. Grand Larousse encyclopedique, vol 2, Paris, 1960, p. 605; Советская историческая энциклопедия, 6, Москва, 1965, с. 1007; Enciclopedia Italiana, vol VII, Roma, 1949, p. 880.
5. La Grande Encyclopedie, Larousse, 4. p, 2305; იხ. რამიშვილი პ. ძველასურულ ვაჭართა საქმიანობის ამსახველი „კაპადოკიური“ ფირფიტები ქიულთეფე/ქანესიდან, კავკასიურ-ახლო-აღმოსავლური კრებული, X, თბილისი, 2001, გვ. 78.
6. ხაზარაძე ნ. აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978, გვ. 6.
7. ხაზარაძე ნ. დასახ. ნაშრ. გვ. 6; ივ. ჯავახიშვილი, ქართველი ერის ისტორია, I, თბილისი, 1951, გვ. 392; Г. А. Меликишвили, Наирн-Урарту, Тбилиси, 1954, с. 409; ხაზარაძე ნ. საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 192; გიორგაძე გრ. ხეთური და ასურული ლურსმული ტექსტების ქასქების (ქაშქების) და აბეშლაელების ეთნიკური წარმომავლობისათვის, ახალციხე, 2000, გვ. 15-17, 24-26 და სხვა.

თავი I. დიდი კაპადოკიის ისტორიის შემსწავლელი წყაროები

§1. ტერმინი „კაპადოკია“ ძველადმოსავლურ და ანტიკური ხანის წერილობით წყაროებში

კაპადოკია მცირე აზიის ცენტრალური ნაწილის ერთ-ერთი მსხვილი მხარე იყო. ძვ. წ. II-I ათასწლეულებში მას საკმაოდ მნიშვნელოვანი ადგილი ეკავა ძველი აღმოსავლეთის ხალხთა ისტორიაში.

ტერმინი „კაპადოკია“ პირველად დარიოს I-ის (ძვ. წ. 522-486 წწ.) დროინდელ სპარსულ ლურსმულ წერილობით ძეგლებში გვხვდება. ბეჰისტუნის კლდეზე ამოკვეთილ წარწერაში, რომელიც ძვ. წ. VI საუკუნეს განეკუთვნება, „კაპადოკია“ (Katpatuka-ს ფორმით) იხსენიება.¹ იგი აქემენიდების იმპერიის შემადგენლობაში მყოფ 23 ქვეყანას შორის ფიგურირებს: „ამბობს მეფე დარადავაჰუ: აი, ქვეყნები, რომელიც მერგო აქურამაზდას ნებით; რომელთა ზედაც ხელმწიფე ვიყავ: პარსა, უვჯა, ბაბირუ, ასურა, არაბადა, ზღვისპირეთი, მუდრადა, სპარდა, დაუნა, მადა, არმინა, კატ-პატუკა, პართავა, ზრანკა, პარაიავა, უვარაზმი, ბახტრი, სუგუდა, განდარა, საკა, თატაგუ, პარაქუეატი, მაკა. სულ ოცდასამი ქვეყანა... ეს ქვეყნები, რომელიც წილად მიხედა აქურამაზდას ნებით, მე მმონებდნენ, ჩემთვის ხარკი მოქონდათ.“²

დარიოს I-ის სხვა წარწერები არა მხოლოდ ადასტურებენ ბეჰისტუნის წარწერის ზემომითითებულ ინფორმაციას, არამედ მნიშვნელოვნად ავსებენ კიდევც მას. მაგალითად, ნახში რუსტამის სახელით ცნობილ ადგილას, კლდეში ამოკვეთილ სამოცსტრიქონიან ძველ სპარსულ წარწერაში ჩამოთვლილია 30 გეოგრაფიული და ეთნიკური

სახელი დაპყრობილი ქვეყნებისა და ხალხისა, სადაც „კაპადოკია“ დარიოსის მიერ დამორჩილებული ქვეყნების გრძელ სიაში კვლავ დასტურდება: „ამბობს მეფე დარადავაჟუ: აპურამაზდას ნებით დავიპყარ მე ეს ქვეყნები სპარსეთის გარდა, მე მათ ვეუფლე და ვყავ მოხარკედ, აღასრულებდნენ ბრძანებას ჩემსას და მიჰყვებოდნენ კანონსა ჩემსა: მიდია, უეჯა, პარაიავა, პართნი და ბახტრი, სოლდნი, ხვარაზმი, პარაუვატი, თატავუ, ზრანკა, განდარა, სკეითნი, პაუმაფარგა, პინდო და სკეითნიც ქუდწვეტიანნი, მუდრაია, ასურ-ბაბილონი, არაბეთი, არმინა, სპარდა და კატპატუკა, იავანნი ფარის მიპყრობელნი, პუნტი, ქუშია, მანია, კარკა.“³

დასახელებული წარწერებიდან ისიც ირკვევა, რომ ტერმინ „კაპადოკია“-ს („კატპატუკა-ს“) ძველი რაიმე შესატყვისი არ მოეპოვება. სპარსული ტექსტის როგორც ელამურ, ასევე აქადურ ვარიანტებში ეს ტერმინი უცვლელადაა გადატანილი (ელამური Qa-at-ba-du-qa, აქადური Ka-at-pa-tuk-ka).

მოყვანილ ფრაგმენტებში კაპადოკია არმენიასა და სარდეს შორის არის დასახელებული, რაც, როგორც ჩანს, სავსებით სწორად ასახავს კაპადოკიის გეოგრაფიულ ადგილმდებარეობას.⁴ ძველი სპარსული ტექსტების მიხედვით, კაპადოკიას აღმოსავლეთიდან ურარტუ (არმინა), ხოლო დასავლეთიდან – ლიდია (სპარდა) ესაზღვრებოდა.*

* სარდუ ლიდიის დედაქალაქი - ლიდიის მეფეთა რეზიდენცია იყო. სარდუ მოგვიანებით ჯერ სპარსეთის იმპერიის სატრაპთა, ხოლო შემდეგ სელეუკიდების დინასტიის მესვეურთა რეზიდენციას წარმოადგენდა. „ოქრომრავალი“ ლიდია მდ. პერმოსის დაბლობში, მცირე ახიის დასავლეთ სექტორში მდებარეობდა. ჩრდილოეთიდან მას დიდი ფრიგია ესაზღვრებოდა, ხოლო სამხრეთიდან – კარია.

ძვ. წ. X-VII საუკუნეებში დიდი კაპადოკია რამდენიმე სამეფო-სამთავროს იტყვედა. ასურული წერილობითი ძეგლების მონაცემებით, ძვ. წ. IX-VII საუკუნეებში დიდი კაპადოკიის ტერიტორიაზე მდებარეობდნენ: მელიდის ქვეყანა (ეფრატთან თოხმა-სუს შვეროების ადგილას, დღევ. მალატიის მიდამოებში)⁵, კამანუ (მელიდსა და თილ-გარიმუს შორის)⁶, თაბალის ქვეყანა (დღევ. გურუნ-შახრი-პოზანდის დასავლეთით, შუა ჰალისის აღმოსავლეთითა და სამხრეთით)⁷, ხილაქუ (დღევ. ბულდარ-დადის სექტორში, დღევ. პოზანდისთან)⁸, თუხანის, თუნას და შინუხოუს⁹ ქვეყნები.

ანტიკური ხანის წერილობითი წყაროების მონაცემებით, კაპადოკიას აღმოსავლეთიდან ესაზღვრებოდა არმენია (დიდი არმენია), სამხრეთიდან კილიკია, დასავლეთიდან მდინარე ჰალისის (დღევ. ყიზილ-ირმაკის) გაყოლებით – დიდი ფრიგია, ჩრდილოეთიდან – ექსინის პონტო.⁹

ლიდიასა და არმენიასთან კაპადოკიის ახლო გეოგრაფიულ მდებარეობაზე ძველი ბერძენი ისტორიკოსი ჰეროდოტეც (ძვ. წ. 484-425 წწ.) მიუთითებს. იგი გვამცნობს: „ლიდიასა და ფრიგიაზე მოდის 20 სადგური, ფრიგიიდან მდინარე ჰალისისაკენ უხვევს [გზა], [ჰალისთან] არის ბჭეები, რომელთა გავლაც ყველასთვის აუცილებელია იმისათვის, რომ გადავიდნენ მდინარეზე და იქვე არის დიდი საყარაულო. რომ გადახვალ კაპადოკიაში და იქ ივლი კილიკიის საზღვრებამდე, არის 30 ბჭე და გზას გაივლი კილიკიაზე, არის სამი სადგური. კილიკიისა და არმენიის საზღვარი არის სანაოსნო მდინარე, რომლის სახელიც არის ეფრატი“.¹⁰

⁹ შინუხოუ თუნას გვერდით მდებარეობდა. თუნას ეძებენ ტიანადან სამხრეთ-აღმოსავლეთით მდებარე ანტიკური თინას (დღევ. სეიფეს) ადგილზე.

როგორც ვხედავთ, კერძოდ ღებულად აღწერს სამეფო გზას სარდელან სუზამდე და ნათელ წარმოდგენას გვიქმნის დიდი კაპადოკიის მდებარეობაზე.

სტრაბონის (ძვ. წ. I ს.- ახ. წ. I ს.) მოწმობით, მაკედონელებმა კაპადოკია ორ სატრაპიად გაყოფილი მიიღეს. მაკედონელების მმართველობის ხანაში ყოფილი სპარსული სატრაპიები დამოუკიდებელ სამეფო-სამთავროებად იქცა. ერთ-ერთს ამ სამთავროთაგან საკუთრივ „კაპადოკია“, „ტავროსთან მდებარე კაპადოკია“, ანუ „დიდი კაპადოკია“ ეწოდა, ხოლო მეორეს – „პონტო“ ანუ „პონტოს კაპადოკია“.¹¹

არმენიის აღწერისას, სტრაბონი კაპადოკიასთან დაკავშირებით სხვა ცნობებსაც გვაწვდის. კერძოდ, გეოგრაფოსის თვალსაზრისით, ტიგრანისეული არმენია ესაზღვრებოდა მიდიასა და ალბანიას, იბერიის ოლქებს კოლხიდან, კაპადოკიამდე და ევქსინის პონტომდე. ამ თვალსაზრისს იგი თავისი თხზულების სხვა ადგილასაც იმეორებს და აღნიშნავს, რომ საკებმა არმენიის საუკეთესო მიწები დაიპყრეს, შემდეგ კაპადოკიელებამდეც, უფრო ზუსტად, კაპადოკიის მეზობელ ევქსინამდე მიაღწიეს, რომელსაც სტრაბონის დროს „პონტოს“ უწოდებდნენ.¹²

პონტოს მთები დიდი და პონტოს კაპადოკიის ბუნებრივ საზღვარს წარმოადგენდა. სტრაბონის თანახმად, მთების ეს სისტემა ქამანენას უკიდურეს დასავლეთ სექტორიდან იწყებოდა და ლავიანსენეს აღმოსავლეთ კუთხემდე გასდევდა დიდ კაპადოკიას. სამხრეთიდან დიდ კაპადოკიას ტავროსი საზღვრავდა, დასავლეთიდან – მდ. შალისი, ხოლო აღმოსავლეთიდან – მდ. ეფფრატი, რომელზეც კაპადოკია-არმენიის საზღვარი გადიოდა.¹³

ძველი ბერძენი ფილოსოფოსის პოსეიდონიოს ანამიელის (ძვ. წ. 128-45 წწ.) თხზულებაში „ისტორია“, პირვე-

ლად ვხვდებით ტერმინს „ზემო კაპადოკია“, რომელსაც, ავტორის ცნობით, მითრიდატე ფლობდა ბითვინიასთან და პამფილიასთან ერთად კილიკიამდე.¹⁴

ტერმინი „კაპადოკია“ სხვა ქვეყნებთან ერთად დიდორე სიცილიელის (ძვ. წ. 90-21 წწ.) „ბიბლიოთეკაშიც“ ფიგურირებს. აქ ავტორი მოგვითხრობს იმის შესახებ, თუ როგორ გააავრცელა ნინა ასირიელმა თავისი ძალაუფლება ტროადაზე, პელესპონტის ფრიგიასა და პროპონტიდაზე (მარმარილოს ზღვა), ბითვინიაზე, კაპადოკიასა და ზღვისპირა ბარბაროსულ (პონტოს) ტომებზე, რომლებიც ფლობდნენ მხარეს ვიდრე ტანაისამდე (დღევ. მდ. დონამდე).¹⁵

ძველი ბერძენი მწერალი პლუტარქე (ახ. წ. 46-120 წწ.) ნარკვევში „პომპეუსი“ სარდალ პომპეუსის მიერ დამორჩილებულ ქვეყნებსა და ხალხებს შემდეგი თანმიმდევრობით წარმოგვიდგენს: „პონტო, არმენია, კაპადოკია, პაფლაგონია, მიდია, კოლხიდა, იბერია, ალბანია“.¹⁶

ბერძენი ისტორიკოსი მემნონი (ახ. წ. I-II სს.) თავის ნარკვევში „ჰერაკლეა“ საესებით ადასტურებს პლუტარქეს ზემოთ მოყვანილ ცნობას. დიდი კაპადოკიის ლოკალიზაციისათვის საინტერესო ცნობები მოეპოვება ფლავიუს არიანესაც (ახ. წ. II ს.). იგი იმპერატორ ადრიანეს და ანტონინეს თანამედროვე იყო და კაპადოკიას *legalis Augusti pro praetore* სტატუსით მართავდა. მან პონტოდან დიოსკურიამდე ზღვით იმოგზაურა და შექმნა თხზულება „შემოვლავექსინის პონტოზე“. ავტორი აქ ასახელებს კაპადოკიაში მდებარე გეოგრაფიულ პუნქტს – ტიანას, რომელიც მისი ცნობით, მას ტავროსის მეფის, ტოანტას სახელის მიხედვით დაერქვა. თქმულების თანახმად, ღვენილ მეფეს ამ ქვეყნამდე მიუღწევია და ავადმყოფობისგან აქვე გარდაცვლილა.¹⁷ ცნობები კაპადოკიაზე რომაულ წერილობით წყაროებშიც მოგვეპოვება. კლავდიუს პტოლემეაიოსის (ახ. წ.

161-180 წწ.) „გეოგრაფიაში“ მცირე აზიის რუკა შემდებნაირადაა წარმოდგენილი: „დიდ არმენიას დასავლეთიდან ესაზღვრება კაპადოკია ეფურატის მონაკვეთის გასწვრივ, კაპადოკიის პონტოდან კოლხიდამდე, მოსხების მთების გაელით“.¹⁸ აქ ავტორი ორივე კაპადოკიას უნდა გულისხმობდეს.

პონტოს კაპადოკიას იცნობს მითრიდატეს ომების ისტორიკოსი დიონ კასიუსიც (159-235 წწ.): „სკრიბონი თავს ასაღებდა მითრიდატეს შვილიშვილად და ირწმუნებოდა, რომ მან მიიღო სამეფო ხელისუფლება აგუსტუსისაგან ასანდრას სიკედილის შემდეგ, შეერთო რა ცოლად მისი მეუღლე სახელად დინამია, რომელიც იყო ფარნაკეს ქალიშვილი და მითრიდატეს შვილიშვილი, ცდილობდა აეღო ბოსფორი... აგრიპამ გაგზავნა მის წინააღმდეგ პოლემონი, მეფე პონტოს კაპადოკიის ნაწილისა“.¹⁹

დიდი კაპადოკიის ლოკალიზაციასთან დაკავშირებით საინტერესო ცნობებია დაცული იმავე დიონ კასიუსის „რომის ისტორიაში“. ავტორის თანახმად, პომპეუსის მიერ დაარსებული ქალაქი ნიკოპოლისი, სადაც მან მითრიდატეს სძლია, კაპადოკიაში მდებარეობდა. რომაელებთან ფარნაკის ბრძოლის აღწერისას, ავტორი გვამცნობს, რომ იგი ამა თუ იმ დამპყრობლის ხელში არაერთგზის გადასულა. ამ მიზეზით მისი საზღვრები ხშირად განიცდიდა ცვლილებას. დიონ კასიუსის ცნობით, ფარნაკს ეგვიპტეში რომაელების ყოფნით უსარგებელია და ყოველგვარი შრომის გარეშე არმენია დაუქვემდებარებია. ძვ. წ. 53 წელს მის ქვეშევრდომობაში კოლხიდა, კაპადოკია და პონტოს ზოგიერთი ქალაქიც მოქცეულა.²⁰

ეპიფანე (314-367 წწ.) ნარკევეში „მანიქეველთა წინააღმდეგ“, კაპადოკიას კილიკიასა და გალატიას შორის ათავსებს. ფილოსტორგიც (IV ს.) ადასტურებს ეპიფანეს ცნო-

ბას და გვამცნობს, რომ სკეითებს გალატიასა და კაპადოკიაზე გაუფლიათ და იქ ხელთ დიდძალი ტყვეები უგდიათ.

ფილოსტორგის ამ ცნობას რომაელი ისტორიკოსებიც ადასტურებენ (ზოსიმე 450-502 წწ. „ახალი ისტორია“ და იულიუს კაპიტოლინი „ორი გალილეელი“). იულიუს კაპიტოლინის თანახმად: „სკეითები შეიჭრნენ კაპადოკიაში, იქ მათ აიღეს ქალაქები და ომს დიდხანს წარმატებით აწარმოებდნენ, შემდეგ გაემართნენ ბითინიაში“.²¹ ზოსიმე კაპადოკიას კილიკიასა და არმენიას შორის ათავსებს.

კვინტუს რუფუსი (ახ. წ. I ს.), რომელმაც „ალექსანდრე დიდის ისტორია“ დაწერა, კაპადოკიის გეოგრაფიული მდებარეობის წარმოსადგენად შემდეგ საინტერესო ცნობას გვაწვდის: „ტაურის მთები, უერთდება კავკასიის მთებს, დაწყებული კაპადოკიიდან მიდის კილიკიაზე და ერწყმება არმენიის მთებს“.²²

მარკუს ციკერონის (ძვ. წ. 106-43 წწ.) „აგრარულ კანონში“ კაპადოკია ძველი ომების შედეგად დაპყრობილ სამეფო მიწების სიაში ფიგურირებს და აქედან გამომდინარე, იგი რომის პროვინციადაა აღქმული. იმავე ავტორის ცნობით, დიდი კაპადოკია 10 აღმინისტრაციულ ოლქად იყოფოდა. ესენია: მელიტენა, კატაონია, კილიკია (მაზაკა-კაისერის შემცველი ოლქი), ტიანიტიდა, მარსავრიტიდა, ლავიანსენა, სარგარავსენა, სარაენა, ქამანენა და მორიმენა.²³

ესპანელი პრესვიტერი პავლე ოროსი (ახ. წ. IV ს.) ნარკვევში „მსოფლიო ისტორია“ გვამცნობს, რომ კაპადოკიას აღმოსავლეთიდან არმენია ესაზღვრება, დასავლეთიდან აზია, ჩრდილოეთიდან თემისკირას დაბლობი და კიმერიის ზღვა.²⁴ იქვე ავტორი პონტოს კაპადოკიაზე საუბრისას თემისკირას მიწებს, მდინარე თერმოდონტს და პონტოს კაპადოკიის ზღვისპირა ზოლს ასახელებს.

ამგვარად, ძველადმოსავლური და ანტიკური ხანის წერილობით წყაროებში არაერთი საყურადღებო ცნობაა შემონახული დიდი კაპადოკიის ადგილმდებარეობის ლოკალიზაციისათვის. როგორც წესი, ძველი ავტორები დიდი კაპადოკიის მეზობელ ქვეყნებად არმენიას (ურარტუს), კილიკიას, ლიდიას, ფრიგიას და პაფლაგონიას წარმოგვიდგენენ. დიდი კაპადოკიის ისტორიული საზღვრების დასადგენად ისიცაა მნიშვნელოვანი, რომ მის საზღვრებზე საუბრისას ხშირად წერილობით წყაროებში ფიგურირებენ ტავროსი, პონტოს მთები და მდინარე პალისი (დღევ. ყიზილ-ირმაკი).

-
1. R. G. Kent, *Old Persian, New Hawen*, 1953, p. 178.
 2. ВДИ 1, 1947, с. 277, ძველი აღმოსავლეთის ხალხთა ისტორიის ქრესტომათია, თბილისი, 1990, გვ. 298.
 3. ВДИ 1, 1947, с. 279.
 4. R. G. Kent, *Old Persian*, DBI 15, DPE 12, DNA 28, DSE 27, DSM 8.
 5. J. Delaporte, *Malatia*, Paris, 1940, p. 5-7; Г. А. Меликишвили, *Наири-Урарту*, Тбилиси, 1954, с. 53-54.
 6. J. Garstang, O. R. Gurney, *The Geography of the Hittite Empire*, London, 1959, p. 46.
 7. ნ. ხაზარაძე, თაბალის ქვეყნის ადგილმდებარეობისათვის, "ძველი ისტორიის საკითხები", III, 1970, გვ. 64.
 8. Г. А. Меликишвили, *К истории древней Грузии*, Тбилиси, 1959, с. 74; ნ. ხაზარაძე, სამხრეთ-აღმოსავლეთ მცირე აზიის ისტორიული გეოგრაფიიდან, "კავკასიის ხალხთა ისტორიის საკითხები", თბილისი, 1966, გვ. 34-39.

9. ნ. ხაზარაძე, თაბაღის ქვეყნის ადგილმდებარეობისათვის, გვ. 69.
10. Herodotus, I, 72, 73, 76; V 49, 52.
11. თ. ყაუხჩიშვილი, პეროდოტეს ცნობები საქართველოს შესახებ, თბილისი, 1960, გვ. 101.
12. Strabo, XII, 1, 4.
13. ВДИ 4, 1947, с. 228.
14. Strabo, XII, 1, 4 და შმდგ.
15. ВДИ 3, 1947, с. 314.
16. ВДИ 4, 1947, с. 249.
17. ВДИ 4, с. 284.
18. ВДИ 1, 1948, с. 267.
19. ВДИ 2, с. 254.
20. ВДИ 2, с. 276.
21. ВДИ 2, с. 274.
22. ВДИ 3, 1949, с. 261.
23. ВДИ 1, 1949, с. 290.
24. ВДИ 4, 1949, с. 264.

§2. ბიბლია როგორც მესხების უძველესი ისტორიის წყარო

ცნობილია, რომ ჯერ კიდევ XIX საუკუნის ქართველი და უცხოელი ისტორიკოსების ნაწილმა (დ. ბაქრაძე, ალ. ხახანაშვილი, მ. ჯანაშვილი, პ. გელცერი, ე. შრადერი, ფ. ლენორმანი და სხვები) ასურული წყაროების მუშქები-მუშქები ქართველური ტომის – მოსხების, მესხების წინაპრებად მიიჩნია.¹ შემდგომში ეს საკითხი ივ. ჯავახიშვილის, ს. ჯანაშიას, გ. მელიქიშვილის, ნ. ხაზარაძის კვლევის საგნად იქცა, რომელთა შრომებში ასურული წყაროების „მუშქები“ შემდეგდროინდელი მესხების წინაპრებად მოიაზრება. „ბიბლიის“ ებრაულ ტექსტებში ასურულ „მუშქებს“ „მეშეხი“ შეესატყვისება, „ბიბლიის“ ბერძნულ და ლათინურ თარგმანებში – „მოსოხი“, ხოლო „ბიბლიის“ ქართულ თარგმანებში – „მოსოხი“, „მოსეჟი“.

თუ გავიზიარებთ მეშეხ-მოსოხთან მესხის გაიგივების თვალსაზრისს, მაშინ დავინახავთ, რომ „ბიბლია“ მესხების ძველი ისტორიის მნიშვნელოვან წყაროს წარმოადგენს.

„ბიბლიის“ მცხეთურ ხელნაწერში მოსოქი ნოეს ერთ-ერთი ვაჟის – იაფეტის მეშვიდე ძედი იწოდება: „ძენი იაფეტისანი ღამერ, და მაგოგ, და მადიმ, და ავან, და ელიოსან, და თობელ, და მოსოქ და თირას“ (დაბადება, 10:2). მოსოქი ნოეს უფროსი ძის – სემის შთამომავალთა შორისაც მოიხსენიება: „ძენი სემისნი: ალიმ, და ასსურ, და არფაქსად, და ლუდდ, და არამ, და კაინან“ (დაბადება, 10:22); „და ძენი არამისნი: ოს, იულ, ღათერ და მოსოხ“ (დაბადება, 10:23).²

ამგვარად, „დაბადების“ წიგნმა მოსოხთან დაკავშირებით ორი, ერთმანეთისაგან განსხვავებული ნუსხა შემოგვინახა. თუ პირველი ნუსხის მიხედვით მოსოქი იაფეტის ძედი

მოიხსენიება, მეორე ნუსხის თანახმად, იგი სემის შვილიშვილად გვევლინება.

ახ. წ. 334 წლის „შესაქმეს“ წიგნის ლათინური თარგმანი ე. წ. Liber Generationis ჩვენთვის საინტერესო საკითხთან დაკავშირებით ახალ ინფორმაციას გვაწვდის. Liber Generationis პირველი ვერსიით: „იაფეტის ტომები... [ესენი არიან] მიდები, ალბანები, გარგანები, არრები, არმენები, ამაზონები, ხოლები, კორზიენები, ბენაგენები, კაპადოკიელები, პაფლაგონიელები, მარიანდელეები, ტიბარენები, ხალიბები, მოსსუნოტები, კოლხები...“ იგივე წყაროს მეორე ვერსიით: „ქამის შთამომავალთაგან წარმოიშვნენ მეფეები ანუ ტომები: ეთიოპელები, ტრიგლოდიტები, აგგეები... მუსიელები, მოსინიტები, ფრიგები, მაგონები, ბითენები...“ და ბოლოს, მესამე ვერსიით: „სემის შვილები არიან: ელამ, რომლისაგან არიან ელუმეები; ასირ, რომლისაგან არიან ასირიელები; არფაქსატ, საიდანაც არიან ხალდეები; ლუდინ, საიდანაც არიან ლაზონები; არამ. არამის შვილები არიან: ოსკეულნი, რომლისაგან არიან ლიდიელები, გარტერი, რომლისაგან არიან გასფენები და მოსოკი, რომლისაგან არიან მასსინები.“³

აქედან გამომდინარე, Liber Generationis ავტორი პირველ ორ შემთხვევაში მოსოხებს საერთოდ არ მოიხსენიებს, თუმცა მოსსუნოტებს (იგივე მოსინიკებს) ხალიბებსა და კოლხებს შორის – ქართველურ ტომთა განსახლების რეგიონში ათავსებს. ხოლო ბოლო ვერსიაში მოსოქებს მასსინების, ალბათ იგივე მოსინიკების* პირველ წინაპრად წარმოგვიდგენს.

* მოსინიკები ანუ მოსინოიკები – ქართველი ტომი შავი ზღვის სანაპიროზე, კერასუნტის ახლოს. ქსენოფონტის მიხედვით ისინი ლოკალიზდებიან ტიბერენებსა და ღრილებს შორის.

„ნეშტთა“ წიგნის იმ ადგილას, სადაც ისრაელიანთა საგვარეულო აღწერილობაა მოცემული, ჩვენთვის საინტერესო მოსოხი მოსექის სახით არის დამოწმებული და იგი ბენიამენის ტომთა შორის ფიგურირებს: „და ბარიგა და საამა – ესე მთავარნი ტომთანი მკვიდრთა აილამისთა და ამათ განასხნეს დამკვიდრებულნი გედისანი“ (I ნეშტთა, 8:13). „და ძმანი მისნი მოსექ და არიმუთ“ (I ნეშტთა, 8:14).⁴

ცნობილია, რომ ასეთი ფორმა დასტურდება სამარიტანული „ბიბლიის“ ბერძნულ თარგმანში – Mōsek, ხუნძურიდან მომდინარე „მოსექშიც“, „ბიბლიის“ გვიანდელი კომენტატორის იოსებ ფლავეუსის თხზულებასა და მასთან დაკავშირებული ისტორიული ძეგლების ქართულ თარგმანებშიც. „ბიბლიის“ სირიულ და არაბულ თარგმანებში მოსოხი სემის შთამომავალთა შორის მოიხსენიება Māš ფორმით, ხოლო იაფეტის შვილთა შორის Māšik სახით არის დამოწმებული.⁵

„ბიბლიაში“ დაცული ცნობები წარმოდგენას გეიქმნის მესხთა გეოგრაფიულ და ეთნო-პოლიტიკურ გარემოცვაზე, რასაც მოყვანილ ცნობებთან ერთად, ესაიას და ეზეკიელის წინასწარმეტყველებათა წიგნებიც ადასტურებენ: „და დაუტეო – მათ თანა სასწაული და განგაველინე მათგან ცხოვნებულნი წარმართთა მიმართ თარშიდ და ფუდდ, და ლუდდ, და მოსოხდ, და თოვედდ, და ელადად მიმართ...“ (ესაია, 66:19)⁶ ეზეკიელთან მოსოხს თობელის გვერდით არაერთგზის ვხვდებით: „მუნ მიეცნეს მოსოქ და თობელ და ყოველი ძალი თითოეულისა მათისა, საფლაგისა მისისა გარემოისთაგანისა, ყოველნი წყლულნი, მათნი, ყოველნი წინადაუცვეთელნი, წყლულნი მახვილისა მიერ, მიმცემლნი შიშსა მათსა ქვეყანასა ზედა ცხორებისასა“ (ეზეკიელი, 32:26). სხვა ადგილას ეზეკიელი ამბობს: „იონია, თობელი და მოსოხი ვაჭრობდნენ შენ შორის სულებსა კაც-

თასა და ჭურჭელნი რეალისანი მისცეს საეპიტროდ შენდა” (ეზეკიელი, 36: 1, 2, 3).⁷ ეზეკიელის წინასწარმეტყველებაში თობელი და მოსოხი კიდევ რამდენიმე ადგილას მოიხსენიება: „ძეო კაცისაო, განიმტკიცე პირი შენი გოგსა ზედა და ქვეყანასა ზედა მაგოგთასა მთავარსა როსს, მოსოხს და თობელს და წინასწარმეტყველებდ მის ზედა” (ეზეკიელი, 38:2); „და არქუ მას: ამათ იტყვს უფალი: აჰა, მე შენ ზედა, გოგ, მთავარსა როსს, მოსოხს და თობელს” (ეზეკიელი, 38:3), - და იქვე: „და შენ, ძეო კაცისაო, წინასწარმეტყველებდ გოგსა ზედა და არქუ: ამათ იტყვს აღონაი უფალი: აჰა, მე შენ ზედა, გოგ მთავარსა როსისსა, მოსოქს და თოველს” (ეზეკიელი, 39:1).⁸ და ბოლოს, კიდევ ერთი საინტერესო ადგილი ეზეკიელის წინასწარმეტყველებიდან, სადაც მოსოქის გვერდით ედომი იხსენიება: „მუნ ედომ და მოსოქ, მეფენი მისნი, და ყოველნი მთაქარნი მისნი, მიმცემელნი ძალსა მათსა წყლულებად მახვილისა, ამათ წყლულთა თანა დაიძინეს, შთამავეალთა თანა მღუმედ” (ეზეკიელი, 32:29).⁹

ბიბლიის წიგნებში მოხსენიებული იაფეტის შთამომავალთა და ჩვენთვის საინტერესო მეშეხ-მოსოხის ადგილსაცხოვრისის შესახებ მნიშვნელოვან ცნობებს „ბიბლიის” გვიანდელი კომენტატორების შრომებში ვხვდებით.

ახ. წ. I საუკუნის ებრაელი ისტორიკოსი იოსებ ფლავიუსი გადმოგვცემს: „ნოეს შვილებს ეყოლათ ვაჟები, რომელთა პატივისცემით სახელები დაარქვეს ტომებს, რომელთა მიწაც ამათ დაიჭირეს. იაფთას, ნოეს შვილს ჰყავდა შვიდი ვაჟი. ისინი ცხოვრობდნენ ტავროსისა და ამანის მთებიდან დაწყებული და აღწევდნენ აზიაში მდინარე ტანაისამდე, ხოლო ევროპაში – გადვირამდე. აი, ეს მიწა მათ ეჭირათ. მათზე უწინ [ამ მიწაზე] არავის უცხოვრია და ტომებს, მათ მიხედვით დაერქვა სახელები.”¹⁰ მსგავსი ცნო-

ბა და(კულია ევსტათი ანტიოქელის (280-360 წწ.) თხზულებ-
ბაში „ორიგენეს წინააღმდეგ“, რომელშიც ნათქვამია: „ნო-
ეს ჰყავდა სამი ვაჟი: სემი, ქამი და იაფეტი; ისინი დასახ-
ლდნენ დაწყებული ტაურისა და ამანის მთებიდან და მი-
ვიდნენ აზიაში მდინარე ტანაისამდე, ხოლო ევროპაში
ვიდრე ლადირთამდე.“¹¹ Liber Generationis თანახმად, „იაფე-
ტის ტომები მიდიიდან ოკეანის დასავლეთ კიდეზე არიან
გადაჭიმული ჩრდილოეთისაკენ.“¹² XI საუკუნის ქრონოგრა-
ფი ლეონ გრამატიკოსი, რომელიც იოსებ ფლავიუსის
შრომით სარგებლობდა, იაფეტის წილხედომილ მიწაზე
განლაგებულ შემდეგ ქვეყნებს ჩამოთვლის: „ნოეს მესამე
ვაჟს იაფეტს წილში ხედა ქვეყნები, რომელთა სახელებია:
მიდია, აღბანია, არმენია, როგორც მცირე ისე დიდი კაპა-
დოკია, პაფლაგონია...“¹³ ეს მოსაზრება ფიგურირებს ბიზან-
ტიელი მწერლის იოანე ზონარას (XI ს. ბოლო XII ს. და-
საწყისი) ნაშრომში „ისტორია“. იგი გადმოგვცემს: „იაფეტს
ჰყავდა შვიდი ძე, რომლებიც ტაურის და ამანის მთებიდან
გადმოვიდნენ და [დასახლდნენ] აზიაში, ტანაისის მდინა-
რემდე, ხოლო ევროპაში – ლადირო [ქვეყნამდე].“¹⁴

„ბიბლიის“ კომენტატორები პირდაპირ მიუთითებენ
მეშხე-მოსოხის კუთვნილ ტერიტორიაზე კაპადოკიაში. იო-
სებ ფლავიუსი გადმოგვცემს: „მოსოხენები დაფუძნებული
არიან მოსოხის მიერ, ახლახან მათ კაპადოკიელები ეწო-
დათ, ხოლო ძველი მათი სახელწოდების ნიშანიც ემჩნე-
ვათ. რამეთუ მათ აქვთ დღესაც ქალაქი მაზაკა, რომელიც
ნათელ ყოფს იმათთვის, ვისაც შეუძლია გაიგოს, რომ
ოდესდაც ასე ეწოდებოდა მთელ ტომს.“¹⁵

ამ მოსაზრებას ადასტურებენ „ბიბლიის“ სხვა კომენ-
ტატორებიც. ევსტათი ანტიოქელი გვამცნობს: „ოსოხი,
რომლისაგანაც არიან მესხენები, დღევანდელი კაპადოკიე-
ლები.“¹⁶ თეოდორიტე კვირელი (393-457/8 წწ.) მსგავს კონ-

ტექსტში განიხილავს ესაიას წინასწარმეტყველების ერთ ადგილს: „წმინდა მოციქულებს უთხრა უფალმა: წადით და დამოძღვრეთ ყველა ტომი. მათზე ასრულდა წინამდებარე წინასწარმეტყველება. იმათ ყველა ტომს მოუტანეს ღვთაებრივი ქადაგება. თარსის უწოდებს ის კარქედონს, ლიბიის დედაქალაქს; ფუდ - ლიკიელთა მთელ ტომს; ლუდ - ლიდიელებს; მოსოხ - კაპადოკიელებს და თობელ - იბერებს.“¹⁷

როგორც ჩანს, ამ მოსაზრებას მიმდევრები დიდი ხნის განმავლობაში ჰყავდა. ლეონ გრამატიკოსი განმარტავს: „იაფეტის ვაჟთაგან მომდინარეობენ: მესხოსაგან - მესხები, რომელთაც ახლა კაპადოკიელები ეწოდებოთ, საიდანაც არის მაზაკა, მათი დედაქალაქი“. იოანე ზონარაც ასევე განმარტავს, რომ „მოსოხისგან წარმოიშვა მესხინთა ტომი, ესენი აწ კაპადოკიელებად სახელიდებიან.“¹⁸

აღსანიშნავია, რომ ეპიფანე კვირელთან (314-403 წწ.) კაპადოკიელები მოხსენიებულია სემის ტომთა ჩამონათვალში, სადაც იგი ფიგურირებს ეგვიპტელებსა და ფინიკიელებს შორის. კაპადოკიელები იაფეტის ტომთა შორისაც ჰყავს მოხსენიებული და ამ შემთხვევაში იგი წარმოდგენილია გალატელებსა და პაფლაგონიელებს შორის.¹⁹ ეპიფანე კვირელის ეს ორი, ერთმანეთისაგან განსხვავებული გენეალოგიური სქემა, ვფიქრობ, ხაზს დიდი კაპადოკიის ეთნიკურ მრავალსახეობას უსვამს.

„ბიბლიის“ გვიანდელ განმარტებებში მოსოხის შთამომავალთა ახსნის სხვა ვარიანტსაც ვხედებით. Liber Generationis-ის ავტორი კაპადოკიელების პირველ წინაპრად იაფეთის ძეს გამერს წარმოგვიდგენს. შესაძლოა, მას ემყარებოდა „პასქალური ქრონიკის“ (VII ს.) ავტორი და გიორგი სანგელოზი (VIII-IX სს.), რადგან მათ მიერ წარმოდგენილი გენეალოგიური სქემა სიახლოვეს სწორედ „შესაქმეს“

წიგნის ლათინურ თარგმანთან ამუღავნებს. „პასქალური ქრონიკის“ უცნობი ავტორის განმარტებით „მოსოხისაგან წარმოიშენენ გეტულები.“ გიორგი სინგელოზის ცნობითაც „კაპადოკიელები წარმოიშენენ გამჟერისაგან, თობელისაგან – თეტალიელები და მოსოხისაგან – ილირიელები.“²⁰

-
1. ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 141.
 2. მცხეთური ხელნაწერი (მოსეს ხუთწიგნეული, ისო ნავე, მსაჯულთა, რუთი), ტექსტი გამოსაცემად მოამზადა და გამოკვლევები დურთო ელ. დონანაშვილმა, თბილისი, 1981, გვ. 62.
 3. „გეორგია“, 1, 1961, გვ. 13, 16, 17.
 4. მცხეთური ხელნაწერი (მეფეთა I, II, III, IV; ნეშტთა I, II; ეზრას I, II, III წიგნები), გამოსაცემად მოამზადა ელ. დონანაშვილმა, თბილისი, 1982, გვ. 258; იხ. Arabie Bible, Beirut, 1966/77.; Syrian Patriarchate, Damascus, 1979.
 5. ნ. ხაზარაძე, დასახ. ნაშრ. გვ. 187-188.
 6. მცხეთური ხელნაწერი (ეკლესიასტე, სიბრძნე სოლომონისა, ქება ქებათა სოლომონისა, წინასწარმეტყველთა წიგნები – ესაია, იერემია, ბაქური, ეზეკიელი), გამოსაცემად მოამზადა ელ. დონანაშვილმა, თბილისი, 1985, გვ. 154.
 7. ნ. ხაზარაძე, ბიბლია და მესხების უძველესი ისტორია, მესხეთი, ისტორია და თანამედროვეობა, ახალციხე, 2000, გვ. 10.
 8. მცხეთური ხელნაწერი (წინასწარმეტყველთა წიგნები - ესაია, იერემია, ბაქური, ეზეკიელი), გვ. 350-352.
 9. მცხეთური ხელნაწერი, დასახ. ნაშრ. გვ. 340.

10. თ. ყაუხჩიშვილი, ბერძენი მწერლების ცნობები საქართველოს შესახებ, V, თბილისი, 1963, გვ.48.
11. „გეორგიკა“, I, ბიზანტიელი მწერლების ცნობები საქართველოს შესახებ, 1961, გვ. 34, 13.
12. „გეორგიკა“, V, თბილისი, 1963, გვ. 3.
13. „გეორგიკა“, VI, თბილისი 1966, გვ. 182.
14. „გეორგიკა“, I, გვ. 271.
15. „გეორგიკა“, I, გვ. 35.
16. „გეორგიკა“, I, გვ. 221-222.
17. „გეორგიკა“, V, გვ. 4.
18. „გეორგიკა“, V, გვ. 182.
19. „გეორგიკა“, I, გვ. 39-40.
20. „გეორგიკა“ VI, გვ. 183-184.

§3. აღმოსავლეთი კაპადოკია ძვ. წ. IX-VII სს-ის ასურული წერილობითი წყაროების მონაცემთა შუქზე

ძვ. წ. IX-VII სს-ის კაპადოკიაში, რომლის საზღვრები ევფრატის დასავლეთ სანაპირომდე აღწევდა, ასურული წერილობითი ძეგლების მონაცემებით რამდენიმე მსხვილი პოლიტიკური გაერთიანება არსებობდა. ესენია: მელიდი (დღევ. მალატიასთან)¹, კამანუ (მელიდსა და თილ-გარიმუს შორის),² თაბალის ქვეყანა (დიდი კაპადოკიის სამხრეთ-აღმოსავლეთით), ხილაქუს ქვეყანა (დღევ. ბულღარ-დაღის მიდამოებში, დღევ. პოზანდისთან, კილიკიის კართან), ასევე, თუხანის, თუნას, შინუხთუსა და მუშქების,³ კუმუხისა და გურგუმის ქვეყნები.⁴

ჩვენამდე მოღწეული ყველაზე ადრეული ცნობა ძვ. წ. I ათასწლეულის დიდ კაპადოკიაში მდებარე „ქვეყნების“ შესახებ თიგლათფილესერ I-ის (ძვ. წ. 1115-1077 წწ.) მეფობის ხანას განეკუთვნება. თიხის ცილინდრზე შესრულებულ წარწერაში პირველად მოიხსენიება 20 000 მუშქი და მათი ხუთი მეფე, რაც აშკარად მიუთითებს მუშქების მსხვილ პოლიტიკურ გაერთიანებაზე, რომელსაც შედარებით უფრო წვრილი ტომობრივი გაერთიანებები შეადგენდნენ. მათი ქვეყნის სიძლიერეზე თავად თიგლათფილესერ I-იც მიუთითებს: „... ვერ დაიმორჩილა ვერცერთმა მეფემ, რამეთუ საკუთარი ძალების იმედად იყვნენ...“ ეს წერილობითი ძეგლი მნიშვნელოვანია მუშქების ქვეყნის ადგილმდებარეობის დასადგენად. როგორც თიგლათფილესერ I გადმოგვცემს, „...ჩამოვიდნენ (მუშქები) მთებიდან და დაიპყრეს ქათმუხის ქვეყანა...“. შემდეგ მეფე გვამცნობს, რომ მან ეს 20 000 მუშქი დაამარცხა, ხოლო გადარჩენილი 6000 მას დაიმორჩილდა.⁵

მუშქების მოხსენიებას აშურნასირპალ II-ის (ძვ. წ. 884/3-859 წწ.) „ანალებშიც“ ვხვდებით. ამ წყაროს ცნობით, მან ტიგროსი გადაღახა და ქათმუხს მიუახლოვდა. აქ, ხარკის სახით, მას ქათმუხისა და მუშქების ქვეყნიდან მსხვილფეხა და წერილფეხა საქონელი, აგრეთვე, ღვინო მიუღია.⁶

მუშქების ქვეყანა ასურეთს საღმანასარ IV-ის (ძვ. წ. 781-772 წწ.) დროსაც ემორჩილებოდა, რასაც ამავე მეფის ტურტანის* შამშილუს ლომის ქანდაკებაზე ამოკვეთილი წარწერა გვამცნობს. წარწერის მიხედვით, შამშილუ იყო „...გაერთიანებული ჯარების მეთაური, ხეთების მბრძანებელი, გუთიებისა და ნამრუს მთელი ქვეყნის, ჩამავალი მ'ხის მთის დამპყრობი... გამანადგურებელი მუშქებისა და ურარტუს ქვეყნებისა, მათი ხალხების დამმორჩილებელი.“⁸

გაცილებით უფრო კონკრეტულ ინფორმაციას სარგონ II-ის (ძვ. წ. 722-705 წწ.) სასახლის II-V დარბაზებში, ქვაზე ამოკვეთილი ლურსმული წარწერები შეიცავენ. სარგონ II-ის „ანალებიდან“ ირკვევა, რომ ამბარიდუ თაბალელს კაეშირი მუშქების მეფე მითასთან, ურარტულ ურსასთან და თაბალის მეფესთან დაუმყარებია. ეს კოალიცია ასურეთის წინააღმდეგ იყო მიმართული.⁹

მუშქების ქვეყნის დაპყრობა-განთავისუფლების პროცესი კარგად არის დაფიქსირებული იგივე სარგონ II-ის ტიტულატურის ამსახველ წარწერებშიც. მაგალითად, თიხის ცილინდრზე შესრულებულ წარწერაში დაპყრობილ ქვეყნებს შორის მოიხსენიება „თაბალი მუშქების ქვეყნის საზღვრამდე.“¹⁰ შემოხსენებული მეფის სასახლის XIV დარბაზში ამოკვეთილი წარწერის მიხედვით კი, სარგონ II-ს „...ქასქების, თაბალისა და ხილაქუს მოსახლეობა გა-

* ტურტანი - უმაღლესი სამხედრო ჩინი ასურეთში.

დაუსახლებია, ხოლო მუშქების ქვეყნის მეფე მითა გაუძე-
ვებია.”¹¹

ასურული წყაროების მიხედვით (სარგონ II-ის „ანა-
ლები“), მუშქების ქვეყანა ტერიტორიულად თაბალსა და
მის უახლოეს ქვეყანა თუნას, ქუესა და ქარხემიშს უკავ-
შირდებოდა და თავსდება მდ. პალისის შუა დინების სამ-
ხრეთით. ასე, მაგალითად, ქარხემიშის (დღევ. ჯერაბლუსი)
მეფე პისირიმ, მსგავსად ამბარიდუ თაბალელისა „ულალა-
ტა ასურეთის ღმერთებს და კავშირი მუშქების მეფე მი-
თასთან დაამყარა (ARAB, II, 8).

იმავე მეფის სხვა წარწერაში ნათქვამია, რომ მუშქე-
ბის მეფე მითას მიუტაცნია ქუეს სამი ქალაქი, რასაც ასუ-
რელების მხრიდან საპასუხო ნაბიჯები მოჰყოლია – მათ
საკუთარი უსაფრთხოება დაუცავთ.¹²

და ბოლოს, მუშქების ქვეყნისა და მისი მეფის მოხსე-
ნიებას ასარქადონის (ძვ. წ. 680-669 წწ.) დროინდელ ერთ-
ერთ ტექსტშიც, მეფის მიერ ღვთაება შამაშისადმი დას-
მულ შეკითხვებში ვხვდებით. სამწუხაროდ, ტექსტი დაზიან-
ებულია და ამ მიზეზით მისი შინაარსი ბუნდოვანია: „[მი-
თა, მმართველი [მუშქების ქვეყნის დასახლების(?)“ და „მი-
სი შიკრიკი [...]“, „მისი ძმის ვაჟი და ჯარი.“¹³

პირველი ჩვენამდე მოღწეული ინფორმაცია თაბალის
შესახებ სალმანასარ III-ის (ძვ. წ. 859-824 წწ.) „შავ ობე-
ლისკზე“ შესრულებული წარწერაა ქალხუდან (დღევ. ნიმ-
რუდი). წარწერის მოწმობით, ასურეთის მეფეს ეეფრატის
გადალახვისას მელიდი დაუპყრია. ამავე სამხედრო ოპერა-
ციის დროს მასთან ხარკით ხელდამშვენებული თაბალის
მეფე გამოცხადებულა. წერილობითი წყაროებიდან კარგად
ჩანს, რომ თაბალი ეეფრატისა და მელიდის დასაველეთით
მდებარეობდა.¹⁴ ისევე, როგორც ძვ. წ. XII ს. მუშქების სა-
მეფო, თაბალიც ტომთა მსხვილ გაერთიანებას წარმოად-

გენდა. ამ ვარაუდის საფუძველს სალმანასარ III-ის წარწერა იძლევა, რომელშიც თაბაღის დაპყრობასა და თაბაღის 24 მეფისაგან ხარკის მიღებაზეა საუბარი.¹⁵ ქალათ-შერკათში აღმოჩენილი სალმანასარ III-ის წარწერა თაბაღის ბუნებრივი სიმდიდრის შესახებაც გვამცნობს: „თუნის მთა (ტავრი), ვერცხლის მთა, (და) მულის მთა, მარმარილოს მთა, მე ამოვედი. ჩემი გამოსახულება მე აღემართე მათ შორის. უსომო რაოდენობის მარმარილო მე წავიღე. მე გავემართე ქუესა (და) თაბაღის წინააღმდეგ. მათი მიწები მე დავიპყარი და დავაქციე.“

სალმანასარ III-ის შემოსევა დაახლოებით ძვ. წ. 837 წ. მომხდარა.

თაბაღის მოხსენიებას თიგლათფილესერ III-ის (ძვ. წ. 745-727 წწ.) წარწერებშიც ვხვდებით. როგორც ჩანს, თაბაღის ქვეყანა დროდადრო მაინც ახერხებდა დამოუკიდებლობის მოპოვებას, ხარკის გაღებას წყვეტდა და დაუმორჩილებლობას აგრძელებდა. სწორედ ამის გამო, ასურეთის ახალ მბრძანებლებს ხელახლა უხდებოდათ თაბაღის დაპყრობა და მისთვის ხარკის დაკისრება. თიგლათფილესერ III-ის სხვა წარწერებიც სავსებით ადასტურებენ ჩვენს მოსაზრებას.¹⁶

მაგალითად, თიგლათფილესერ III-ის ერთ-ერთი წარწერის თანახმად, უასურმე თაბაღელი კელავ განუდგა ასურელებს. მეფე გვამცნობს: „...ჩემი ნდობით აღჭურვილი პირი, ხული, არავის შვილი დავსვი ტახტზე. 10 ტალანტი ოქრო, 100 ტალანტი ვერცხლი, 200 ცხენი [...]“¹⁷

თაბაღის შესახებ გაცილებით მეტ ინფორმაციას ვადასტურებთ სარგონ II-ის წარწერებში, სადაც მისი პოლიტიკური ისტორიაცაა ასახული და საყურადღებო ცნობებია დაცული თაბაღის ქვეყნის ისტორიული გეოგრაფიისათვის.

სარგონ II-ის სასახლის II-V დარბაზებში არსებული წარწერების თანახმად, თაბალის ერთ-ერთი ოლქის მმართველს - ამბარიდუ თაბალელს, რომელიც ხულის ძე იყო, სარგონმა ცოლად თავისი ასული შერთო და ქალაქი ხილაქეც უბოძა, რითაც მისი სამფლობელო გააფართოა. მაგრამ ამბარიდუ თაბალელს დამოუკიდებლობა აურჩევია, ურთიერთობა ანტიასურულად განწყობილი მუშქებისა და ურარტუს მეფეებთან დაუმიყარებია. სარგონის წარწერაში აღწერილია, თუ როგორ იძია მან შური თაბალზე: „მან კი, უმადურმა გაგზავნა მსრბოლელი ურარტულ ურსასთან (რუსა II), მუშქების მითასთან, ... თაბალის მეფესთან, რათა წაერთმიათ ჩემთვის ჩემი მიჯნები. ღვთაება აშურის მეომრები თაბალის ქვეყნის წინააღმდეგ აეამხედრე და გავანადგურე. ამბარისი, ბით-ბურუტაშის მეფე, თავის ნათესავეებსა და ამალასთან ერთად 100 ორთვალთ წამოვიყვანე ასურეთში.“¹⁸

თაბალის ეკონომიკური განვითარების შესახებ საინტერესო ინფორმაციას შეიცავს სარგონ II-ის „მიმართვა“ ღვთაება აშურისადმი. წერილობით ძეგლებზე შესრულებული წარწერა ურარტუს წინააღმდეგ ძვ. წ. 714 წ. მოწყობილი ლაშქრობისა და მუსასირში ღვთაება ხალდის ტაძრის საგანძურის ხელში ჩაგდების თაობაზე მოგვითხრობს. ნადავლის აღწერისას ჩამოთვლილია „ოქროს მახვილები, ... ოქროს სატევრები, ოქროს მარაო... თასები თაბალიდან ოქროს ყურებით, ვერცხლის gurpisu, ვერცხლის ვიწრო lutti და susani, ... ვერცხლის azanate, თასები, mukarrisu, [მაყალ]ი (ანუ საცვეცხლური), სასაკმეველე თაბალიდან...“ შემდეგ მოხსენიებულია სპილენძისა და რკინის ნაკეთობანი. სამწუხაროდ, კონკრეტული საგნები არაა ჩამოთვლილი.¹⁹ მეფობის დასასრულს სარგონ II-ს კიდევ ერთხელ ულაშქრია მცირე აზიაში. ამის შესახებ ცნობა დაცულია ძვ. წ. 500 წ. (?) და-

თარიღებულ წარწერაში „ბაბილონური B ქრონიკა.“ წარწერაში ნათქვამია: „[მე-16 წელს (ე. ი. ძვ. წ. 706 წ.) შარუქინი თაბალის ქვეყნის წინააღმდეგ გაემართა.]“ სარგონ II ძვ. წ. 705 წ. გარდაიცვალა, სავარაუდოა, მცირე ასიაში ლაშქრობისას.²⁰

სინაქერიბის (ძვ. წ. 705-681 წწ.) დროინდელი ფრაგმენტული წარწერებიდან ვგებულობთ, რომ თაბალის საზღვარი თილ-გარიმუსთან გადიოდა. ეს ცნობა ნები-იუნუსაში აღმოსენილ ქვის ფილაზე შესრულებულ წარწერაშიცაა დამოწმებული. ეს წარწერაც სინაქერიბის დროსაა შედგენილი.²¹

ასარქადონის (ძვ. წ. 681-668 წწ.) წარწერების მიხედვით თაბალი ტყიანი მთებით იყო გარშემორტყმული.²²

ასარქადონის კითხვები ღვთაება შამაშის ორაკული-სადმი, რომლებიც გარკვეულწილად ურარტუსთან, კიმერიელებთან და სკვითებთან ურთიერთობის საკითხებს ასახავს, არაერთ საინტერესო ცნობას შეიცავს. მაგალითად, შეკითხვების ერთ ტექსტში ასურელების მეტოქედ მოიხსენიება თაბალის მეფე იშგალუ და მელიდის მმართველი მუგალუ, სადაც ასურელებთან კონფრონტაციაზე საუბარი.²³ შეკითხვების სხვა ტექსტი კიმერიელების საომარ მოქმედებაზე მიუთითებს. წარწერის თანახმად, კიმერიელებს ჯერ კიდევ ძვ. წ. 670 წლამდე, ხილაქუსა და თაბალთან პქონიათ კავშირი და მათთან ერთად ასურეთის დასავლეთ პროვინციებს თავს ესხმოდნენ. ასარქადონის მცდელობებს, გამკლავებოდა კიმერიელებს, წარმატება არ მოჰყოლია, თუმცა „ცილინდრზე“ შესრულებული წარწერის თანახმად „და თეუშუა კიმერიელი ხუბუშნაში თავისი ლაშქრით მე დაგამარცხე იარადით, გავანადგურე დაუმორნილებელი ხალხი ხილაქუსი“,²⁴ არ იყო გადამწყვეტი გამარჯვება, რადგან ასურელებმა ვერ შეძლეს ასურეთის

საზღვრების უსაფრთხოების დაცვა. როგორც შეკითხვებიდან ირკვევა, თაბალები, ხილაქუელები, კუზურაკიელები ასურეთის სასაზღვრო პროვინცია ქუეში იჭრებიან.²⁵

ასარქადონის მმართველობის დროს შედგენილ შეკითხვებში მუგალუ „მელიდელად“ იწოდება. უკვე აშურბანიფალის მეფობის ხანით დათარიღებულ (ძვ. წ. 668-633 წწ.) „ანალებში“ იგი თაბალების მეფედ მოიხსენიება. როგორც ჩანს, მუგალუმ ასურელებთან შეტაკებისას ტერიტორიის ნაწილი და თვით ქალაქი მელიდუც დაკარგა. თუმცა, ტერიტორიის გარკვეული ნაწილი მაინც შეინარჩუნა და კიდევ გააფართოა დასავლეთის მიმართულებით. ასე რომ, იგი ერთ-ერთ თაბალებს მეფედ კვლავ რჩებოდა. აშურბანიფალის ე. წ. „რასამის ცილინდრზე“ შესრულებული წარწერიდან ჩანს, რომ მუგალუ ამ დროისათვის ასურელთა დამოკიდებულებაში მოქცეულა: „[მუგალუს, მეფე თაბ]ალის, რომელიც ჩემი წინა მეფეების წინააღმდეგ გამოთქვამდა შეურაცხყოფებს, ... ჩემი უღლის ქვეშ ის მო[იდრიკა]“. თაბალის მეფემ თავისი ქალიშვილი დიდი მზითვით ნინეფიაში მძველად გაგზავნა და ყოველწლიურად ცხენების სახით ხარკის გადახდაც იკისრა. აშურბანიფალის ამ წარწერაში მუგალუს ვაჟიც (წარწერა დაზიანებულია და ამიტომ სახელი ბუნდოვანი ჩანს) მოიხსენიება, მას დიდი ღმერთებისადმი დადებული ფიცი გაუტეხია და ანტიასურული კავშირი კიმერიელთა მეფე – დუგდამესთან დაუმყარებია. ტექსტის თანახმად, აშურბანიფალს მუგალუს ვაჟი დაუმარცხებია და მისი სხეულიც დაუწვეავს, კიმერიელებს უკან დაუხევიათ და ასურეთთან მშვიდობის დასამყარებლად ხარკიც გადაუხდიათ.²⁶

თაბალის მეზობელი მელიდის შესახებ ცნობები ქალაქ აშურში ანუს და ადადის ტაძრების სამშენებლო ქვაზე თიგლათფილესერ I-ის (ძვ. წ. 1115-1077 წწ.) პერიოდის შესრულებული

ბულ წარწერებშია დაცული. წერილობითი ძეგლის თანახმად, ასურეთის მეფეს „დიდი ხეთების ქვეყნებზე“ ლაშქრობისას „ქალაქი მელიდი“ დაუპყრია და მისგან ხარკიც მიუღია.²⁷

თიგლათფილესერ I ნაირის ქვეყნების წინააღმდეგ ლაშქრობისას მელიდის მოსახლეობის წინააღმდეგაც გაემართა. ამ ფაქტის შესახებ ცნობა თიხის ცილინდრზე შესრულებულ წარწერებშია დაცული, რომელთა მიხედვით მელიდის მოსახლეობას ქედმაღლობა და ურჩობა ახასიათებდა, ამჯერად მელიდელებს ბრძოლისათვის თავი აურიდებიათ, რის გამო, ასურეთის მეფისაგან შეწყალება მიუღიათ. თიგლათფილესერ I-ს ქალაქის დაპყრობისაგან თავი შეუკაპებია და მათთვის მაგნიუმის სახით, ყოველწლიურად ხარკის გადახდა დაუკისრებია.²⁸

სალმანასარ III-ის (ძვ. წ. 859-824 წწ.) წარწერები მელიდის მდებარეობისა და გეოგრაფიული გარემოცვის კონკრეტულ დახასიათებას გვამცნობს. მაგალითად, „შავ ობელისკზე“ შესრულებული წარწერის თანახმად, ქალხუდში (დღევ. ნიმრუდი) აღმოჩენილი, მელიდი ეფფრატის გადაღმა მდებარე ქვეყანა იყო. თავისი მეფობის 23-ე წელს სალმანასარ III-ს გადაულახავს მდინარე ეფფრატი და მელიდის მეფე ლალლას გამაგრებული ქალაქი გაეთაში დაუპყრია. იქ, მას მელიდისა და თაბალის მეფეებისაგან ნობათი მიუღია.²⁹

სალმანასარ III-ის კლდეზე ამოკვეთილი წარწერა, რომელიც ტიგროსის სათავესთან არსებული გვირაბის შესასვლელშია აღმოჩენილი, გვამცნობს: „ნაირის ზღვიდან დაიანეს ქვეყანა, სუხმე, ქალაქი არზაშკუნი, სამეფო ქალაქი არამუ ურარტუდან, ქვეყნები გილზანი და ხუბუშქია ტიგროსის შესართავიდან ეფფრატის შესართავამდე, შიდა

ზამქვას ზღვიდან (ტბა ურშია), ხალდეის ზღვამდე (სპარსეთის ყურე)”.³⁰

ამგვარად, სალმანასარ III-ის წარწერა ზოგადად წარმოგვიდგენს მელიდუსთან გეოგრაფიულად ახლომდებარე ქვეყნებისა და ქალაქების განლაგებას.

თიგლათფილესერ III-ის (ძვ. წ. 745-727 წწ.) „ანალები“ ადასტურებენ სალმანასარ III-ის მეფობის პერიოდის წარწერათა ჩვენებებს მელიდისთან გეოგრაფიულად ახლომდებარე ქვეყნების შესახებ. წარწერიდან ვგებულობთ, რომ მელიდის მეფე სულუშალი იყო. თიგლათფილესერ III-ის წარწერებში მელიდი და მისი მეფე მეზობელი ქვეყნების ანტიასურული კოალიციის წევრთა შორისაა მოხსენიებული. ამ კოალიციას მარცხი განუცდია, თიგლათფილესერ III გვამცნობს: „[ხარკი] მივიღე კუშტაში კუმუხელიდან, ... თარხულარა გურგუმელიდან, სულ[უშალი] მელიდელიდან, დადიმუ ქასქელიდან, უქასურმე თაბალელიდან, უშრიტი თუნელიდან, ურბალი თუხანელიდან...” ასურეთის მეფეს მათგან ხარკის სახით ცხენები, ჯორები, ოქრო, ვერცხლი, კალა, რკინა, მაგნიუმი, ბამბის ქსოვილები მიუღია.³¹

მელიდუს ისტორიის საინტერესო ფრაგმენტები დაცულია სარგონ II-ის (ძვ. წ. 722-705 წწ.) სახელით შედგენილ ძეგლებშიც. მისი მეფობის დროს, მელიდუს მეფე თარხულარა ყოფილა. იგი, როგორც წარწერიდან ჩანს, ჯერ ასურეთის ქვეშევრდომი იყო, ხოლო შემდეგ დამოუკიდებლობა მოუპოვებია. სარგონ II-ს მელიდუ ქამანუსათვის შეუერთებია და მმართველობაც გუნზინანუსათვის გადაუცია. თარხულარა კი, თავისი ოჯახითურთ, სასახლის საგანძურითა და 5 000 მეომრით ასურელებს ტყვედ ჩაუგდიათ. წყაროს ჩვენებით, ასურელებმა „ქოთანით დაამსხვრიეს“ მელიდუ და თილ-გარიმუ, სადაც ლტოლვილი მეფე თავს აფარებდა. სარგონ II-ის მონათხრობით, მას თილ-გარიმუ

აღუდგენია, სირიის სტეპებიდან მშვილდოსნები (მეისრეუბი) ქამანუში გადმოუსახლებია და მუდმივმოქმედი ჯარი გაუმრავლებია. ოლქი კი, თავისი ნდობით აღჭურვილი პირისათვის გადაუცია. მაგრამ, როგორც ჩანს, სარგონ II გუნზინანუს ბოლომდე ვერ მინდობია, იგი მედიდუდან სამეფო ქალაქში გადაუსახლებია.³²

სარგონ II-ის შემდეგ მედიდი მხოლოდ შამაშის ორაკულისადმი ასარქადონის (ძვ. წ. 681-668 წწ.) მიერ დასმულ შეკითხვებში ფიგურირებს. ისევე როგორც თაბალი და მუშქების ქვეყანა, მედიდუც არ წყვეტს ბრძოლას დამოუკიდებლობისათვის და როგორც ჩანს, ხდება კიდევ დამოუკიდებელი. ამის გამო, შეშფოთებული ასარქადონი შამაშის ორაკულს ასურეთის იმ სარდლის ლაშქრობის წარმატებაზე ეკითხება, რომელმაც მედიდუში მუგალუს ალყა შემოარტყა. მეფე შიშს გამოთქვამს თაბალის მეფე იშგალუსა და მედიდის მეფე მუგალუს ურთიერთშეთანხმებულ მოქმედებასთან დაკავშირებით.³³

სამწუხაროდ, ეს წარწერები მხოლოდ კითხვებს წარმოადგენს. ასე რომ, თუ რა შედეგით დამთავრდა ეს ბრძოლა თითოეული მხარისათვის, ჩვენთვის უცნობია.

შედარებით მწირი ცნობები მოგვეპოვება ჩვენთვის საინტერესო პერიოდის ასურულ ლურსმულ წარწერებში მოხსენიებული ხილაქუს, თუნას, თუხანის, შინუხოუს, გურგუმისა და კუმუხის სამთავროებზე.

ხილაქუს სახელს სარგონ II-ის სახელით შედგენილ წერილობით ძეგლებზე ვხვდებით. როგორც დავინახეთ ზემო მოყვანილი წარწერიდან, ხილაქუ უშუალოდ თაბალს ემეზობლებოდა.³⁴ სარგონ II-ის ერთ-ერთ წარწერაში ხილაქუ ქასქებისა და თაბალის შემდეგ ფიგურირებს: „მე გადმოვასახლე ქასქების, თაბალის და ხილაქუს მოსახლეობა, გავაძევე მითა მუშქების ქვეყნის მეფე“.³⁵ ამ წარწერის

შექმე, ხილაქუ თაბალის სამხრეთით მდებარე ქვეყანაა: წარწერაში ქვეყნების ჩამოთვლისას, როგორც ჩანს, გეოგრაფიული თანმიმდევრობაა დაცული: დაპყრობილი ქვეყნები ჩრდილოეთიდან სამხრეთის მიმართულებითაა ჩამოთვლილი.

ცნობები ხილაქუს შესახებ სინაქერიბის (ძვ. წ. 705-681 წწ.) მეფობის დროს შედგენილ წერილობით ძეგლებშიცაა ასახული.

ასურული წყაროს მიხედვით, ქალაქ ილუბრუს მმართველმა კირუამ, რომელიც თავდაპირველად ასურელებს ემორჩილებოდა, მათ უღალატა და ხილაქუს ხალხი აამხედრა. მათ წინააღმდეგ სინაქერიბს ჯარი გაუგზავნია და ხილაქუს მოსახლეობა ძნელად მისადგომ ადგილებში დაუპარცხებია.

ნინევიასი ქვის ფილაზე შესრულებული სინაქერიბის წარწერა კიდევ ერთხელ ადასტურებს, რომ ხილაქუს ქვეყანა მიუვალ მთებში მდებარეობდა. სინაქერიბის ცნობით, მის ჯარს ხილაქელები დაუმარცხებია, ხოლო მათი ქვეყანა გადაუწევავს. კირუა და მისი ქალაქის – ილუბრუს (ემ. ფორერი და აღ. გიოცე ამ ქალაქს კილიკიის კარიდან სამხრეთ-დასავლეთით ათავსებს) მოსახლეობა (ხილაქეელები) სახედრებითურთ, წერილფეხა და მსხვილფეხა საქონლით ნინევიასი ტყვედ გაურეკია.³⁶

ასარქადონის წარწერა „პრიზმა A-ზე“ და მის მიერვე შამაშის ორაკულისადმი დასმული შეკითხვებიდან ასევე ჩანს, რომ ხილაქუ მთებში იყო განლაგებული „თაბალის მეზობლად“. მასთან ერთად დუ'უას ხალხიცაა მოხსენიებული, რომელიც „თავის მთებს დაენდო და დიდი ხანია აღარ ემორჩილება ასურეთს“.³⁷ ასარქადონის მმართველობის დასაწყისში კიმერიელებმა ფეხი მოიკიდეს მცირე აზიის აღმოსავლეთ მხარეში და საფრთხე შეუქმნეს ასურე-

თის დასავლეთ საზღვრებს. მის შესახებ ღვთაება შამაშის ორაკულისადმი დასმულ შეკითხვებშია საუბარი: „კიმერი-ელთა ლაშქარი, [ან ლაშქარი] ხილაქუსი, [...] ... რომღე-ბიც ცხოვრობენ მოებში... დაამთავრებენ თუ არა...“³⁸

სხვა წარწერიდან ირკვევა, რომ ხილაქუელები თაბა-ლებთან ალიანსში ყოფილან, რაც ბუნებრივია, ასარქადო-ნის შემფოთების მიხედვით გამხდარა.

უკანასკნელად ხილაქუ აშურბანიფალის (ძვ. წ. 668-629 წწ.) მეფობის დროით დათარიღებულ ე. წ. „რასამის ცილინდრზე“ შესრულებულ წარწერაში იხსენიება. ჩანს, რომ ამ პერიოდისთვის ხილაქუს პოზიციები შესუსტებუ-ლია, ამჯერად იგი ასურეთის „მეგობარ“ ქვეყნად მოიაზ-რება. ირკვევა, რომ ხილაქუს მმართველს სანდაშარმეს, რომელიც ადრე ასურეთს არ ემორჩილებოდა, აშურბანი-ფალისათვის მძევლად თავისი ქალიშვილი დიდი მზითვით ნინეფიაში გაუგზავნია.³⁹

ძვ. წ. VIII ს-ის ასურულ წერილობით ძეგლებში მცირე აზიის აღმოსავლეთ ნაწილში მდებარე სხვა „ქვეყნე-ბის“ შესახებ რამდენიმე ცნობაა შემონახული.

თიგლათფილესერ III-ის „ანალებში“ ერთმანეთის გვერდით უშრითი თუნელი და ურბალა თუხანელი იხსენი-ება.⁴⁰ ასურეთის მეფეს მათგან ხარკი მიუღია, რაც ასურე-თისადმი მათ დამოკიდებულებაზე მიუთითებს. ამ წარწე-რების მოწმობით, ეს ორი სამთავრო თაბალის მეზობლად მდებარეობდა.

ქვეყანა შინუხოთუ სარგონ II-ის „სადღესასწაულო“ წარწერაში მოიხსენიება. იგი, როგორც ჩანს, თუნას უახ-ლოესი მეზობელი იყო. შინუხოთუს მეფე კიაკის ასურელე-ბისათვის ხარკის მიცემა შეუწყვეტია და ურჩობა გაუწე-ვია, სარგონს შინუხოთუს კუთვნილი 30 საბრძოლო ეტლი

7350 მეომრითურთ ხელთ უგდია, შინუხთუ კი, ათუნელი მათთის ქვეყნისათვის შეუერთებია.⁴¹

სარგონ II-ის სხვა წარწერის მოწმობით, იგივე კიაკი შინუხთუელი ერთ დროს თაბალის მეფეც ყოფილა (ARAB, II, 137).⁴²

უძველეს ცნობებს კუმუხის შესახებ აშურნასირპალ II-ის (ძვ. წ. 884-859 წწ.) „ანალებში“ ვპოულობთ. ამ წყაროს მოწმობით, ასურეთის მეფეს ქათა'ხილუ კუმუხელისაგან ხარკის სახით კედრის კოჭები, ვერცხლი და ოქრო მიუღია.⁴³ კუმუხისა და გურგუმის შესახებ ცნობებს თიგლათფილესერ III-ის და მისი მემკვიდრის სარგონ II-ის წარწერებში ვპოულობთ. ისინი, ძირითადად, ფრაგმენტების სახითაა ჩვენამდე მოღწეული და ამ ქვეყნების ისტორიის ხანმოკლე პერიოდზე მოგვითხრობენ. მაგალითად, თიგლათფილესერ III-ის „ანალების“ თანახმად, გურგუმის მმართველს „თარხულარა“ ერქვა, ხოლო კუმუხის ქვეყნის მმართველს – „კუმტაში“. ამ და სხვა წარწერებშიც ის ფაქტია საინტერესო, რომ ეს ქვეყნები მედიდუს გვერდითაა მოხსენიებული, რაც მათ ტერიტორიულ სიახლოვეზე მიუთითებს. წარწერა გვამცნობს ურარტუსა და მედიდუსთან ერთად მათ ანტიასურულ მოქმედებაზე,⁴⁴ როგორც ჩანს, მათი ცდა უშედეგო იყო. თიგლათფილესერ III-ის ერთ-ერთ სხვა წარწერაში ნათქვამია, რომ მას არპადში (სირია) კუმტაში კუმუხელისა და თარხულარა გურგუმელისაგან ოქრო, ვერცხლი, ტყვია, რკინა, სპილოს ძვალი, სპილოს ტყავი და მეწამული მატყლი მიუღია.⁴⁵ ეს წარწერა საინტერესოა კუმუხისა და გურგუმის ეკონომიკური განვითარების ისტორიის თვალსაზრისით.

ასურული წარწერების მოწმობით, თიგლათფილესერ III-ს საკუთარი პოზიციების განმტკიცებისათვის ბრძოლა კვლავ გაუგრძელებია, სარდურ ურარტუელის ანტიასურ-


რულ კოალიციას შებრძობებია. ქვის ფილაზე შესრულებული წარწერა გვამცნობს, რომ ასურეთის მეფეს „ქალაქ კუმუხის კუთვნილ მხარეებში კიშტანსა და ხალპუში“ სარდური დაუმარცხებია, თანაც მისი სამხედრო ბანაკი ხელთ უგდია.⁴⁶

საინტერესო ცნობებია შემონახული სარგონ II-ის დროინდელ წერილობით ტექსტებშიც. მაგალითად, მისი ვაჟის - სინაქერიბის მიერ (ძვ. წ. 705-681 წწ.) სადაზვერეო ხასიათის ერთ-ერთ წერილში, დაპყრობილ ქვეყნებში არსებულ სიტუაციაზეა საუბარი. ირკვევა, რომ სინაქერიბის ინფორმატორის, ქალაქ ხალპუს მმართველის ნაბულის თანახმად, მუსასირის მმართველს და ხუბუშქიას მთავარს ურარტუს მეფესთან შიკრიკი გაუგზავნია. ჩანს, რომ ხალპუ, რომელიც კუმუხის ერთ-ერთ მხარეს შეადგენდა, ასურელთა მიერ კონტროლირებად ტერიტორიას წარმოადგენდა. იქ, სარგონ II-ს თავისი ნდობით აღჭურვილი მოხელე ჰყავდა.⁴⁷ თუ ჩვენს ხელთ არსებული წერილობითი წყაროების ჩვენებათა მიხედვით ვიმსჯელებთ, იმ დასკვნამდე მივალთ, რომ ასურელთა წინააღმდეგ ბრძოლები არ წყდებოდა, ანტიასურულ კოალიციას სათავეში ურარტუს მეფე არგიშთი ედგა. ასურელთა წინააღმდეგ აჯანყება, როგორც წესი, ხარკის გადახდის შეწყვეტით იწყებოდა. სარგონ II-ის ე. წ. „სადღესასწაულო წარწერის“ მოწმობით, მუთაღუ კუმუხელს ურარტუსთან კავშირი დაუმყარებია. საპასუხოდ სარგონ II-ს კუმუხში ჯარი გაუგზავნია. მუთაღუს გაქცევა მოუსწრია, რომლის ადგილსამყოფელს ასურელებმა ვერ მიაგნეს. მათ სასტიკად აუოხრებიათ ქალაქი კუმუხი და სხვა ქალაქებთან ერთად ქვეყანა დაუპყრიათ.⁴⁸

სარგონ II-ის დროინდელი იგივე წარწერა ცნობებს გურგუმის შესახებაც გვაწვდის. წარწერის თანახმად, გურგუმში სამეფო კარზე გადატრიალებას ჰქონდა ადგილი.

თარხულარა გურგუმელი მის შვილს სამეფო ტახტიდან ჩამოუგდია და თავად გამეფებულა. მაგრამ მას ასურელთა უზენაესობა არ უცვნია. უფრო მეტიც, ყოველივე აღნიშნული, სარგონ II-ის ნებართვის გარეშე მოუხდენია. ეს ინციდენტი კი, ასურელთა ლაშქრობის მიზეზი გამხდარა. სარგონ II-ს გეზი პირდაპირ გურგუმის მთავარ ქალაქ მარკასუსკენ (დღევ. მარ'აშ) აუღია. მაგრამ ეს მხოლოდ ერთი ეპისოდის იყო ასურეთსა და გურგუმს შორის მომხდარი კონფლიქტისა. სარგონ II-ის „ანალებში“ კი პირდაპირაა ნათქვამი, რომ ასურეთის მეფემ გურგუმი დაპყრობილ ქვეყნებს მიათვალა და „თავის საზღვრებში მოაქცია“. სხვა წარწერების თანახმად, სარგონ II-ს არა მხოლოდ ტყვედ აუყვანია და გადაუსახლებია კუმუხისა და გურგუმის მოსახლეობა, არამედ ეს ქვეყნები ხელახლა დაუსახლებია.

ამგვარად, როგორც ვხედავთ, ძვ. წ. IX-VII სს-ის ასურული წერილობითი ძეგლები საყურადღებო ინფორმაციას გვაწვდის აღმოსავლეთ კაპადოკიის ისტორიული გეოგრაფიის, სოციალურ-ეკონომიკური და პოლიტიკური ისტორიის შესწავლისათვის. ანტიკური ხანის წერილობით წყაროებთან ერთად, ისინი მნიშვნელოვნად ავსებენ ჩვენს ცოდნას ძვ. წ. I ათასწლეულის დიდი კაპადოკიის ისტორიის შესახებ.



1. Г. А. Меликишвили, Наირი-Уრартუ I, Тბილისი, 1954, с. 305.
2. იქვე, გვ. 82.
3. ნ. ხაზარაძე, აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978, გვ. 38-58.
4. Г. А. Меликишвили, Наირი-Урарту, с. 305.
5. АВИИУ, №10.
6. АВИИУ, №23.
7. АВИИУ, №38.
8. АВИИУ, №46.
9. АВИИУ, №53.
10. АВИИУ, №47.
11. ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 78.
12. АВИИУ, №68.
13. АВИИУ, №28.
14. Г. А. Меликишвили, Наირი-Урарту, с. 243.
15. АВИИУ, №44.
16. იქვე, №44.
17. АВИИУ, №46.
18. АВИИУ, №49.
19. АВИИУ, №63.
20. АВИИУ, №59.
21. АВИИУ, №65.
22. АВИИУ, №68.
23. А. И. Иванчик, «Кимерийцы», Москва, 1996, с. 187-188.
24. АВИИУ, №68.
25. А. И. Иванчик, «Кимерийцы», с. 274-275.
26. АВИИУ, №22.
27. АВИИУ, №10.

28. АВИИУ, №28.
29. АВИИУ, №28.
30. АВИИУ, №44.
31. АВИИУ, №46.
32. АВИИУ, №68.
33. АВИИУ, №46.
34. АВИИУ, №47.
35. АВИИУ, №59.
36. АВИИУ №65.
37. А. И. Иванчик, «Кимерийцы», с. 208.
38. АВИИУ, №72.
39. АВИИУ, №44.
40. АВИИУ, №54.
41. ბ. ხაზარაძე, დაცხ. ნაშრ., გვ. 95.
42. АВИИУ, №23.
43. АВИИУ, №41.
44. АВИИУ, №41.
45. АВИИУ, №42.
46. АВИИУ, №55.
47. АВИИУ, №54.
48. АВИИУ, №55.

§4. აღმოსავლეთი კაპადოკია ძვ. წ. VIII-VII სს.
ურარტული ლურსმული წარწერების მიხედვით

ურარტულ ლურსმულ ტექსტებში ცნობები ჩვენთვის საინტერესო ტერიტორიაზე (კაპადოკიაში) მდებარე „ქვეყნებისა“ და „დასახლებების“ შესახებ პირველად ურარტუს მეფე მენუას (ძვ. წ. 810-786 წწ.) წარწერებში ჩნდება. სურბ პოლოსის ეკლესიის ქვის ფილაზე აღმოჩენილ ერთ-ერთ წარწერაში მთელ რიგ ქალაქებსა და ქვეყანა ხათინაშთანში ურარტელების ლაშქრობის შესახებაა საუბარი. ირკვევა, რომ ერთი წლის მანძილზე მათ 2113 ადამიანი მოუკლათ, ხოლო ცოცხლები – ტყვედ წაუყვანიათ.¹

ვალუში (მდ. არაკანის მარჯვენა სანაპირო) აღმოჩენილი მენუას სხვა წარწერის მიხედვით, ურარტუელებს შებენთერია, ხუზანი, ცუფანი დაუპყრიათ და ხათინილის საზღვრებისთვის მიუღწევიათ.²

ნ. არუთინიანის მოსაზრებით, ვინაიდან თუქულთი-ნი-ნურთა I-ის ორ იდენტურ წარწერაში მოგვეპოვება მთავარი მონაცემები 28600 ხეთი მეომრის გატაცებაზე ევფრატის იქითა ქვეყნიდან, ხოლო სარგონ II-ის „ანალებში“ ხეთების ქვეყანა კუმუხის გვერდით ფიგურირებს, ურარტულ წარწერებში მოხსენიებული „ხათი“ – „ხათინილის“ ქვეშ, ძვ. წ. XII ს. I ნახ. – VII სს. შეიძლება უკვე არენიდან ჩამოსული ხეთური სამეფოს ნაშთები დაეინახოთ, რომელიც ევფრატის მარჯვენა ზოლის სამხრეთით, მალატიის რაიონში ლოკალიზდება. იმავე ავტორის თანახმად, ძლიერების პერიოდში ხათის სამხრეთი საზღვრები ქარხემიშსა და არპადს შორის იყო გადაჭიმული.³

ხათის წინააღმდეგ განხორციელებულ მოქმედებებზე საინტერესო ცნობები ვანში, სურბ სააკის ეკლესიაში აღმოჩენილ მენუას ვაჟის – არგიშთი I-ის (ძვ. წ. 786-764 წწ.)

წარწერებშიც მოიპოვება. პირველი ტექსტის მიხედვით „ღვთაება ხალდი გაემართა (სალაშქროდ) თავისი იარაღით (?), სძლია ხათეს ქვეყანას, სძლია (მეფე) ხილარუადას ქვეყანას, დაამხო ისინი არგიშთის წინაშე“.⁴ წარწერის მომდევნო ნაწილში ხათისკენ სალაშქროდ წასვლის ამბავი ორგზისაა მითითებული, თუმცა მის დაპყრობაზე არაფერია ნათქვამი.

საყურადღებოა ვანის კლდეზე არგიშთი I-ის სახელით შესრულებული სხვა წარწერაც, სადაც იგი ქალაქ ერბუნის (ანუ ირფუნის) მშენებლად გვევლინება და იქვე აღნიშნავს: „მიწა უკაცრიელი (?) იყო (და) არაფერი არ იყო წინათ იქ აგებული. ძლევამოსილი საქმენი მოვიმოქმედე მე იქ ხათესა (და) ცუფანის 6 (?) ათას 600 მეომარი მე იქ დაეასახლე.“⁵

ხათის შესახებ ინფორმაცია დაცულია რუსა II-ის (ძვ. წ. 685-645 წწ.) წარწერაში ადილჯევანთან, სადაც მშვიდობიან მშენებლობაზეა საუბარი, რომელსაც ურარტუს მეფე – რუსა II „ღვთაება ხალდის ქალაქში, ზიუკუნის ქვეყანაში“ ატარებდა (გ. მელიქიშვილის მოსაზრებით, თანამ. ადილჯევანთან). ტექსტში მოთხრობილია მუშქების, ხათესა და ხალიტუს ქვეყნებიდან ტყვეების (ქალების) წაყვანის შესახებ. აქედან გამომდინარე, სავარაუდოა, რომ რუსა II ეს ხალხი აქვე დაასახლა და ისინი სამშენებლო საქმიანობაში გამოიყენა.⁶

ურარტულ ლურსმულ წარწერებში ხათე-ხათინილის გვერდით ქალაქი-დასახლება მეღითეა მოიხსენიება, რომელიც ასურული წარწერებიდან „მელიდ-მილიდიას“ (Melid-Milidia) სახელითაა ცნობილი. მენუას ერთ-ერთ წარწერაში ფალუდან, შებეთერიას, ხუზანისა და ცუფანის დაპყრობასა და ხათეს ქვეყანამდე მიახლოებაზეა საუბარი, ამის შემდეგ მეღითეა მოიხსენიება. წარწერის მოწმობით,

მენუას ქალაქ მელითეალების მეფე ხარკის გადახდის პირობით შეუწყალდება.⁷

ხათესთან მელითეას სიახლოვეს ხორხორის წარწერებიც გვიდასტურებენ. მაგალითად, ვანში, სურბ სააკის ეკლესიაში აღმოჩენილი არგიშთი I-ის წარწერა გვამცნობს: „ღვთაება ხალდის სიდიადით გავემართე მე სალაშქროდ ხათის ქვეყანაზე; თუათების (ტომის) ქვეყანა მარჯვნივ მე შევიწყალე, მარცხნივ – ქალაქი მელითეა...“⁸

საყურადღებოა სარდურ II-ის (ძვ. წ. 764-735 წწ.) იზოლლუში აღმოჩენილი წარწერაც, რომელშიც ქვეყანა მელითეას და მისი ქალაქ-სიმაგრეების დაპყრობაზეა მოთხრობილი: „ქალაქი ხაზანი, ქალაქი გაურახი (გავრახი), ქალაქი თუმეიშქი, ქალაქი უასინი (ვასინი), ქალაქი მანინუი, ქალაქი არუში, ქალაქი კულბითარრინი, ქალაქი ტაშე, ღვთაების ქალაქი ქუერი ტაშე, ქალაქი მელუიანი“⁹.

ზემოაღმოვლილი პუნქტების მდებარეობა კარგადაა დადგენილი მკვლევართა მიერ. ხაზანის ნ. არუთინიანი ზემო ეფფრატის აღმოსავლეთ სანაპიროზე ათავსებს¹⁰. ნ. ადონცი, გ. მელიქიშვილი, ე. ვეინდერი, ნ. არუთინიანი ტექსტში მოხსენიებულ ქალაქ-სიმაგრე გაურახის მელითეასთან ახლოს, ეფფრატის აღმოსავლეთით, მდინარე არაცანის შესართავიდან სამხრეთ-დასავლეთით და სამხრეთ-აღმოსავლეთით მდებარე მხარეს უკავშირებს, ხოლო იზოლლუს წარწერის თემიშქის კი, გაურახის სამხრეთით ეძებს¹¹. უასინი მკვლევართა მიერ (მ. შტრეკი, გ. ლაფანციანი, ბ. პიოტროვსკი, ნ. არუთინიანი) ეფფრატის აღმოსავლეთ სანაპიროზე ლოკალიზდება¹². არუშს, რომელიც ასევე ეფფრატისპირა მელითეას დასახლება იყო, გ. მელიქიშვილი, ნ. არუთინიანი და გ. ლაფანციანი გელჯიკის ტბის ჩრდილო-აღმოსავლეთ კუთხესთან ახლოს, ტიგროსის შენაკადთან ათავსებენ¹³. სამეცნიერო ლიტერატურაში (გ. ლა-

ფანკიანი) კულბიტარრინი მოგვიანო ხანის Koloberd-თანაა (ხარბერ-ხარპუტას რაიონი) გაიგივებული¹⁴. წარწერაში მოხსენიებული ტაშე ფ. კიონიგის, ი. დიაკონოვის, გ. მელიქიშვილის მოსაზრებით, მელითეას ქვეყნის დასახლებაა და ეფფრატის ზემო დინებაზე, მასთან არაცანის შეერთების სამხრეთით, გაურახის, თუმიშქის მახლობლად მდებარეობდა¹⁵. ტექსტში “დასახლების” დეტერმინატივით აღნიშნული მელუიანი კი ეფფრატის დასავლეთ სანაპიროზე მდებარე თანამედროვე მალიანთანაა გაიგივებული. ი. მანანდიანი მას ყებან-მადენას სამხრეთ-დასავლეთით გულისხმობდა¹⁶.

ზემოაღნიშნულის კონტექსტში შეიძლება ვივარაუდოთ, რომ ქვეყანა მელითეას ზოგიერთი აღმოსავლური მხარე ძვ. წ. VIII ს-ში ეფფრატის მარცხენა სანაპიროზე იყო განლაგებული. ამ თვალსაზრისით საინტერესოა აღინიშნოს, რომ ურარტული ლურსმული წარწერები, რომლებშიც მელითეას დაპყრობის ამბავია გადმოცემული, სწორედ იზოლდუს ახლომდებარე კლდეზეა ამოკვეთილი.

მაგალითად, სარდურ II-ის წარწერებში არაერთგზის მოიხსენიება მელითეა და მისი მეფე ხილარუადა, რომელიც შახუს ძედ იწოდება. ურარტული წარწერების მონაცემებიდან გამომდინარე, იგი საკმაოდ დიდხანს მართავდა ქვეყანას: ძვ. წ. VIII ს-ის 80-იანი წლების დასაწყისიდან ძვ. წ. VIII ს-ის 60-იანი წლების შუა ხანებამდე ხილარუადა ურარტუს მეფეების – არგიშთი I-ისა და სარდურ II-ის თანამედროვე იყო. ვანისა და იზოლის წარწერების თანახმად, ურარტუელებს მელითეას სამეფო ქალაქი სასინი, მიუხედავად იმისა, რომ იგი მტკიცედ იყო გამაგრებული, ბრძოლით დაუპყრიათ. ვანში, სურბ პოლოსის ეკლესიაში აღმოსენილი სარდურ II-ის ქვაზე ნაკვეთი წარწერა გვამცნობს, რომ ამ ლაშქრობის დროს ურარტუს მეფეს ქალე-

ბი და კაცები შეუპყრია, სიმაგრეები გადაუწვავს, ხოლო ქალაქ მელითეას მეფე ხარკის გადახდის პირობით შეუწყალებია¹⁷. ისოლის წარწერის მიხედვით კი, მას ქვეყანა ბიანილში ოქრო, ვერცხლი, პირუტყვი და ქონება¹⁸ (სამეფო ან სატაძრო საგანძური?) წაუღია.

ურარტული ლურსმული წარწერები საინტერესო ცნობებს შეიცავს მელითეას მესობელი ქვეყნების შესახებაც. მაგალითად, არგიშთი I-ის წარწერა ვანიდან გვამცნობს: „ღეთაება ხალდის სიდიადით გავემართე მე (სალაშქროდ) ხათის ქვეყანაზე; თუათეხის (ტომის) ქვეყანა მარჯვნივ მე შეეიწყალე, მარცხნივ – ქალაქი მელითეა. მივედი (?) ქალაქ ფითეირამდე... siri-ის ქვეშ თასი(?) meliani მდინარე ქვეყანა მარმუანი, ქვეყანა კა[...]ანი. კაცები (და) ქალები მე (იქიდან) წავიყვანე, ციხე-სიმაგრეები დავანგრიე, ქალაქები დაგწვი... ცხენი... მსხვილფეხა რქოსანი პირუტყვი მე გავდენე“¹⁹.

ამავე წარწერის მიხედვით, მდინარე მელიანი ქალაქსახელმწიფო მელითეას (თანამ. მალატია) მახლობლად უნდა ვეძიოთ. სპეციალურ ლიტერატურაში გამოითქვა თვალსაზრისი ხეთური წარწერების Mala-სთან ურარტული Meliani-ს იდენტიფიკაციის შესახებ, რომელიც ბერძნულ წყაროებში „შავი“-დან მომდინარე Melas-ს შეესატყვისება (შდრ. ზემო ეფფრატის ჩრდილო დინების თურქულ სახელწოდებას *ყარა-სუ*, ანუ „შავ წყალს“). რაც შეეხება ზემოხსენიებულ ქალაქ ფითეირას და მასთან ერთად დასახელებულ ქვეყნებს, შემდეგი შეიძლება ითქვას: სადღეისოდ არსებულ ტექსტში მხოლოდ ქალაქის სახელის დაბოლოება ni შემორჩა. გ. მელიქიშვილმა იგი „პილაინის“ ფორმით აღადგინა. ნ. არუთინიანი ამ ქალაქს ზემო ეფფრატის მარჯვენა სანაპირო ველზე ათავსებს²⁰. ამავე მკვლევართა მი-

ერ ქვეყანა კა[...]ანი ევფრატის მარჯვენა მხარეს მელითე-ასთან ახლოს ლოკალიზდება. რაც შეეხება ქვეყანა მარ-მუანის, ნ. არუთინიანი მას კითხვის ნიშნით ვანის ტბის სამხრეთ-დასავლეთით მდებარე მარმანისთან აიგივებს²¹.

ძვ. წ. VIII ს-ის ურარტულ წერილობით ძეგლებში მე-ლითეას შესახებ კიდევ რამდენიმე ცნობაა შემონახული.

იზოლლუს კლდეზე ნაკვეთი სარდურ II-ის ერთ-ერთი წარწერის თანახმად, მუშანი – (^{KUR} Mušani) და დასახლება ზაფშა ასუნი (^{URU} Zapša asuni) მდებარეობდა. სამეცნიერო ლიტერატურაში გამოთქმული მოსაზრების თანახმად, ეს გეოგრაფიული ერთეულები ევფრატის მარჯვენა სანაპირო ველზეა მოსათავსებელი.²² სარდურ II-ის ვანისა და იზოლ-ლუს წარწერებიდან ჩანს, რომ მელითეას ჩრდილო-აღმოსავლეთ საზღვრის შორიახლოს და თუმიშქის შორის მთა კარნიში მდებარეობდა. სპეციალურ ლიტერატურაში ურარ-ტული წარწერების ^{SADU}Kamišie ხეთური წყაროების HUR. SAG Karna-თან და პეცტინგერის რუკაზე აღნიშნული რომა-ელთა სადგურ Come-სთანაა გაიგივებული. ეს უკანასკნე-ლი მელითეადან 12 კმ-ის დაშორებით ლოკალიზდება.²³ სარდურ II ამბობს: „... ქვეყანა კალაენი დავიქვემდებარე, მივედი ქვეყანა მუშანიმდე, ქალაქ ზაფშას მხარემდე. 14 სიმაგრე, 70 ქალაქი მე ერთ დღეში დავიპყარი, სიმაგრეები დავანგრე, ქალაქები გადავწვი, 50 საბრძოლო ეტლი ხელთ ვიგდე“.²⁴

ჩვენთვის საინტერესო მუშქები ურარტულ წერილო-ბით ძეგლებში მხოლოდ ერთხელ არიან მოხსენიებული – რუსა II-ის წარწერაში ადილჯევაზიდან. ეს წერილობითი წყარო გვამცნობს, რომ ურარტუს მეფეს მუშქინის, ხათესა და ხალიტუს ქვეყნებიდან ტყვეები ზიუკუნის ქვეყანაში გა-დაუსახლებია. როგორც ჩანს, აქ საუბარია ქაშიარის მოე-

ბის (დღევ. ტურ-აბდინი) ჩრდილოეთით, ტიგროსის მარჯვენა სანაპიროსა და მისი ზემო დინების (დღევ. მურად-ნაი) მახლობლად მდებარე ტერიტორიაზე განსახლებული მუშქების შესახებ.²⁵

რაც შეეხება ხათეს, შემდეგი უნდა ითქვას: როგორც ჩანს, გასაზიარებელია ნ. ხაზარაძის მოსაზრება, რომლის თანახმადაც, ურარტული წარწერების „ხათე“ ურარტუს სამხრეთ-დასავლეთით მდებარე (ეფფრატთან ტერიტორიულად დაკავშირებული) ქვეყნების ადმინიშენელი ზოგადი ტერმინია.²⁶

წარწერაში მოხსენიებულ ბოლო გეოგრაფიულ პუნქტს ხალიტუს, რომელიც ტექსტში „ქვეყნის“ ადმინიშენელი KUR დეტერმინატივით ფიგურირებს, ბერძნული წყაროების პონტოსპირა ხალდების ქვეყანასთან, ასევე ძველსომხური წყაროების Haltikh-თან აიგივებენ და შავი ზღვის სამხრეთ-აღმოსავლეთ რეგიონში ათავსებენ.²⁷

ადილჯევაზის წარწერის ჩვენამდე მოღწეული ფრაგმენტიდან კარგად ჩანს, რომ რუსა II-ის ლაშქრობის მარშრუტი ტერიტორიულად ახლომდებარე ქვეყნებისკენ მიემართებოდა. ამდენად, ხალიტუ ადილჯევაზის დასავლეთით, ხათის დასავლეთი რაიონების ახლოს, კერძოდ, ეფფრატთან არაცანის შეერთების ახლოს შეიძლება ვიგულისხმოდ.²⁸

ურარტულ ლურსმულ წარწერებში კუმუხის ქვეყანა („კუმახა“, „კუმახალის“ ფორმით) მხოლოდ ვანის კლდეზე შესრულებულ სარდურ II-ის ტექსტებში მოიხსენიება. ასურული წერილობითი წყაროების თანახმად, კუმუხი ეფფრატის მარჯვენა მხარეს ლოკალიზდება, მოიხსენიება რა მელიდისა და გურგუმის ქვეყნებთან ერთად. ურარტული წყაროები საგულისხმო ცნობებს შეიცავს KUR დეტერმინატივით აღნიშნული კუმახას დასახლებათა შესახებ. მაგა-

ლითად, სარდურ II-ის წარწერების მიხედვით, ქალაქი ხალპანი ერთ-ერთი სამეფო ქალაქია კუმახას ტერიტორიაზე, ქალაქების პარალანისა და უითანის გვერდით. იგი თანამედროვე ხალფატი-ხალფეტის ოდნავ სამხრეთით ევფრატის მარცხენა სანაპიროზე ლოკალიზდება.²⁹ წარწერათა ამ მონაცემებით შეიძლება ვიფიქროთ, რომ კუმახას ზოგი აღმოსავლური მხარე ევფრატის მარცხენა სანაპიროზე იყო განლაგებული.

სარდურ II-ის წარწერის თანახმად, კუმახას ქვეყანას მეფე ქუშთაშფილი მართავდა, ქვეყანა კი დამოუკიდებელი იყო. როგორც ასურული წერილობითი წყაროებიდანაც (კნობილი, კუმუხი მელიდუსა და ურარტუსთან ერთად ასურეთის მეფის თიგლათფილესერ III-ის (ძვ. წ. 745-727 წწ.) წინააღმდეგ გამოდის. სარდურ II კი ამბობს: „მე წავედი, გავემართე სალაშქროდ კუმახახალის ქვეყნის წინააღმდეგ. ქალაქი უითა, სამეფო ქალაქი, გამაგრებული, ბრძოლაში დავიპყარი. ქალაქი ხალფა, სამეფო ქალაქი (ტბისპირა ადგილას მყოფი), მე დავიპყარი. ქალაქ პარალანის, სამეფო ქალაქს მე დავეუფლე (?). ...გამოცხადდა ჩემს წინაშე, ძირს დაემხო, წამოვაცენე მე...“.³⁰ თიგლათფილესერ III-ის წარწერა კი გვამცნობს, რომ ასურეთის მეფეს კუმუხის კუთვნილ მხარეებში, კიშტანსა და ხალპუში სარდური დაუმარცხებია და თან სამხედრო ბანაკიც ხელთ უგდია.³¹

ზემოთ აღნიშნული წარწერების საფუძველზე შეიძლება ვივარაუდოთ, რომ, ერთი მხრივ, ასურეთისა და მეორე მხრივ, ურარტუს გაძლიერება აღმოსავლეთ მცირე აზიაში მათი საკუთარი პოზიციების განმტკიცებაზე იყო დამოკიდებული. ამიტომაც, დამოუკიდებელი კუმახას ქვეყანა ამ ორი უძლიერესი სამეფოს მხრიდან დაპყრობის საშიშროების წინაშე იდგა. კუმახა ანტიასურულ კოალიციაში მესობელ მელიდუსა და ასურეთის მეტოქე ურარტუსთან

ერთად გამოდიოდა, რადგან მის მხარეში ასურეთის პოზიციები უფრო ძლიერი იყო. გადის გარკვეული დრო, ასურეთის სამეფოს პასიურ პოლიტიკას ამ მხარეში, როგორც ნანს, ხელსაყრელ მომენტად იყენებს ძლიერი ურარტუ და ცდილობს თავისი გავლენის ქვეშ კუმახას ქვეყანა მოაქციოს. როგორც სარდურ II ამბობს: „...მომცა მან მე ხარკი: 40 მინა სუფთა (?) ოქრო, 800 მინა ვერცხლი, 3000 (კალი) ტანსაცმელი, 2000 სპილენძის ფარი, 1535 სპილენძის თასი...“³²

როგორც ვხედავთ, ჩვენს ხელთ არსებული წყაროების მონაცემები, ძირითადად, აღმოსავლეთ კაპადოკიის ტერიტორიაზე მდებარე „დასახლებებსა“ და „ქვეყნებს“ ეხება. ცნობათა დიდი ნაწილი ისტორიულ-გეოგრაფიული ხასიათის კვლევა-ძიებაში გვეხმარება. საინტერესო მითითებებს ვპოულობთ ასევე ვალკეული „ქვეყნების“ პოლიტიკური ისტორიისათვის, ასურეთისა და მისი პროვინციების ურთიერთობის მეტნაკლებად სრული სურათის წარმოსაჩენად.

1. Г. А. Меликишвили, Урартские клинообразные надписи, Москва, 1960, с. 151.
2. იქვე, გვ. 161.
3. Н. В. Арутюнян, Корпус Урартских клинообразных надписей, Ереван, 2001, с. 508.
4. ძველი აღმოსავლეთის ხალხთა ისტორიის ქრესტომათია, თბილისი, 1990, გვ. 276.
5. იქვე, გვ. 277.
6. Г. А. Меликишвили, Наири-Урарту, Тбилиси, 1954, с. 349.
7. Н. В. Арутюнян, Указ. соч. с. 82.
8. ძველი აღმოსავლეთის ხალხთა ისტორიის ქრესტომათია, გვ. 277.
9. Н. В. Арутюнян, Указ. соч. с. 257.
10. Н. В. Арутюнян, Топонимика Урарту (Далее ТУ), Ереван, 1985, с. 219-220.
11. Г. А. Меликишвили, УКН, с. 426-427, Н. В. Арутюнян, ТУ, с. 62.
12. Б. Б. Пиотровский, Ванское Царство (Урарту), Москва, 1959, с. 31, 57. Н. В. Арутюнян, ТУ, с. 140-141. Г. А. Капанцян, Хайаса-колыбель армян, Ереван, 1948, с. 282.
13. Г. А. Меликишвили, УКН, с. 42; ასევე, Н. В. Арутюнян, ТУ, с. 42.; Г. А. Капанцян, Хайаса, с. 41.
14. Г. А. Капанцян, Указ. Соч. с. 41.
15. Г. А. Меликишвили, УКН, с. 442, ასევე, I. M. Diakonoff, S. M. Kashkai, Geographical Names According to Urartian Texts, Wiesbaden, 1981, p. 84; Н. В. Арутюнян, Корпус Урартских клинообразных надписей, с. 507.
16. Я. А. Манандян, О некоторых спорных проблемах истории и географии древней Армении, Ереван, 1956, с. 134.
17. Н. В. Арутюнян, Корпус урартских клинообразных надписей, с. 251.
18. Н. В. Арутюнян, Указ. Соч. с. 257.

19. ძველი აღმოსავლეთის ხალხთა ისტორიის ქრესტომათია, გვ. 277.
20. Н. В. Арутюнян, Указ. соч. с. 518.
21. Г. А. Меликишвили, УКН, с. 146. ასევე, М. Astour, „Assur”, 2/3, 1979, გვ. 4, შენ. 19; ასევე, Н. В. Арутюнян, ТУ, с. 79.
22. Giuseppe F. del Monte und J. Tischler, Die Orst-und Gewässernamen der hethitischen Texte, Bund 6, Wiesbaden, 1978, p. 183; ასევე, М. Astour.
23. Н. В. Арутюнян, Указ. соч. с. 257.
24. ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 91.
25. ნ. ხაზარაძე, დასახ. ნაშრ. გვ. 87, 91.
26. И. М. Дьяконов, Эпиграфика Востока, Москва, Ленинград, VI, 1952, с. 111-112, Г. А. Меликишвили, УКН, с. 429.
27. ნ. ხაზარაძე, დასახ. ნაშრ. გვ. 90; ასევე, Н. В. Арутюнян, Биайнили (Урарту), Ереван, 1970, с. 323, შენ. 56.
28. М. Astour, „Assur”, 2/3, გვ. 14-15.
29. ძველი აღმოსავლეთის ხალხთა ისტორიის ქრესტომათია, გვ. 292.
30. И. М. Дьяконов, Ассиро-вавилонские источники по истории Урарту, ВДИ, 1951, 2, №42,
31. АВНИУ, №43.
32. ძველი აღმოსავლეთის ხალხთა ისტორიის ქრესტომათია, გვ. 292.

§5. გვიანხეთური ხანის სამეფო-სამთავროების ისტორია იეროგლიფურ-ლუვიური წარწერების მონაცემთა კონტექსტში

დიდი კაპადოკიის ტერიტორიაზე მდებარე გვიანხეთური ხანის (ძვ. წ. X-VIII სს.) სამეფო-სამთავროთა (მელიდუ, კუპუხი, გურგუმი, თაბალი, მუშქების ქვეყანა, თუხანი და სხვ.) ისტორიის შესწავლისათვის იეროგლიფურ-ლუვიური წერილობითი ძეგლები მნიშვნელოვან წყაროს წარმოადგენს. ამ დამწერლობით შესრულებული წერილობითი ძეგლების უმრავლესობა სწორედ აღმოსავლეთ მცირე აზიაშია აღმოჩენილი, ზემოდასახელებულ სამეფო-სამთავროთა კუთვნილ ტერიტორიაზე.

ძვ. წ. XVI ს-ის მცირე აზიაში ლუვიელების მიერ შექმნილი ლუვიურ-იეროგლიფური დამწერლობა, რომელმაც განსაკუთრებულ აღმავლობას გვიანხეთურ ხანაში (ძვ. წ. IX-VIII სს-ში) მიაღწია, 500-მდე იეროგლიფურ ნიშანს შეიცავს.

სამეცნიერო ლიტერატურაში გამოთქმული თვალსაზრისის თანახმად, იეროგლიფურ-ლუვიური დამწერლობა თავდაპირველად საკულტო ხასიათისა იყო. საკანცელარიო ხეთური ლურსმულისაგან განსხვავებით, იგი მონუმენტურ რელიგიურ დამწერლობას წარმოადგენდა. გვიანხეთურ ხანაში იგი სეკულარიზაციას განიცდის. წინდება მიძღვნილი და სამშენებლო წარწერები, ისტორიული შინაარსის ტექსტები, ტყვიის ფირფიტებზე სრულდება საქმიანი მიმოწერა.¹

იეროგლიფურ-ლუვიური დამწერლობით შესრულებული წარწერები, ძირითადად, ქვის საბეჭდავებზე², მონუმენტურ სტელებზე³, კლდეში ნაკვეთ რელიეფებზე⁴ და ტყვიის ფირფიტებზე⁵ დასტურდება.

ჩვენს მიმოხილვას მედიდუს ტერიტორიაზე აღმოჩენილი წარწერების ანალიზით დავიწყებთ.

იეროგლიფურ-ლუვიური წარწერები საკმაოდ მოკლე და მარტივ ინფორმაციას გვაწვდიან მედიდუს ისტორიის შესახებ. წარწერებში, ძირითადად, მეფეები, მათი შვილები და ქვეყნის მმართველებია მოხსენიებული (გურუნი, დარენდე, პალანგა, იზგინი, ისფექური, ქოთუქალე, სირზი)ᄁ.

მედიდის საშინაო პოლიტიკური ვითარების ამსახველი წარწერების ფრაგმენტები იზგინისა და ისფექურის იეროგლიფურ-ლუვიურ წარწერებში მოწმდება. ტექსტების მონაცემებით, მალატიის მმართველ თარას თვითნებურად გაუზრდია თავისი კუთვნილი ტერიტორიის ველებისა და ხეობების საზღვრები. უფრო მეტიც, მას ის ქალაქიც გაუშენებია, რომელსაც თავად მართავდა. არნუვანთას, რომელიც მალატიის მეფის სულუშალის ძე ყოფილა, თარასთან მოსალაპარაკებლად შეიკრიკი გაუგზავნია. როგორც ტექსტიდან ირკვევა, თარას იგი არ მიუღია და თავის ბატონთან უარით გამოუსტუმრებია.

ისფექურის წარწერის ავტორი არნუვანთა შემდგომ განვითარებულ მოვლენებზე ბუნდოვნად საუბრობს. ასე რომ სვენთვის უცნობია, თუ როგორ დასრულდა აღნიშნული ისტორია.

დღევანდელი მალატიის ტერიტორიაზე აღმოჩენილი იეროგლიფურ-ლუვიური ძეგლების გაერკველების მიხედვით შესაძლოა დავასკვნათ, რომ მედიდუს ჩრდილო-დასავლეთი საზღვარი გურუნთან გადიოდა, სამხრეთ-დასავლეთი იზგინთან, სამხრეთ-აღმოსავლეთი ანქოზთან, ხოლო ჩრდილოეთი – სირზისთან.

ზემოთ უკვე აღინიშნა, რომ მედიდის წარწერებში ხშირად ამ ქვეყნის მეფეთა სახელების მოხსენიებასაც ვხვდებით, რასაც მედიდის მეფეთა ქრონოლოგიის დასად-

გენად დიდი მნიშვნელობა აქვს. წყაროთა მოწმობით, მე-
ლიდის ერთ-ერთ მეფეს სულუმალი ერქვა. ეს სახელი
რამდენიმე წარწერაში დასტურდება⁷. მალატიაში ნაპოვნი
ლომზე შესრულებული წარწერა, რომელიც ნადირობის
სცენებითაა დამშვენებული, ვინმე ხალპა-X-ს ეკუთვნის.
იგი ძლევამოსილი მეფის დეტერმინატივითაა წარმოდგენი-
ლი, თანაც, მას გენეალოგიაც ახლავს. მალატიაშივე აღ-
მოსენილ, ირემზე ნადირობისადმი მიძღვნილ რელიეფზე
სუვარმის ძის - მარ-X-ის სახელი მოიხსენიება. საინტერე-
სო მონაცემებს გვაწვდის სირზის წარწერაც, სადაც ღვთა-
ება რუვა და მისი საყვარელი მსახური, მალატიის მეფე
სუტირუვა(ნთა) ფიგურირებს.⁸

წარწერებში, როგორც წესი, მეფის სახელებთან
ერთად გვიანხეთური ხანის ღვთაებათა სახელებიც
მოწმდება. ზემოხსენებულ სირზის წარწერაში ნათქვამია,
რომ მეფე სუტირუვანთას ძალაუფლება ღვთაება რუვამ
გადასცა. გურუნში აღმოსენილი წარწერა კი, დიდი
ღვთაებებისა და ქალღვთაებისადმი მიმართვით იწყება:
„დიდო ღვთაება თარხუნთი, დიდო ქალღმერთო ხევათ,
დიდო ღვთაება შარუმა რუვა“.⁹

მალატიის ტერიტორიაზე აღმოსენილი ქვის მონუმენ-
ტური ძეგლები, ძირითადად, ნადირობის, მსხვერპლშეწირ-
ვისა და ზედაშეს შეწირვის სცენებითაა წარმოდგენილი.
მათ გრძელ კაბაში გამოწყობილი მეფის ან დედოფლის
გამოსახულებები ახლავს, რომელთაც, ხშირად, ხელში
თასი ან ძღვენი უჭირავთ. ერთ-ერთ სტელაზე იეროგლი-
ფურ-ლუვიური წარწერის კვალია შემორჩენილი. ქალღვთა-
ების მხარეს „ქუბაბა“ იკითხება, ხოლო ღვთაების მხარეს
- „რუთა“.¹⁰ იეროგლიფურ-ლუვიურ ტექსტებში ხშირად
მისი ღვთაებაც მოიხსენიება, რომელსაც ამ ტერიტორიაზე
თაყვანს ცემდნენ.¹¹ აღნიშნულ წყაროებში მოხსენიებული

ღვთაებათა ნომენკლატურა მაღალტიის პანთეონის სინკრესტულ ხასიათზე უნდა მიუთითებდეს.

ქვეყანა კუმუხის შესახებ იეროგლიფურ-ლუვიური დამწერლობით შესრულებულ ძეგლებზე ასევე მნიშვნელოვან ცნობებს ვხვდებით. წარწერები უკეთებიან თეთრი ფერის კირქვიან სტელებზე, წყაროსთან ახლოს მდებარე კლდოვან რელიეფებზე. წარწერებს თან როგორც ღვთაებათა, ასევე ჩვენთვის უცნობ ინდივიდთა გამოსახულებები ახლავს. აღნიშნული ძეგლები ლუვიური პანთეონის შესწავლაში დიდ დახმარებას გვიწევს. ასე, მაგალითად, აღიამან I-ის წარწერა „ციური ღვთაება თარხუნთისადმი“ მიძღვნილი ძეგლია. აქ, თარხუნთი ხარხუა შემდგარი. წარწერის ფრაგმენტი კრულეის ფორმულით მთავრდება. ანქოზის წარწერა კი, „მხსნელი ღვთაება რუვას“ შესახებ მოგვითხრობს, რომელიც ქუბაბას მსგავსი ყოფილა. აღნიშნული ეპიგრაფიკული ძეგლის დასკვნითი ნაწილი ასევე კრულეის ტრაფარეტული ტექსტით მთავრდება¹².

კუმუხის ტერიტორიაზე აღმოჩენილი იეროგლიფურ-ლუვიური წარწერები პირდაპირ მიუთითებენ ამ ქვეყნის კავშირზე ახალხეთურ დინასტიასთან, რომელიც ადრე ბოიბეიპინარისა და ანქოზის ფრაგმენტული ხასიათის წარწერებიდან იყო ცნობილი. კუმუხის წარწერების ავტორებად, როგორც წესი, მეფეთა ქვეშევრდომები გვევლინებიან. მაგალითად, ბოიბეიპინარის წარწერა ასთარხუისმა შეასრულა. წარწერის თანახმად, ეს ძეგლი პანამუვათის ბრძანებით დაიდგა. ტექსტში ვინმე აიშია მოიხსენიება, რომელიც პანამუვათის ვასალი ყოფილა. ამ ძეგლის შექმნაში წვლილი, როგორც ჩანს, მასაც მიუძღოდა. წარწერაში ნათქვამია, „თუ ვინმე მომავალში პანამუვათისა და აიშის სახელებს წაშლის, მას თავს ქუბაბას რისხვა დაატყდება“. ბოიბეიპინარში აღმოჩენილი სხვა წარწერა, რომელიც უკვე

მოხსენიებული წარწერის გაგრძელებას წარმოადგენს, ზემოთ დასახელებულ პირთა ვინაობას გვაცნობს. ირკვევა, რომ პანამუეათი ხათუსილის დედა, ხოლო აიმი ასთარხუნის მამა ყოფილა. ტექსტებში ჩვენთვის უცნობი ქალბატონი tarwana Tuhami და ბატონი Tuhami-ც მოიხსენიებიან.¹³

ჩვენთვის საინტერესო წყაროებში ხშირადაა ხაზგასმული, რომ ესა თუ ის ბატონი და ქალბატონი ღვთაებათა კეთილგანწყობით სარგებლობს. მაგალითად, ხათუსილის დედას ქალღვთაება ქუბაბა მფარველობს, აიმი კი, ღვთაებათა საყვარელი და მზისგან კურთხეულია. აღნიშნული წარწერისა და ძეგლის (სავარძელი?) დამცველებად ზემოხსენებული ღვთაებები და ცისა და მიწის ღვთაებები გვევლინებიან.

ბოიბეიპინარში აღმოჩენილ ღოდებზე შესრულებული წარწერების მონაცემებს მალპინარის კლდეზე ნაკვეთი იეროგლიფურ-ლუეიური წარწერა მნიშვნელოვნად ავსებს. მას თან მამაკაცის გამოსახულება ახლავს, რომელიც საკმაოდ გაცვეთილია. წარწერა ფრაზით „მე (ეარ)“ იწყება. ტექსტის დაბოლოება დაზიანებულია. აღსანიშნავია, რომ გამოსახულების დეტალები ასურულ სტილზე მიანიშნებს. ვერ გამოვრიცხავთ, რომ მას კისრის უკან გრძელი, შეკრული თმა ჰქონდა, კოჭებამდე დაშვებული არშიაშემოვლებული კაბა ეცვა, თავზე ფესის ფორმის ქუდი ეხურა, ხოლო მარჯვენა ხელში კვერთხი ეკავა.¹⁴ წარწერის ავტორი ათაიაზასია. ეს ქანდაკება მას ქალაქ კუმახაში აღუმართავს. მზის ღვთაების ქანდაკებისათვის წყალობის მოსაპოვებლად ცხვარი უნდა შეეწირათ. წარწერა კრულვისა და მუქარის შემცველი ტექსტით მთავრდება. ადრესატს ამ შემთხვევაშიც წარწერის პოტენციური შეურაცხმყოფელი წარმოადგენს.¹⁵

ზემოთ აღინიშნა, რომ იეროგლიფურ-ლუვიური წარწერების ავტორებად ხშირად მეფეთა ქვეშევრდომები გვევლინებიან. მალპინარის წარწერის ავტორი ათაიაზასი „ქალაქების სარიტა და სუქიტას მდინარის გამგებელია. პატრონი კი, ხათუსილია, რომლის ტიტულატურა ასეა წარმოდგენილი: „მმართველი, მეფე.“ წარწერა შინაარსობრივად ახლოს დგას ბოიბეიპინარის სხვა წარწერებთან, სადაც პანამუვათი კუმუხის მმართველის – სუფილულიუმას მეუღლედ, აზამისის ქალიშვილად (აზამისი იყო ქალაქების - სარიტა და სუქიტას მდინარის გამგებელი) და ხათუსილის დედადაა მოხსენიებული. ხათუსილისა და სუფილულიუმას ასურეთის მეფეების – აშურნასირპალ II-ის, სალმანასარ III-ის,¹⁶ ადადნირარ III-ისა და სალმანასარ IV-ის წარწერებში მოხსენიებულ კუმუხის მეფეებთან – ქათაზილუსა და უშფილულუმესთან¹⁷ აიგივებენ. აქედან გამომდინარე, შეიძლება ვიფიქროთ, რომ ბოიბეიპინარის სუფილულიუმა და ასურული ტექსტების უშფილულუმე ერთი და იგივე პიროვნება იყო, ხათუსილი კი, მისი შთამომავალი, რომელსაც ძვ. წ. 773 წ. მამის შემდეგ და ქუშთაშპის წინ (ურარტუს მეფე სარდურ II-ის ლაშქრობა ძვ. წ. 750 წ.) უნდა ემეფა. რაც შეეხება წარწერის ავტორს, მას შესაძლოა ტიტული მემკვიდრეობით პაპა – აზამისისაგან (დედის მხრიდან) მიეღო. ასე რომ, წარწერის ავტორი შესაძლოა ხათუსილის ბიძა ან ბიძაშვილი ყოფილიყო.¹⁸

ზემოხსენებულ იეროგლიფურ-ლუვიურ წარწერებში საყურადღებო ცნობებს ვპოულობთ კუმუხის ისტორიის სხვა საკითხების გასაშუქებლადაც. ამ თვალსაზრისით, საგულისხმოა კუმუხის კუთვნილ ტერიტორიაზე აღმოჩენილ ტექსტებში მესაქონლეობასთან დაკავშირებული ცნების - „ცხერის“ მოხსენიება. არანაკლებ მნიშვნელოვანია ადიაშანის სტელაზე ხარის გამოსახულების არსებობაც.¹⁹ ამასთანა-

ნავე, ისიცაა ნიშანდობლივი, რომ მალპინარის კლდიდან მომდინარე წყაროს წყალს „მალპინარი“ (Cattle-spring) უწოდებს, რაც ქართულად „ნახირის სარწყულბელს“ ნიშნავს.²⁰

როგორც ჩანს, კუმუხის ქალაქები სტრატეგიული მნიშვნელობის ადგილებში იყო განლაგებული. შემთხვევითი არ უნდა იყოს, რომ ბობბეიპინარისა და მალპინარის ზემოთ უკვე მოხსენიებულ იეროგლიფურ-ლუვიურ წარწერებში მოხსენიებული სამი ქალაქიდან: სარიტა, სუხიტა და კუმახა, პირველი ორი მაინცდამაინც მდინარის პირას იყო გაშენებული.²¹

გვიანხეთური ხანის სამეფო გურგუმის ისტორიის შესახებ მის სავარაუდო ტერიტორიაზე ნაპოვნი იეროგლიფურ-ლუვიური წარწერები საუკეთესო ინფორმაციას გვაწვდიან. თუ ამ ძეგლების გაერთიანების არეალის მიხედვით ვიმსჯელებთ, გურგუმი გვიანხეთური ხანის სამეფო კუმუხის მეზობლად, მის დასავლეთით უნდა მოვითავსოთ. საქმე ისაა, რომ გურგუმის კუთვნილი ეპიგრაფიკული ძეგლების გაერთიანების აღმოსავლეთი საზღვარი მიახლოებით მარაშთან გადის. აქვე დაეძენთ, რომ გურგუმის კუთვნილი ცალკეული წერილობითი ძეგლები Kara-burclu-სა და Kurtül-შია აღმოჩენილი.²²

მარაშ I-ის წარწერა ლომის ფიგურაზეა დადასტურებული. იგი წარწერის ავტორის მოხსენიებით იწყება: „მე ვარ ხალფარუნცია“. ამ ფრაზას მეფის ვრცელი ტიტულატურა და გენეალოგია მოსდევს. აღნიშნული ტიტულატურა მაღალფარდოვანია. მეფე იწოდება: „მსაჯულად“, „გურგუმის მეფედ“, „ღვთაებათა მოსიყვარულედ“, „ხალხისაგან დიდად პატივცემულად“. მეფის გენეალოგია ვრცელია. იგი სრულ ინფორმაციას გვაწვდის მეფის წინაპრების შესახებ.

წარწერაში მოიხსენიება არა მარტო გურგუმის მეფის მამა, პაპა, არამედ მისი პაპის პაპაც და პაპის პაპის პაპაც.

ჩვენთვის საინტერესო იეროგლიფურ-ლუვიური წარწერებიდან კარგად ჩანს, რომ გვიანხეთურ სამეფო-სამთავროებში გავრცელებული ოფიციალური იდეოლოგიის შესაბამისად, სამეფო ხელისუფლება ღვთაების მიერ ბოძებული იყო მიჩნეული. მაგალითად, ხალფარუნციას წარწერაში ხაზგასმითაა აღნიშნული, რომ იგი მეფედ და მსაჯულად სწორედ ღვთაება რუვანთიმ დაადგინა.²³

ღვთაებასთან მეფისა და სამეფო ხელისუფლების მიმართებაზე მეფეთა სახელებიც მიუთითებს: მეფეთა სახელების დიდი ნაწილი თეოფორულია. ასეა, კერძოდ, თავად ხალფარუნციას სახელიც, რომელიც მისი მფარველი ღვთაების რუვა-რუვანთის სახელს უკავშირდება.²⁴ გვიანხეთური ხანის მეფეთა სახელებში ხშირად გამოიყენება უზუნაესი ღვთაების თარხუნთის სახელიც. ასეთია, მაგალითად, მარაშ II-ის ტექსტში მოხსენიებული თარხუნთივასტი, რომელიც Ai[mil]-ს მეუღლე ყოფილა, მის ერთ-ერთ კომპონენტად ღვთაება თარხუნთის სახელია აღებული. იეროგლიფურ-ლუვიურ წარწერებში (Kurtül) მეფე უზუნაესი ღვთაების მსახურადაა წარმოდგენილი. ეს ფრაგმენტული წარწერა შემდეგი სიტყვებით იწყება: „მე ვარ Las, მეფე? ღვთაება თარხუნთის მსახური.“²⁵

იეროგლიფურ-ლუვიური წარწერების მონაცემებით, გურგუმში სამეფო ხელისუფლება მემკვიდრეობით მამიდან შვილზე გადადიოდა. აკი ხალფარუნცია გვამცნობს კიდევ: „მე მამისეულ სავარძელში ვიჯექი.“ ზემოხსენებული ტექსტიდან კარგად ჩანს, თუ რა დიდ მნიშვნელობას ანიჭებდა მეფე თავისი დინასტიის ინტერესებისა და კეთილდღეობისათვის ზრუნვას. ხალფარუნცია თავის წარწერებში აღნიშნავს, რომ მან გურგუმის ტერიტორიის გაფართოები-

სათვის ქვეყანა პიჯარკას ქალაქი ალასუვასა დაიქვემდებარა, მისი მოსახლეობა კი, დაიმონა, ხოლო ქვეყნის უსაფრთხოებისათვის „გამაგრებული კედელი ააშენა“.²⁶

ძვ. წ. VIII ს-ის იეროგლიფურ-ლუვიურ წყაროებში საინტერესო ცნობებია შემონახული თუხანის ქვეყნის შესახებაც. ეს წარწერები ივრიზის, ბორისა და ბულდარ-მადენის მიდამოებშია აღმოჩენილი. შემოხსენებულ პირველ ორ მონუმენტურ სტელაზე მეფე ვარპალავას ფიგურაა გამოსახული. იგი კაბითა და მოსასხამითაა წარმოდგენილი.²⁷ ბულდარ-მადენის კლდეზე ამოკვეთილი წარწერა კი, მეფის ვასალს ეკუთვნის.

ვარპალავას მონუმენტის აღმოჩენის ადგილი მიგვანიშნებს, რომ ტექსტში მოხსენიებული მისი სამთავრო თუვანუვა, დაახლოებით ტიანას მიდამოებში, დღევანდელი ნიდდეს ვილაიეთში მდებარეობდა, რომელიც, სავარაუდოდ, ერელდიდან (ივრიზი) კილიკიის კარის ჩრდილოეთით მდებარე ტერიტორიამდე იყო გადაჭიმული.²⁸

შემოხსენებული იეროგლიფურ-ლუვიური წარწერები ავტორის მოხსენიებით იწყება. წარწერის ავტორის სახელს ტიტულატურა და გენეალოგია ერთვის. ასე, მაგალითად, ცნობილი წარწერა ივრიზიდან გვამცნობს, რომ თუვანუვას მეფე ვარპალავა მამუს ძე ყოფილა. ბორის წარწერაში იგივე მეფე სამართლიან და ღვთისმოსავ ხელმწიფედ იწოდება.²⁹

თუვანუვას მეფე ვარპალავა ასურული წერილობითი წყაროებიდანაცაა ცნობილი (თიგლათფილესერ III-ის წარწერა თიხის ფირფიტაზე). ასურულ ტექსტში მას ურბალა თუხანელი ეწოდება.³⁰ როგორც ჩანს, ვარპალავა-ურბალა დაახლოებით ძვ. წ. VIII ს-ის მეორე ნახევარში მოღვაწეობდა.

ბორის წარწერიდან კარგად ჩანს, რომ ვარპალავა აღმშენებლობით საქმიანობას ეწეოდა: მისი ინიციატივით შეიდი სასახლე აუგიათ და ვენახებიც გაუშენებიათ. ვარპალავა-ურბალას წარწერებში ხაზი გვიანხეთური ხანის უზენაესი ღვთაების თარხუნთასის როლსაც ესმება, რომელიც მეფის მფარველად და მისი მოღვაწეობის წარმმართველადაა წარმოდგენილი.³¹

თუვანუვას ქვეყანაში მეფისადმი დაქვემდებარებულ პირთა მნიშვნელობაზე მეფის ქვეშევრდომის სახელით შედგენილი წარწერების სიმრავლე მიუთითებს. ბულღარმადენის წარწერიდან ვგებულობთ, რომ თუვანუვას (თუხანის) მეფე ვარპალავა-ურბალას მუთის მთა და მისი შემოგარენი თარხუვარას ვაუისთვის, თარხუნაზისთვის უბოძებია. მისთვისვე ლაშქარი და სახედრები ჩაუბარებია. ამ ამბის უკვდავსაყოფად თარხუნაზს სტელა აღუმართავს, რომელსედაც იეროგლიფურ-ლუვიური წარწერა ამოუკვეთია.³²

ამ წარწერაში ერთი გარემოებაა ნიშანდობლივი. კერძოდ, სარგონ II-ის დროს თარხუნაზი მელიდის მეფედ გვევლინება, იგი ერთ დროს ასურეთის ვასალიც ყოფილა, შემდეგ კი, სარგონისათვის ურჩობა გაუწევია.³³ სავარაუდოა, რომ თარხუნაზი, როგორც წარწერაშიცაა ნათქვამი, ქვეყნის გარეთაც „სამართლიანად“ მოღვაწეობდა. შესაძლოა, მან ერთგული სამსახურით მიიღო დამსახურებული წყალობა თუვანუვას მეფე ვარპალავასგან. თუმცა, თარხუნაზი ქალღვთაება ქუბაბას, ღვთაება თარხუნთსა და ღვთაება რუვას მფარველობით სარგებლობს. იგი შემდეგი ტიტულატურითაა წარმოდგენილი: “მეფე ვარპალავას ვასალი, მმართველი, ღვთაებათა მიერ ბოძებული...”. სავურადადებოა, რომ თარხუნაზისა და მისი მამის სახელები ასევე თეოფორულია.³⁴

ზემოაღნიშნული წარწერები თუხანის რელიგიური ცხოვრების რეკონსტრუქციის თვალსაზრისითაცაა საინტერესო. ტექსტებში, როგორც წესი, არა მხოლოდ ლუვიური ღვთაებების – თარხუნთასის, რუვანთის, ქარხემიშელი ქუბაბას სახელებს ეხედებით, არამედ მთვარის ღვთაებასა და ბაბილონურ ღვთაება ნაკარვასაც.

თაბალის ისტორიის შესახებ იეროგლიფურ-ლუვიურ წარწერებში გაცილებით მეტი ინფორმაცია მოგვეპოვება. მათი სიმრავლე და გავრცელების დიდი არეალი თაბალის ადგილმდებარეობის დადგენაში გვეხმარება. ამ თვალსაზრისით საყურადღებოა ნ. ხაზარაძის მიერ 1978 წ. გამოცემული მონოგრაფია „აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში“, რომელშიც თაბალის ისტორიის კარდინალური საკითხები საკმაოდ ამომწურავადაა გაშუქებული.

თაბალური ეპიგრაფიკული ძეგლები მათი ავტორების მოხსენიებით იწყება. ავტორებად მეფე, მისი ვასალები, ქურუმები (ერკილეთი I, სუვასა), დასახლების მმართველები (ანდავალი) და არმიის მეთაური გვევლინებიან.³⁵

დიდია ამ წარწერების, როგორც თაბალის სოციალური განვითარების ისტორიის წყაროს მნიშვნელობაც.

თაბალური წარწერების მიხედვით, სოციალური კიბის უმაღლეს საფეხურზე მეფე იდგა. ტოპადას წარწერაში ხაზგასმითაა აღნიშნული თაბალის მეფის – ვასურმეს ტიტულატურა და გენეალოგია: „მე ვარ დიდი მეფე ვასურმე... შვილი დიდი მეფე თუფათისა.“

ტოპადას ზემოაღნიშნული წარწერიდან ირკვევა, რომ მეფის თვალსაზრისით, მათი მოღვაწეობა ღვთაებრივ საწყისებთანაა დაკავშირებული. მეფეს წინ ღვთაება ან ღვთაებათა ჯგუფი მიუძღვის და იგი ქვეყანას მათი საშუალებით მართავს. სამეფო ხელისუფლების ღვთაებრივი

წარმომავლობის კონცეფციას უნდა უკავშირდებოდეს ის გარემოებაც, რომ მეფეები, როგორც წესი, თეოფორულ სახელებს ატარებდნენ. ამ თვალსაზრისით საყურადღებოა თაბალის მეფის ვასუსარმა-ვასურმეს (ასურული წყაროების უასურმეს) სახელები, რომლებიც ღვთაება სარმას სახელიდან მომდინარეობენ.³⁶

ტოპადას წარწერის ძირითადი შინაარსი შესავალ ნაწილს მოსდევს, სადაც ქალაქ პარვიტას დაპყრობაზეა საუბარი. ირკვევა, რომ ამ ქალაქს მეფე არ ჰყოლია. უცნობი რჩება ის ძალა, რომელმაც ვასურმეს ამ დასახლებულ პუნქტში წინააღმდეგობა გაუწია, რაც ქალაქის კედლის დანგრევით გამოიხატა. წარწერის მოწმობით, ეს ძალა (სახელი უცნობია) ქალაქ პარვიტაში „თავისი მიწიდან“ მისულა, ანუ იგი არა მკვიდრი მოსახლეობა ყოფილა, არამედ „თავისი მიწიდან“ მისული. ვასურმეს ქალაქის გასანადგურებლად ცხენოსანი ჯარი გაუგზავნია და ღვთაებების – თარხუნთისა და სარმას დახმარებით ხელისუფლება დაუბრუნებია. ამ ისტორიული მოვლენის აღსანიშნავად ვასურმეს შემოაღნიშნული წარწერა აღუმართავს. წარწერა მუქარის ფორმულით მთავრდება.³⁷

ვასურმეს მამის სახელი – თუვათი კულულუ I-სა და ჩიფლიქის წარწერებიდანაა ჩვენთვის ცნობილი. წარწერები მის ვასალებს ეკუთვნით, რომლებიც, სავარაუდოდ, მეფის შემდეგ სოციალური კიბის მომდევნო საფეხურზე დგანან. მეფის მსგავსად, ისინიც უზენაესი ღვთაების ან ღვთაებათა მფარველობით სარგებლობენ. ვასალები ღვთაებებს თაყვანსცემენ, განადიდებენ და საჩუქრებს უძღვნიან, ჩვენთვის გაუგებარი დანიშნულების artali-ს უბეგენ. ღვთაებები კი, ქვეყანაზე მათ ხელისუფლებას მუდმივად უზრუნველყოფენ.³⁸

ამრიგად, ზემოთ განხილული წარწერების მიხედვით, შესაძლოა დავასკვნათ, რომ თაბალის ქვეყანა, რომლის სათავეში მეფე იდგა, ქვეშევრდომების მეშვეობით იმართებოდა, რაც თავისი მხრით იმას უნდა ნიშნავდეს, რომ თავად ქვეყანა რამდენიმე ადმინისტრაციული ერთეულისაგან შედგებოდა.

თაბალის ქვეყანაში სამხედრო აპარატი საკმაოდ განვითარებული ჩანს. ამაზე უნდა მიუთითებდეს პორსუკში აღმოჩენილი იეროგლიფურ-ლუვიური წარწერა, რომელიც მეფე მასა-ურჰისას არმიის სარდალს – პარაჰვარას ეკუთვნის.³⁹ სავარაუდოა, რომ თაბალში მეფესთან დაახლოებული სამხედრო ფენა საზოგადოების მაღალ წრეს ქმნიდა. წარწერების მოწმობით, ჯარი ქვეითი და ცხენოსანი ნაწილისაგან შედგებოდა.

თაბალის ეკონომიკური ისტორიის შესახებ იეროგლიფურ-ლუვიურ წარწერებში საგულისხმო ცნობებია დაცული. წარწერებში მიწათმოქმედებასთან და მესაქონლეობასთან დაკავშირებული ტერმინებია ნახსენები. ესენია: „ვაზი“, „პური“, „ქერი“, „ხარი“, „ცხვარი“, „ცხენი“, „ჯორი“. კულულუს წერილობითი ძეგლების მონაცემებით, თაბალის ქვეყანაში მოწესრიგებული საგადასახადო სისტემა არსებობდა. როგორც კულულუსში აღმოჩენილი ტყვიის ფირფიტებიდან ჩანს, გადასახადის ერთ-ერთ სახეობას ქერი და ცხვარი შეადგენდა. სულთანხანის წარწერაში საინტერესო ცნობა მოგვეპოვება გადასახადის გაუქმებასთან დაკავშირებით. ვასურმემ ქალაქ სირვათივარაში ხარკის მიღების სანაცვლოდ, მიწასა და ვენახზე ზოგიერთ გადასახადს აუქმებს. კულულუს ტყვიის ფირფიტაზე შესრულებულ წარწერაში ტერმინი „ღვინის მწეა“ ნახსენები, რაც თაბალში მეღვინეობის განვითარებაზე უნდა მიუთითებდეს.⁴⁰

კულულუს ტყვიის ფირფიტებმა თაბალის ქალაქების სია შემოგვინახა, რაც ამ ქვეყანაში საქალაქო ცხოვრების სურათის აღდგენაში გვეხმარება. ტყვიის ფირფიტაზე ქალაქ ურამუევას ხალხის საკმაოდ გრძელი სიაა დაცული. ჩვენთვის უცნობია, თუ სოციალური განვითარების რომელ საფეხურზე იდგნენ ისინი. საკუთარი სახელები (ხალხის) ტექსტში გაფანტული სახით მრავალგზის მეორდება. ჯ. ჰოვკინსი ვარაუდობს, რომ საკუთარი სახელები შეიძლება მამის სახელთან, ხელობა-სტატუსის სახელთან და ვაკავშიროთ, ან წარმოშობის ადგილსამყოფელთან გაეაიგივოთ.⁴¹

ჩვენამდე მოღწეულ იეროგლიფურ-ლუვიური დამწერლობით შესრულებულ ეპიგრაფიკულ ძეგლებში საინტერესო ცნობებია დაცული მუშქების ქვეყნის შესახებაც. რამდენიმე წარწერა ყარა-დაღისა და მასთან ახლომდებარე ყიზილ-დაღის მიდამოებშია აღმოჩენილი, ერთი კი, ჩრდილოეთ სირიაში მდებარე ქარხემიშში (ჯერაბლუსი) მოწმდება.⁴²

ყარა-დაღისა და ყიზილ-დაღის წარწერები მუშქების მეფე ხართაფუს ეკუთვნის. ტექსტებში მეფის მაღალფარდოვანი ტიტულატურა და გენეალოგიაა დადასტურებული. ხართაფუ დიდ მეფედ და გმირადაა წარმოდგენილი, ისევე როგორც მისი მამა მურსილიც.

ხემოაღნიშნული წარწერები სპეციალურადაა შესწავლილი და გაანალიზებული ნ. ხაზარაძის მიერ. ხეთური და გვიანხეთური ხანის წარწერებთან ამ ეპიგრაფიკული ძეგლების ურთიერთშედარების საფუძველზე და სხვა მონაცემების გათვალისწინებით ისინი ძვ. წ. I ათასწლეულის დასაწყისით, დაახლოებით X ს-ის 40-30-იანი წლებისა და IX ს-ის დასაწყისით (90-იანი წლებით) თარიღდებიან.⁴³

თუ ყარა-დაღისა და ყიზილ-დაღის წარწერების მონაცემებით ვიმსჯელებთ, შეიძლება ვიფიქროთ, რომ მუშქების ქვეყანა რამდენიმე ადმინისტრაციულ ერთეულს მოიცავდა. ხართაფუ KUR დეტერმინატივითა და №213 და №245 იეროგლიფებით აღნიშნული ქვეყნების დიდ მეფედ გვევლინება. სამეცნიერო ლიტერატურაში „ქვეყანა 213“ „კლდეკარის ქვეყანად“, ხოლო „ქვეყანა 245“ ტავროსის მთის მხარედ მოიაზრება. აღნიშნული იდენტიფიკაციების საფუძველიანობას ამ წარწერების გაერცვლების არეალი ერთმნიშვნელოვნად მხარს უჭერს.

ზემოაღნიშნული წარწერების ჩვენებათა საფუძველზე შესაძლოა დავასკვნათ, რომ მუშქების ქვეყანა მთიან მხარეში მდებარეობდა, რომელიც მდინარე ჰალისის შუა დინების სამხრეთით განლაგებულ რეგიონს მოიცავდა.

ყიზილ-დაღისა და ყარა-დაღის წარწერები ძალზე ლაკონურია. ყურადღება ძირითადად მეფესუა გამახვილებული. წარწერაში მეფის მამის მოხსენიება, როგორც ჩანს, სამეფო ხელისუფლების მემკვიდრეობით ხასიათზე უნდა მიუთითებდეს.

ჩრდილოეთ სირიაში, დღევ. ჯერაბლუსში (ქარხემიში) აღმოჩენილი ქარხემიშის მეფის იარირისის იეროგლიფურ-ლუვიური წარწერა, სადაც მუშქების ქვეყანა მოიხსენიება, ძვ. წ. VIII ს-ის 60-40-იანი წლებით თარიღდება. როგორც წარწერიდან ჩანს, მუშქებისა და ქარხემიშის ქვეყნებს შორის ურთიერთობაში პირველობა ქარხემიშის მეფეს ეკუთვნოდა. მოგვიანებით კი, როგორც ამას ასურული წყაროები გვიჩვენებენ (სარგონ II-ის „ანალები“), როლები იცვლება: ქარხემიში სხვა გვიანხეთურ სამეფო-სამთავროებთან ერთად (თაბალი, თუნა) მუშქების მეფე მითას, როგორც მთავარ წარმართველ ძალას უკავშირდება და ანტიასურული კოალიციაც ყალიბდება.⁴⁴

ისევე როგორც აღმოსავლეთ მცირე აზიის გვიანხეთური ხანის სხვა სამეფო-სამთავროებში, მუშქების ქვეყანაშიც პანთეონის სათავეში უზუნაესი ღვთაება „თარხუნთი ცისა“ იღვა. ყარა-დაღის წარწერაში სხვა ღვთაებების სახელებსაც ვხვდებით. ესენია: „ღვთაება დიდი მთისა“ და „ღვთაება Na213“.

როგორც ვხედავთ, წარმოდგენილი იეროგლიფურ-ლუვიური წარწერები მნიშვნელოვან ინფორმაციას გვაწვდიან ძვ. წ. I ათასწლეულის პირველი ნახევრის გვიანხეთური სამეფო-სამთავროების ისტორიის რეკონსტრუქციისათვის. ამ ინფორმაციის მართებულობას საკლებით ადასტურებენ, ერთი მხრივ, ძველადმოსავლური წერილობითი ძეგლების მონაცემები და, მეორე მხრივ, მცირე აზიის სხვადასხვა რეგიონებში XXს-ში ჩატარებული არქეოლოგიური კვლევა-ძიების შედეგები.⁴⁵

-
1. ნ. ხაზარაძე, ნაგებობების აღმნიშვნელი ლუვიური იეროგლიფები, (მასალები ძვ. წ. II-I ათასწლეულების მცირე აზიის ქალაქების ისტორიისათვის), კრებულში: “ქალაქები და საქალაქო ცხოვრება ძველ საქართველოში”, თბილისი-ბათუმი, 2000, გვ. 32-35.
 2. ნ. ხაზარაძე, აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978, გვ. 17; C. K. Hansen and J. N. Postgate, The bronze to iron transition at Kilise Tepe, AnSt, 49, London, Ankara, 1999, p. 111.

3. J. D. Hawkins, The lower part of the Meharde stele, *AnSt*, 38, 1988, p.189-190.
4. M. Kalaç and J. D. Hawkins, The hieroglyphic luwian rock-inscription of Malpınar, *AnSt*, 39, 1989, p. 107-111.
5. J. D. Hawkins, The Kululu lead strips economic documents in hieroglyphic luwian, *AnSt*, 37, 1987, p. 135-162.
6. P. Meriggi, *Manuale Di Eteo Geroglifico, Testi-2aE3a Serie, Roma, 1975, №102, 103.*
7. P. Meriggi, *დასახ. ნაშრ., №97, 98, 103, 104, 109, 113, 114.*
8. P. Meriggi, *დასახ. ნაშრ., №108, 107.*
9. P. Meriggi, *დასახ. ნაშრ., №97.*
10. P. Meriggi, *დასახ. ნაშრ., №117; M. Vieyra, Hittite Art, 1955, p. 65.*
11. P. Meriggi, *დასახ. ნაშრ., №122, 99.*
12. P. Meriggi, *დასახ. ნაშრ., №122, 124.*
13. P. Meriggi, *დასახ. ნაშრ., №128, 129, 130, 131.*
14. M. Kalaç and J. D. Hawkins, The hieroglyphic luwian rock-inscription of Malpınar, *AnSt*, 39, p. 107.
15. იხ. იქვე, გვ. 109.
16. *АВНИУ, ВДИ, 2, 1951, с.288.*
17. *АВНИУ, с. 288.*
18. J. D. Hawkins and M. Kalaç, *დასახ. ნაშრ., გვ. 112.*
19. P. Meriggi, *დასახ. ნაშრ., №122.*
20. J. D. Hawkins and M. Kalaç, *დასახ. ნაშრ., გვ. 107.*
21. იქვე, გვ. 109.
22. P. Meriggi, *Manuale Di Eteo Geroglifico, იხ. რუკა.*
23. P. Meriggi, *დასახ. ნაშრ., Testi-1a Serie, Roma 1967, №32, 33.*
24. ნ. ხა'ნარაძე, გვიანხეთური ხანის აღმოსავლეთ კაპადოკიის ანთროპომორფიკისათვის, *ონომასტიკა I, თბილისი, 1987, გვ. 365-366.*
25. P. Meriggi, *დასახ. ნაშრ. Testi 2a E3a Serie, №145*
26. P. Meriggi, *დასახ. ნაშრ. Testi 1a Serie, №32, 33.*
27. A. S. Crespin, *Between Phrygia and Cililia: the Porsuk area at the beginning of the iron age, AnSt, 49, 1999, p. 69.*

28. ნ. ხაზარაძე, აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, გვ. 44; AnSt, 29, 1979, გვ. 164.
29. P. Meriggi, დასახ. ნაშრ. Testi-2aE3a Serie, №25, 30.
30. АВИИУ, №44, ВДИ, 2, 1951, с.315.
31. P. Meriggi, დასახ. ნაშრ. №30.
32. P. Meriggi, დასახ. ნაშრ. Testi-1a Serie, №25.
33. АВИИУ, №178, с.318.
34. ნ. ხაზარაძე, გეიანხეთური ხანის აღმოსავლეთ კაპადოკიის ანთროპონიმიკისათვის, ონომასტიკა I, გვ. 365.
35. P. Meriggi, დასახ. ნაშრ. Testi-1a Serie, №1, 7, 18, 27, 30; Testi-2aE3a №32, 67, 78; Testi-1a Serie, №31, Testi-2aE3a №29, 32.
36. ნ. ხაზარაძე, დასახ. ნაშრ. გვ. 367-368.
37. ნ. ხაზარაძე, აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, გვ. 19; P. Meriggi, დასახ. ნაშრ. Testi-1a Serie, №31.
38. P. Meriggi, დასახ. ნაშრ. Testi-1a Serie, №17, 18, 27.
39. P. Meriggi, დასახ. ნაშრ. Testi-2aE3a Serie, №29.
40. J. D. Hawkins, The Kululu lead strips economic documents in hieroglyphic luwian, AnSt, 37, 1987.
41. P. Meriggi, დასახ. ნაშრ. Testi-1a Serie, №30.
42. J. D. Hawkins, დასახ. ნაშრ. AnSt, 37, p. 140.
43. P. Meriggi, დასახ. ნაშრ. IIIa Serie, Testi: antichi, №12, 16, 17; J. D. Hawkins, Some historical problems of the hieroglyphic luwian inscriptions, AnSt, XXIX, 1979, p. 157-160.
44. იხ. დაწერილებით, ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 106-125; P. Meriggi, დასახ. ნაშრ. IIIa Serie: Testi antichi, №12, 16.
45. ნ. ხაზარაძე, ნაგებობების აღმნიშვნელი ლუვიური იეროგლიფები, გვ. 33.

§6. გვიანხეთური ხანის სამეფო-სამთავროები არქეოლოგიური გათხრების შუქზე

XX საუკუნის შუა ხანებიდან დაწყებული ამ ბოლო დრომდე აღმოსავლეთ მცირე აზიაში აღმოჩენილი არქეოლოგიური მასალა გვიანხეთური ხანის სამეფო-სამთავროთა ისტორიის შესწავლისათვის მნიშვნელოვან წყაროს წარმოადგენს.

გვიანხეთური ხანის მუშქების განსახლების სავარაუდო ტერიტორიაზე (დღევ. კონია) ჩატარებული არქეოლოგიური გათხრების შედეგად მოპოვებულ მატერიალურ ძეგლთა ნაშთებს, ძირითადად, თიხის ჭურჭელი წარმოადგენს. 1964 წელს კონიაში გათხრების შედეგად უამრავი ორმო აღმოჩნდა, რომლებშიც დოქების (ძირითადად, ნაცრისფერი ჭურჭლის) ნამსხვრევები აღმოაჩინეს. ნაგებობათა ნაშთები არ გამოვლინდა.¹

მოგვიანებით არქეოლოგებმა კვლავ კონიის რეგიონში (ალათინ თეფეში) ხაზოვანი სტილით მოხატული, ცხოველთა ფიგურებით დამშვენებული ჭურჭელი იპოვეს. ჭურჭელზე, ძირითადად, ლომები, თხები და შევარდნებია გამოსახული, ირმებისა და ხარების გამოსახულებები იშვიათადაა წარმოდგენილი. ამ ჭურჭელს მკვლევარები ძვ. წ. VIII საუკუნით ათარიღებენ.²

1975 წელს კონიის რეგიონში მდებარე ყარაჰუიუქში სფინქსის გამოსახულებიანი ვაზა აღმოჩნდა. იგი საკულტო დანიშნულების უნდა ყოფილიყო. ხეთურ-იეროგლიფურად ნაგი ცის აღმნიშვნელ იეროგლიფს წააგავს. ხეთური ტექსტების მიხედვით მას ღიბაცვის შესასრულებლად იყენებდნენ და *tapišana* ეწოდება.

სფინქსი მამაკაცის თავის ფიგურითაა წარმოდგენილი. მას დიდი ყურები, სპირალური ფორმის ნაწნავი, სქე

ლი წარბები, სწორი ცხვირი, უღვაშები, თხელი ტუჩები და სამკუთხედი წვერი აქვს. ამ ვაზას, როგორც ჩანს, მეორე მხარესაც ჰქონდა ასეთივე ფიგურა გამოსახული, რადგან მეორე თავის ფიგურა (ვალკე ფრაგმენტის სახით იქნა მიკველეული. აღნიშნულ ვაზას ძირზე ლომის თათები ჰქონდა. ჭურჭელი კარგად გაპრიალებული და ყაყისფერი იყო.³

XX საუკუნის 90-იან წლებში არქეოლოგიური გათხრების შედეგად კონიაში Kicikişla-ს მხარეში კერამიკული ნაწარმი გამოვლინდა, რომელიც ძვ. წ. I ათასწლეულის პირველი ნახევრით თარიღდება. მოპოვებული თიხის ჭურჭელი ახლო მსგავსებას დასაველეთ და სამხრეთ-დასაველეთ ანატოლიურ კერამიკასთან ამჟღავნებს, ისეთი, როგორიცაა იონური ჩიტის ვაზები, შავ-წითელი თიხის ჭურჭელი.⁴

ჯ. მელარტის მოსახრებით, ტავრის მთათა სისტემა ალიშარ IV-სა და ნაცრისფერ ჭურჭელს შორის სამხრეთით საზღვარს ქმნიდა. ცხოველთა ფიგურებით მოხატული ჭურჭელი, რომელიც გორდიონშია მიკველეული, აღნიშნული სახეობა კონიაშიც დასტურდება. ჩანს, რომ კონია ასეთი სახეობის აღმოსაველეთ საზღვარს წარმოადგენდა, რადგან კონიის რეგიონის დასაველეთ მხარეში ჯერჯერობით მჯდომარე ცხოველებით მოხატული თიხის ჭურჭელი არ გამოვლენილა.⁵

როგორც დავინახეთ, მუშქების განსახლების სავარაუდო ტერიტორიაზე (კონიის რეგიონში) მოპოვებულ თიხის ჭურჭელს თასები და ვაზები შეადგენს. თიხის ჭურჭლის როგორც შიგნითა, ისე გარეთა მხარეც მოხატულია. მათი დეკორაციის სახე მოტივების ფართო მწკრივს გვჩვენებს. გამოყენებულია როგორც პარალელური ზოლები, ვერტიკალური ხაზები პარალელურ ზოლებს შორის, ისე კონცენტრიკული წრეები, ტალღოვანი ხაზები, ჭადრაკის დაფისებრი სახეები, დიაგონალური და წერტილოვანი სახეები.⁶

გაცილებით მეტი არქეოლოგიური მასალა თაბალი-სათვის სავარაუდო ტერიტორიაზე აღმოჩენილი. გვიანხეთური ხანის თაბალის სხვადასხვა რაიონებში ნაპოვნი ცალკეული ძეგლებისა თუ ნაქალაქარების ნაშთები საშუალებას გვაძლევს, რათა მეტნაკლებად ადვადგინოთ მისი ისტორია.

1968 წ. გოლუდაღის მაღალმა ბორცვმა არქეოლოგების ყურადღება მიიპყრო. ჩატარებული სამუშაოების შედეგად გვიანხეთური ხანის ნაქალაქარი გამოვლინდა. ბორცვის უმაღლესი ნაწილი გარშემოვლებული იყო აღმოსავლეთ-დასავლეთის მხრიდან 1 კმ. სიგრძის კედლით. კედელს სამი ჭიშკარი, აღმოსავლეთით, დასავლეთით და სამხრეთით ჰქონდა დატანებული. ოვალური ფორმის კედელი, რომელიც თავდაცვით ნაგებობას ეკუთვნოდა, დასავლეთიდან კრატერითა და ტბით იყო გარშემოვლებული და ამიტომ მას გოლუდაღი ეწოდება. დიდი პარალელოგრამის ციტადელი (დაახლ. 100×261 მ.) შიგნით ნაგებობათა კომპლექსით ცენტრში იყო აღმართული. ქალაქის ცალკეული ნაგებობანი ერთმანეთისაგან ქუჩებით იყო გამოყოფილი. შესასვლელი ფართო იყო. შიდა ჭიშკარი მჯდომარე სფინქსების რელიეფური გამოსახულებანი იყო გაფორმებული. ხოლო ციტადელის შესასვლელი ორთავიანი და ოთხთავიანი ლომების ფიგურებით დამშვენებული. ეს ფიგურები ახლა კაისერის მუზეუმში ინახება. იქვე, ალიშარ IV-ის მსგავსი ხელით ნაკეთი ცხოველთა ფიგურებით მოხატული თიხის ჭურჭელსაც მიაკვლიეს. ეს კერამიკული ნაწარმი სტილისტურად უფრო მდიდრულია, ვიდრე გორდიონისა ან ალიშარში აღმოჩენილი. ეს გვაფიქრებინებს, რომ გოლუდაღი და კონიის ზონა უნდა ყოფილიყო წარმოების ცენტრი. არქეოლოგიური კვლევის შედეგად გამოირკვა, რომ

ქალაქი ძე. V. VIII ს-ში ხანძრის შედეგად განადგურებულა და მას შემდეგ აღარ გაშენებულა.⁷

წარმატებული გამოდგა არქეოლოგიური გათხრები ქიულ-თეფეში. ბორცვის გათხრისას ქალაქის ნაწილი იქნა გასუფთავებული. ქალაქს კედელი აქონდა გარშემოვლებული. იგი 6 მეტრი სისქის იყო, რომელზეც მართკუთხა კოშკები იყო დატანებული. შიგნით ქვის კიბე ზემოთ აღიოდა. თვით კედელი კირდულაბის გარეშე იყო აგებული. დასახლება ძე. V. IX-VII საუკუნეებით თარიღდება.

მოგვიანებით სრულად წარმოიხსნა ნაქალაქარის სურათი: ნაგებობა მეგარონის ტიპის, გადაუხურავი იყო. ოთახი დაუმუშავებელი ობსიდიანით დაფარული. შესასვლელი სვეტებით დამშვენებული. სხვა ნაგებობები ნათალი ქვის ბლოკებით იყო ნაშენი, კედლები სქელი იყო. იქვე დიდი რაოდენობით ქოთნები აღმოჩნდა. ისინი ალიშარ IV-ის მსგავსია და ცხოველთა მოტივებითაა მოხატული. ნაცრისფერი და შავი ფერის ჭურჭელი იშვიათია, ხოლო მკრთალი ყვითელი და ღია ყაყისფერი დიდი რაოდენობით აღმოჩნდა. იგი ადგილობრივი ნაწარმია.⁸

გვიანხეთური ხანის ნაქალაქარი კულულუს ტერიტორიაზე აღმოჩნდა. ქალაქი ტერასის ფორმის ბორცვზე იყო გაშენებული. მას სტრატეგიული დანიშნულება აქონდა, რადგან ბორცვი სივასისა და მალატიის გზებზე ადვილი შესამჩნევი იყო. აქაც ქალაქი გალავნით იყო გარშემორტყმული. დასახლება მასიური ნაგებობებისგან შედგებოდა. კულულუს ნაქალაქარი გოლუდაღის მსგავსად გადამწვარი და დანგრეულია. იგი დაახლოებით ძე. V. VIII საუკუნით შეიძლება დათარიღდეს.

უკვე კარგად ცნობილი მოხატული ე. წ. „ფრიგიული“ კერამიკა კულულუსშიც აღმოჩნდა. თურქების მიერ შეგროვილია ბაზალტისა და ანდეზიტის ფრაგმენტები, სტელა

იეროგლიფური წარწერით, ტყვიის ფირფიტები იეროგლიფურ-ლუვიური ტექსტებით, მონუმენტური ქანდაკებები. მათ რიგს განეკუთვნებიან – სფინქსის თავი, ნატეხი ხელი, წვეროსანი ღვთაების ქანდაკება რქიანი გვირგვინითა და ვარდულებით შემკული თავსაბურავით, სხვა ქანდაკებათა პატარა ფრაგმენტები, რომლებიც ახლა კაისერის მუზეუმში ინახება. ბევრ მათგანს ჩაუტარდა რესტავრაცია და ტყვიის ფირფიტების ახალი მონაცემებით მკვლევრებმა ბაზალტის უთავო ქანდაკება თაბალის მეფე ვასურმეს ვასალს მიაკუთვნეს. ქანდაკება 3 მეტრი სიმაღლისაა და სამოსი ფუნჯებითა და ზიგზაგისებური სალტეთია გაწყობილი.⁹

პორსუკში ზეივე-ჰუიუქის მაღალ ბორცვზე არქეოლოგებმა გათხრების შედეგად ქალაქის დიდი ნაწილი გაწმინდეს. იგი გვიანხეთური ხანის დასახლება აღმოჩნდა. აგურის დიდი კედლები ქვის საძირკველზე იყო ნაშენი, რომლის სისქე 2.50 მეტრი, ხოლო შემორჩენილი სიმაღლე 3 მეტრი იყო. ეს კედევ ერთხელ ადასტურებს გვიანხეთურ ხანაში საფორტიფიკაციო სისტემის განვითარებას. ნაგებობას კოშკები ამშვენებდა. იგი პატარა ქვებით იყო აგებული და ოთხკუთხედი ფორმისაა. კედელში კი, ქვის კარიბჭეა დატანებული.

პორსუკის რეგიონში Ulukişla-ს ტერიტორიაზე საკმაოდ დაზიანებული დიდი საფორტიფიკაციო კედელი გაიწმინდა. მოგვიანებით, ახალი არქეოლოგიური გათხრების შედეგად მთლიანი სახით იქნა გამოვლენილი ამ საფორტიფიკაციო ნაგებობის ნაშთები. გაირკვა, რომ ოდნავ დაქანებულ ადგილას მდებარე ციტადელს პარალელური კედლები საზღვრავდა. ძველი შესასვლელი ამოვსებული და სხვა მხარეს იქნა გადატანილი. ახალი შესასვლელი

კი, გამოუმწვარი აგურის კამაროვანი სახურავით იყო გადახურული. ნაქალაქარი გვიანხეთური ხანით თარიღდება.

პორსუკში ახალი არქეოლოგიური გათხრების შედეგად კიდევ ერთი დასახლების ნაშთები მაღალ ბორცვზე აღმოჩნდა – წინა ჭიშკარი თავისი სახურავით, ხის კოჭებითა და კარით, რომელიც ხეთურ კონსტრუქციას განეკუთვნება. არქეოლოგიურმა კვლევამ აჩვენა, რომ ეს ნა-სახლარიც დამწვარია.

პორსუკის სამოსახლოებში არანეულებრივი თიხის ჭურჭელი გამოვლინდა: ნარინჯისფერი თასები, მონოქრომული თეთრ ლივლივაზე მოხატული, მრგვალპირიანი დოქები პარალელური და ტალღოვანი ხაზებით მორთული, მაღალი პითოსი რვა პორიზონტალური ამობურცული 'ხო-ლებით მოხატული. მისი ზემო ნაწილი ყურის ორი მწკრივით იყო მორთული და ვარდულის შთაბეჭდილებას ქმნიდა. პითოსს ტუნის ქვეშ ხარის თავის რელიეფური გამოსახულება ამშვენებდა. ჭურჭელთან ერთად სამეურნეო დანიშნულების იარაღიც იღო – ძელის საგანი, ტარი, ნემსკავი ბრინჯაოს მოქლონებით, რომლის ბოლოში რკინის ფრაგმენტი იყო. მკვლევრები ზემოხსენებულ ნივთებს ძვ. წ. IX-VII საუკუნეებით ათარიღებენ.¹⁰

ნვენთვის საინტერესო ხანის თაბალური ნაქალაქარი არქეოლოგებმა ტოპაკლიშიც გათხარეს. ქალაქის სრული სურათის აღდგენა მისი სერიოზული დაზიანების გამო შეუძლებელია. თუმცა, ქალაქის თავდაცვითი სიმაგრის უზარმაზარი კედელი ნათლად მეტყველებს დასახლების დაგეგმარებისა და არქიტექტურის სრულყოფილებაზე. აღნიშნული კედლის სიგანე 4.60 მეტრი და სიმაღლე 3.50 მეტრი იყო. მას ჯებირიც ჰქონდა.

ტოპაკლიში, ისევე როგორც სხვა თაბალურ სამოსახლოებზე დიდი რაოდენობითაა აღმოჩენილი კერამიკული

ჭურჭელი (ძირითადად, თასები, ვაზები). ისინი ლაქწასმულია და ყვითელი, წითელი და მწვანე ფერებითაა მოხატული, რომლებზეც გეომეტრიული მოტივები საკმაოდ მარტივადაა დეკორირებული. მოხატულ ჭურჭელთან ერთად გამოუქმწვარი თიხის ზებუს ქანდაკება აღმოჩნდა.¹¹

ნიღდეს რეგიონში Pınarbaşı კუიუქში მდებარე მაღალი ბორცვის გათხრისას ფრიგიული ხანით დათარიღებული ნაქალაქარი გამოვლინდა, რომელიც ისლამური სამარხებით იყო გადაფარული. ნაგებობის საძირკველი დიდი ნათალი ქვებითაა ნაშენი. იატაკის ქვეშ პოლიქრომული თიხის ჭურჭლის ნამტვრევები აღმოჩნდა. კერამიკული ჭურჭელი ყვითლად, შავ პარალელურ ხაზებად ღია წითელსა და ვარდისფერ ფონზეა მოხატული, თავმოყრილი წრებითა და სამკუთხედი მოტივებით დამშვენებული. აქ მონოქრომული (მუქი ნაცრისფერი) ფრიგიული ჭურჭელიც იყო. არქეოლოგების მიერ ნაპოვნია წითელი და შავი პრიალა ჭურჭელი, რომელთაც ცხოველების (ხარი, ირემი, თხა) გამოსახულებები ამშვენებდა. თიხის ჭურჭელთან ერთად, საწყობი ყუთები, პითოსი (რომელშიც ბავშვის ჩონჩხი იყო მოთავსებული და ზემოდან ქვა ეფარა), სხვადასხვა სამეურნეო იარაღები (ძელისა და რქისგან დამზადებული დანები, შუბის წვერულები და სხვ.) აღმოჩნდა.¹²

ნიღდე-თეფებაღლარში ბორცვის გათხრისას საფორტიფიკაციო ნაგებობის ფრაგმენტები და კერამიკული ნაწარმი გამოვლინდა. იგი ძვ. წ. VIII-VII საუკუნეებით თარიღდება. 1975 წ. ნიღდეს მიზგითში ვარპალავას ვაჟის შავი ბაზალტის სტელაც იქნა ნაპოვნი.

ნიღდეს ჩრდილო-დასავლეთით Keşlik-ის მხარეში კლდეში გაჭრილი გზა იქნა აღმოჩენილი, რომელიც ზემო და ქვემო დასახლებულ ბორცვებს ერთმანეთთან აკავშირებდა. შორიახლოს სტელაზე გამოსახულია ვარპალავა

ქალღვთაება ქუბაბასა და სხვა ღვთაებებთან ერთად. ამჟამად რესტაურირებული და ნილდეს მუზეუმში ექსპონირებულია ბაზალტის სტელა, რომელზეც ტახტზე მჯდარი ქალღვთაება ქუბაბა და წამოწოლილი ლომია გამოსახული. ნილდე Gökbey-ში კლდის რელიეფზე ამინდის ღვთაება ცულითა და ჭექა-ქუხილის სიმბოლოთია წარმოდგენილი. მართალია, რელიეფი დაუმთავრებელია, მაგრამ მონუმენტური გამოსახულება სახვითი ხელოვნების მაღალ მხატვრულ ნიმუშს წარმოადგენს. რამდენიმე ადგილას ნაპოვნია რელიეფურ გამოსახულებათა ფრაგმენტები: ლომ-კაცი აღმართული ხელებით, ტახტზე მჯდარი ფიგურა, რომელიც ფეხზე იდგა.¹³

ტაეროსის საბადოების ინტენსიურმა კვლევა-ძიებამ არქეოლოგები ბულღარ-მადენტან ვერცხლისა და ტყვიის უძველესი საბადოების ნაკვალევთან მიიყვანა. ქრონოლოგიურად იგი გვიანხეთურ დასახლებებთან იქნა მიახლოებული.¹⁴

გვიანხეთური ხანის თაბალში მმართველობის ადმინისტრაციის მაღალ დონეს ამ ტერიტორიაზე აღმოჩენილი, ამჟამად მუზეუმებსა და კერძო კოლექციებში მოხვედრილი საბეჭდავები მიუთითებს. ეს საბეჭდავები სამეცნიერო ლიტერატურაში ასე განიხილება: „ადამიანის თავი“, „მუშტის“ და „მუშტის ფორმის ცილინდრული“ საბეჭდავები. მათზე მრავალგვარი სცენებია გამოსახული: ვარდულები, გაჭენებული ცხენი, მთის თხა, წყვილი მორიელი, ხუთი ნიშანი და სადღესასწაულო სცენები.¹⁵

უფრო სრული სურათის შესაქმნელად საინტერესოა, რომ თაბალის ტერიტორიაზე XX საუკუნის 90-იან წლებში ზოოარქეოლოგების მიერ მსხვილფეხა საქონლის, ცხვრის ფარის, თხების, მელისის, კურდღლის, ჩიტებისა და ქვეწარმავლების ძელები დეტალურად იქნა შესწავლილი. ხან-

გრძლივი კვლევა-ძიების შედეგად ბოტანიკური (ხის ნახშირი, თესვები) მატერიალური ნაშთებიც აღმოჩნდა.¹⁶ არქეოლოგიური მასალა დიდ დახმარებას გაგვიწევს სამეურნეო ყოფა-ცხოვრების შესწავლის საქმეში.

თაბალური სამოსახლოების მსგავსად არქეოლოგიური გათხრები მალატიაშიც მაღალ ბორცვებზე მიმდინარეობდა და დღესაც ინტენსიურად გრძელდება. ჰარაბაში (Haraba) ერთ-ერთ ბორცვზე რომაული და ელინისტური ფენების ქვეშ ძვ. წ. I ათასწლეულის პირველი ნახევრის ნაქალაქარი გაითხარა. იგი ძალიან დაზიანებული იყო და ამიტომ ქალაქის დაგეგმარების სრული სურათის აღდგენა არ მოხერხდა. შენობების იატაკქვეშ დიდი რაოდენობით გვიანხეთური ხანის კერამიკული ჭურჭელი გამოვლინდა. ნაწარმი თხელი იყო და მოხატული ყვითელი, მუქი ყავისფერითა და სხვადასხვა გეომეტრიული ორნამენტებით დამშვენებული.

Değirmentepe-ს ბორცვზეც თითქმის ყველა პერიოდის ნასახლარის ნანგრევები აღმოჩნდა, რაც ზოგადად, ალბათ, მალატიაში ცხოვრების უწყვეტი ხაზით მიმდინარეობაზე მიუთითებს. ჩვენთვის საინტერესო ხანის ნაგებობათა ნანგრევებით თუ ვიმსჯელებთ, შენობები ტალახიანი აგურისგან იყო აგებული. საძირკველი კი, დიდი ქვებისგან შედგებოდა. იატაკიც აგურის იყო. იქვე სხვადასხვა ზომისა და ფორმის აგურებიც გამოვლინდა, რაც მალატიაში მეთუნეობის დაწინაურებაზე მეტყველებს.

მალატიასთან ახლოს Köşkerbaba ჰუიუქში ურარტული ხანის საფორტიფიკაციო ნაგებობა მაღალი ბორცვის თავზე იყო გაშენებული. დასახლებას უზარმაზარი ქვის კედელი ჰქონდა გარშემოვლებული. აქ სადრენაუო არხიც გადიოდა. აქაც შენობები მასიური ქვის საძირკველისა და აგურისგან იყო აშენებული. 'ზოგიერთი ნაგებობა დიდ და პატარა საწყობებსა და სამზარეულოებს წააგავდა. კერამი-

კული ნაწარმი ძალიან დაზიანებულია. მას მკვლევრები ძვ. წ. VIII-VII საუკუნეებით ათარიღებენ.

Değirmentepe-ში ინტენსიური გათხრები დღესაც გრძელდება. სხვა ბორცვზე ჩატარებული სამუშაოების შედეგად შიდა ციხე-სიმაგრე აღმოჩნდა, რომელიც გვიანხეთური ხანით თარიღდება.

მალატიის დასახლებული პუნქტები მსგავსებას პოულობენ თაბალურ დასახლებებთან, როგორც არქიტექტურული გეგმარებით, ასევე მხატვრული გაფორმებითაც. მაგალითად, არსლანთეპეში გათხრილი ნაქალაქარის სკულპტურული შესასვლელი და ღომის ფიგურებით დამშვენებული ჭიშკარი აღმოჩნდა.¹⁷

ძვ. წ. I ათასწლეულის პირველ ნახევარში აღმოსავლეთ მცირე აზია, ჩვენთვის საინტერესო მალატია ურარტული გზების ქსელით იყო დასერილი და მას როგორც სავაჭრო, ასევე სამხედრო მნიშვნელობა ჰქონდა.

ამ მხრივ, საინტერესოა მდ. ეფრატის ზემო დინებაზე ნორშუნთეპესთან აღმოჩენილი მომთაბარეთა ორი გაძარცვული სამარხი. პირველი ცხენის სამარხს წარმოადგენს. მისი ზომებია – სიგანე 3,50, ხოლო სიმაღლე 3 მ. სამარხის კედლების სისქე 0,50 სმ-ია და მშრალი ქვისგანაა აგებული. იატაკი მაგრად დატკეპნილი თიხის ფენისგან შედგება. დაახლოებით ორმოს ზემო კიდესთან ორი ულაყის, ორი ძაღლის, ცოტა უფრო ღრმად კი, ფაშატის ჩონჩხები აღმოჩნდა. ცხოველები მსხვერპლად იყვნენ შეწირული. მიკვლეული კერამიკის მიხედვით სამარხი შეიძლება ძვ. წ. VII ს-ით დათარიღდეს. იგი ურარტუს დაცემას უკავშირდება.

მეორე ნაგებობა მრგვალკუთხიანი სამარხი იყო სიგანით 6მ, ხოლო სიმაღლე 7მ. სამარხში ადამიანის ჩონჩხის ნაწილები, რკინის ცულისა და დანის ფრაგმენტები გამოვლინდა. ჰ. ჰაუპტმანის მოსაზრებით, ზემოაღნიშნული

სამარხი ცხენების მფლობელს ეკუთვნოდა, რასაც ცხენის სამარხში აღმოჩენილი ინვენტარი (მათრახი, ლაგამი, ბრინჯაოს ბეჭედი, ცული, დანა) ადასტურებს. პ. ჰაუპტმანი ამ ინვენტარის ახლო ანალოგებს სკვითურ კომპლექსებთან ხედავს.

ასეთივე სამარხები იმირლერას ტერიტორიაზე, ამასიასთან ახლოს, ვანის ტბის დასავლეთით მუშ რაიონში დაფიქსირდა.¹⁸ ზემოაღნიშნული არქეოლოგიური მონაპოვარი დიდ დახმარებას გაგვიწევს მაღატიის პოლიტიკური ისტორიისა და ურარტუსა და სხვა მომთაბარე ხალხებთან ურთიერთობის შესწავლის საქმეში.

მაღატიაში აღმოჩენილი კლდის რელიეფების ერთი ნაწილი ღვთაებებს მათივე ატრიბუტებით წარმოადგენს, ნაწილი ღომსა და ირემზე ნადირობის სცენებს ასახავს, დანარჩენებზე კი, მსხვერპლშეწირვის რიტუალებია გამოსახული. ამ შემთხვევაში, როგორც წესი, მთავარი ფიგურები მეფე და ღვთაებაა. ზემოდასახელებული რელიეფური გამოსახულებანი დიდი ოსტატობითაა შესრულებული კლდის რელიეფებსა და სტელებზე და სახვითი ხელოვნების განვითარებაზე მეტყველებს.¹⁹

გვიანხეთური ხანის კუმუხის ტერიტორიაზე მოპოვებული არქეოლოგიური მასალა შედარებით უფრო მცირეა.

ხეთების იმპერიის დაცემის შემდეგ ძვ. წ. IX ს-ში დღევანდელი აღიამანის ვილაიეთში აღმოცენდა კუმუხის სამეფო, რომლის ცენტრიც დღევანდელ სამსათთან ასოცირდება. ასურული ლურსმული წარწერების თანახმად, სარგონ II-მ კუმუხი და მისი 62 ქალაქი დაიპყრო. არქეოლოგთა მიერ სწორედ რამდენიმე მათგანი გაითხარა, თუმცა იმდენად დაზიანებული, რომ სრული სურათის აღდგენა თითქმის შეუძლებელია. მაგრამ ცალკეული ფრაგმენტების

მეშვეობით შეიძლება კუმუხის ისტორიის საინტერესო ეტაპები შევისწავლოთ.

ზემოდასახელებული გვიანხეთური სამეფო-სამთავროების მსგავსად, კუმუხის ქალაქებიც მაღალ ბორცვებზე იყო გაშენებული. თილე კოიუქში გასული საუკუნის 80-90-იან წლებში არაერთი ბორცვი გაითხარა. აქ დასახლებებისა და ციხე-სიმაგრეთა ნანგრევები აღმოჩნდა. ეს სტრატეგიული ადგილი იყო, რადგან აღმოსავლეთ-დასავლეთის გზაჯვარედინზე მდებარეობდა.

მოგვიანებით, სხვა ბორცვზე წარმატებით ჩატარებული არქეოლოგიური გათხრების შედეგად კომპლექსურ ნაგებობათა ნაშთები და ალაყაფის კარები იქნა გამოჩენილი. ეს ქალაქი ხანგრძლივი ცეცხლის შედეგად განადგურებულა. თუმცა, გვიანხეთური ხანის მონუმენტური სვეტები და ლოდები იეროგლიფურ-ლუვიური წარწერებით თანამედროვე ნაგებობათა კომპლექსებშია ჩართული, ნივთები კი, მოსახლეობაში საძიებელი.

აქ ნაპოვნი თიხის ჭურჭელი, ძირითადად, თასები, ქოთნები, ხელითაა ნაკეთები. ჭურჭლის შუაგული ნაცრისფერია. მასთან ერთად უამრავი საბრძოლო (ხმალი, შუბისთაეი) და სამეურნეო იარაღიც იყო.²⁰

სამსათში, ტრადიციულად ბორცვის გათხრისას რომაული და შემდეგ ელინისტური ფენების ქვეშ ჩვენთვის საინტერესო ხანის ნაქალაქარი გამოვლინდა. დასახლება ჭიშკრის კომპლექსებს შეიცავდა. კედლები ძირითადად, წარიული დეკორაციებით გაწყობილი აგურებისგან იყო აგებული. კირქვისგან დამზადებული კიბის საფეხურები გვირაბის ფუნქციას ასრულებდა. იგი ბორცვის ჩრდილო-აღმოსავლეთ მხარეს აღმოჩნდა. როგორც ჩანს, გვირაბი ბორცვის ქვემო ფერდობზე მდებარე წყაროსთან აკავშირებდა. რამდენიმე ათეული (63) საფეხურის გასუფთავები-

სას წყლის რეზერვუარი აღმოჩნდა. ნაგებობის სახურავი ხეთურ სტილში ციკლოპური ბლოკებით იყო გადახურული.

სამსათის კერამიკული ჭურჭელი კონცეპტირებული წრეებითაა მოხატული. მასთან ერთად იეროგლიფურ-ლუვიური წარწერები, ბაზალტის რელიეფების ფრაგმენტები (ადამიანის სახე, თმა, წვერი), ბრინჯაოს ჭრიჭინა ასურული სტილის დოქში და ოქროს ნივთების შესანახი სკივრი გამოვლინდა.²¹

ცილინდრული ფორმის საბეჭდავები, რომელიც გვიან-ხეთური ხანის აღმოსავლეთ მცირე აზიის ტერიტორიაზე ბევრგანაა მიკვლეული, კუმუხის ტერიტორიაზეც დასტურდება. სამსათის ერთ-ერთ ბორცვზე სასახლის საფორტიფიკაციო ნაწილის, ჭიშკრისა და შიდა ციხე-სიმაგრის გარდა, სხვადასხვა ნივთებს შორის ცილინდრული საბეჭდავია ნაპოვნი. მისი დიზაინი ასეა გამოსახული: ღვთაება ნავზე დგას, რომლის ბოლო მომრგვალებული ფორმისაა. ღვთაებას ხელში მთვარე და ომეგას სიმბოლო უჭირავს და მეფე თაყვანსცემს. მეფეს თავზე კონუსისებური ფორმის ქუდი ეფარა. ნ. ოზგუნის მოსაზრებით, ცილინდრულ საბეჭდავზე კუმუხის ღვთაება სინია გამოსახული.²²

კუმუხის მონუმენტური ქანდაკებები, როგორიცაა კვარცხლბეკზე მდგომი ლომის ფიგურა ნემრუდ-დადიდან, არწივები, ასევე ქალღვთაება ქუბაბას რელიეფური გამოსახულებები ანქოზიდან, ტახზე და სხვა ცხოველებზე ნადირობის ამსახველი სცენები ადიამანიდან, ღვთაების გამოსახულება ჰაქი-ბებეკლიდან²³ და სხვა, მაღალი ოსტატობითა და დახვეწილი გემოვნებითაა შესრულებული.

კუმუხის მოსახლეობის სამეურნეო საქმიანობის დასახასიათებლად ქილისთეპეში აღმოჩენილი 5 ერთმანეთის მოსაზღვრე სახელოსნო ღუმელებითურთ დიდ დახმარებას გაგვიწევს. ღუმელების ფუძე უზარმაზარი რიყის ქვისგან

შედგებოდა. არქეოლოგებმა ამ ადგილებში რკინის პატარა და დიდი ნატეხები, ბრინჯოს ორნამენტებიანი ჯაჭვები, თიხის ქოთნების ნატეხები, სამეურნეო იარაღი, ცხენის ნალები, ლურსმნები და სხვადასხვა მოწყობილობა აღმოაჩინეს.²⁴

როგორც ვხედავთ, დღევანდელი თურქეთის ტერიტორიაზე წარმოებული არქეოლოგიური გათხრების შედეგად აღმოჩენილი მატერიალური კულტურის ძეგლები, დასახლებები თავისი ტოპოგრაფიითა და არქიტექტურული დაგეგმარებით ერთმანეთის მსგავსი არიან. ამ ტერიტორიაზე ნატარებული სამუშაოების შედეგად თითქმის ბევრგან ხეთური იმპერიის გადმონაშთები სხვადასხვა სფეროში გამოვლინდა. ეს, კიდევ ერთხელ ძვ. წ. I ათასწლეულის პირველი ნახევრის აღმოსავლეთ მცირე აზიის სამეფო-სამთავროთა ხეთურ ხასიათს უსუამს ხაზს.

-
1. D. H. French, Excavations at Can Hasan, AnSt, Vol XV, 1965, p. 86.
 2. G. K. Sams, Phrygian painted animals: Anatolian Orientalizing Art, AnSt, Vol XXIV, 1974, p. 169-180.
 3. Sedat Alp, Eine Sphinxvase aus Karahöyük Bei Konya, Anadolu, XXI, Ankara, 1987, p. 9-11.
 4. AJA, Vol 98, №4, 1994, p. 782.
 5. H. Bahar, The Konya region in the Iron Age and its relations with Cilicia, AnSt, vol 49, p. 1.
 6. AnSt, vol 49, დასახ. ნაშრ. p. 7.
 7. AJA, vol 73, №2, p. 213-214; AnSt, XIX, 1969, p. 11.
 8. Summary of Archaeological work in Turkey, AnSt, vol IV, 1954, p. 19; AnSt, vol VIII, 1958, p. 25; AnSt, vol XI, 1961, p. 18.
 9. Matcheld J. Mellink, Archaeology in Asia Minor, AJA, vol 72, №2, 1968, p. 135; AJA, vol 74, №2, 1970, p. 166-167; 6. ხაზარაძე,

აღმოსავლეთ მცირე აზიის უნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978, გვ. 26-27.

10. AnSt, vol XIX, 1969, p. 11; AnSt, volXX, 1970, p. 13; vol XXI, 1971, p. 23; vol XXII, 1972, p. 55; vol XXVII, 1977, p. 53; vol 49, 1999, p. 62.
11. AnSt, volXXII, p. 64; AnSt, volXXIII, 1973, p. 67; AnSt, vol XXV, 1975, p. 50.
12. AnSt, vol XXXIII, 1983, p. 259.
13. AJA, vol 81, №3, 1977, p. 300; AJA, vol 87, №4, 1983, p. 435; AJA, vol 85, №4 1981, p. 470; AJA, vol 83, №3, 1979, p. 337.
14. AJA, vol 88, №4 1984, p. 452.
15. Anadolu, XXI, 1978/1980, Ankara, 1987, p. 206.
16. T. Watkins, Excavations at Pinarbaşı, Anatolian Archaeology, vol 1, 1995, p. 10; P. E. McGovern, Science in Archaeology. A Review. H. Hongo, R. Meadow, Faunal analysis with a focus on Anatolian, AJA, vol 99, 1, 1995, p. 99.
17. Recent Archaeological Research in Turkey, AnSt, volXXIV, 1974, p. 33; AnSt, vol XXXII, 1982, p. 16; vol XXXV, 1985, p. 188; vol XXXVII, 1987, p. 184; AJA, vol73, 2, 1969, p. 213.
18. А. И. Иванчик, К вопросу об этнической принадлежности и археологической культуре киммерийцев, ВДИ, 3,(210), 1994, Москва,с.151-159.
19. P. Meriggi, Manuale Di Eteo Geroglifico, Parte II: Testi – 2aE3a Serie, Roma, 1975, №105, 107, 109, 110, 111, 112, 113, 114, 117; H. Hellenkemper, J. Wagner, A late Hittite rock-relief on the river Karasu, AnSt, XXVII, 1977, p. 169.
20. AnSt, XXXIX, 1989, p. 7; AnSt, XL, 1990, p. 110.
21. Matcheld J. Mellink, Archaeology in Asia Minor, AJA, vol 88, №4, 1984, p. 448; AJA, vol 95, №1, 1991, p. 135.
22. AJA, vol89, №4, 1985, p. 554.
23. AJA, vol 64, №1, 1960, p. 64; AJA, vol 83, №3, 1979, p. 342; AnSt, XXVII, p. 170.
24. AnSt, XVI, 1966, p. 39-40.

თავი II. გვიანხეთური ხანის დიდი კავალკიის
სამეფო-სამთავროთა პოლიტიკური ისტორიიდან

წერილობითი პირველწყაროების სიმცირის გამო, სპეციალურ სამეცნიერო ლიტერატურაში გვიანხეთური ხანის სამეფო-სამთავროთა პოლიტიკური ისტორია მერთალადაა წარმონეწილი. წინამდებარე ნარკვევი ამ ხარვეზის შევსების მოკრძალებული ცდაა.

ხეთების იმპერიის დაცემის შემდეგ ახალი პოლიტიკური გაერთიანებები წამოყალიბდა, რომლებიც ხეთურ ტრადიციებს ერთგულად აგრძელებდნენ. ჯერ კიდევ ძვ. წ. II ათასწლეულში აღმოსავლეთ მცირე აზიის ბუნებრივი სიმიდირეები მეზობელ ხალხებს განსაკუთრებით იზიდავდა. წინა ეპოქის დროინდელი სავაჭრო გზები ძვ. წ. I ათასწლეულის პირველ ნახევარში შუამდინარეთისათვის ერთ-ერთ მთავარ ინტერესს შეადგენდა. ჩრდილო-აღმოსავლეთისა და ჩრდილო-დასავლეთის სავაჭრო გზების დაუფლებისათვის ბრძოლის ისტორია ასურული და ურარტული ლურსმული წარწერების საფუძველზე შეიძლება აღვადგინოთ.

ყველა ის პოლიტიკური გაერთიანება, რომელიც ხეთების იმპერიის შემკვიდრეს წარმოადგენდა, სწორედ უძველესი სავაჭრო გზების გასწვრივ და მდინარეთა გადასასვლელებთან მდებარეობდა.

ცნობები გვიანხეთური ხანის სამეფო-სამთავროთა შესახებ ასურულ წერილობით ძეგლებში მოგვეპოვება. თიგლათფილესერ I-ის (ძვ. წ. 1115-1077 წწ.) პრიზმაზე შესრულებულ წარწერაში ნათქვამია, რომ მუშქებმა ასურეთის პროვინციები – აღზი და ფურუქუზი (სპილენძის საბადოებით მდიდარ ერლან-მადენას ტერიტორიაზე მდებარე) დაიპყრეს და ქათმუხიც მიიტაცეს. მუშქების ბატონობა 50 წელს გაგრძელებულა. თიგლათფილესერ I-ს დიდი ბრძო-

ლა გაუმართავს მუშქებისათვის და კიდევც დაუმარცხებია ისინი. ასურეთის მეფეს 20.000 გადარჩენილი მებრძოლიდან 6000 ასურეთში გადაუსახლებია.¹

ამის შემდეგ თიგლათფილესერ I-მა მელიდუს სამეფო ქალაქ მელიტენას ალყა შემოარტყა. როგორც წარწერა გვამცნობს, მან სამეფო ქალაქი უბრძოლველად აიღო, მძევლები აიყვანა და ყოველწლიური ხარკის გადახდა (მაგნიუმის სახით) დააკისრა.²

მიუხედავად ხელსაყრელი სტრატეგიული მდებარეობისა, გვიანხეთურ სამეფო-სამთავროებს არ შეეძლოთ სავაჭრო მნიშვნელობის გზებზე აბსოლუტური კონტროლის დამყარება. მათ ასურეთის იმპერიის სახით ძლიერი მოწინააღმდეგე ჰყავდათ. შემდეგ კი, ახალი საშიშროება არამეელების სახით გაჩნდა. ისინი მომთაბარე ტომები იყვნენ და აღმოსავლეთ მცირე აზიაში ეეფრატის აღმოსავლეთიდან შეიჭრნენ, რამაც დიდი ზიანი არა მარტო გვიანხეთურ სამეფო-სამთავროებს, არამედ ასურეთსაც მიაყენა. მხოლოდ ძვ. წ. 900 წელს შეძლო ასურეთის არმიამ, რომ მას ჩრდილოეთ სირიისა და ანატოლიის მთებამდე მიედწია.³ ასურნასირფალ II-მ (ძვ. წ. 884/3-859 წწ.) მუშქებისა და კუმუხის ქვეყნების დალაშქრა შეძლო, თუმცა ვერ დაიპყრო და მხოლოდ მდიდრული ნადავლით დაკმაყოფილდა.⁴

ისტორიის ასპარეზზე თანდათან გვიანხეთური სამეფოს – თაბალის მნიშვნელობაც გაიზარდა, რაც სავაჭრო გზების დაუფლებისათვის ბრძოლაში ჩართვით გამოიხატა. ერთ-ერთი პირველი, ვინც თაბალი დალაშქრა, ასურეთის მეფე სალმანასარ III (ძვ. წ. 859-824 წწ.) იყო. ასურული წარწერების მოწმობით, მან დაახლოებით ძვ. წ. 837 წელს ამანის მთებისა და ქუეს გავლით ტავროსის უღელტეხილი გადალახა და თაბალის სამხრეთი მხარე დაიპყრო, დაანგრია ქალაქები და თაბალის მეფეები, მათ შორის ტოპა-

დას იეროგლიფურ-ლუვიური წარწერის თუვათიც დაიმორ-
ჩილა. ამის შემდეგ სალმანასარ III-მ ეეფრატი გადალახა
და მელიდის გამაგრებული ქალაქი აიღო.⁵

ცნობლია, რომ არამეელებისა და ასურელების ხან-
გრძლივმა ზეწოლამ ბიძგი მისცა არმენიის მთებსა და ვა-
ნის ტბის მიდამოებში დამოუკიდებელი ტომების გაერთიანებას და იქ ბიანილი-ურარტუს სახელმწიფო ჩამოყალიბდა. ძვ. წ. VIII ს-ში მან დიდ სიძლიერეს მიაღწია. ურარტუს საზღვრები აღმოსავლეთით, ჩრდილოეთით და დასაფლეთით დიდ ტერიტორიაზე გაერცვლდა. ამის შესახებ ურარტუს მეფეების – მენუას (ძვ. წ. 810-786 წწ.), არგიშთი I-ის (ძვ. წ. 786-764 წწ.) და სარდურ II-ის (ძვ. წ. 764-735 წწ.) ურარტული წარწერები გვამცნობენ. წარწერებში ნათქვამია, რომ ურარტუელებს ეეფრატის მარჯვენა ნაპირას მდებარე ხათისა და მელიდუს ქვეყნები წარმატებით დაუღაშქრათ და ხარკიც დაუკისრებიათ.⁶

ამ ფაქტის გამო, ურარტუსა და ასურეთის ინტერესები ერთმანეთს შეეჯახა და მათ შორის შეტაკება გარდაუვალი გახდა. ასურეთის მეფე თიგლათფილესერ III-მ (ძვ. წ. 745-727 წწ.) აღმოსავლეთ მცირე აზიაში ურარტუს სერიოზული მარცხი მიაყენა და თავისი გაველენის სფეროები კვლავ დაიბრუნა. თიგლათფილესერ III-ის „ანალები“ გვამცნობს, რომ გვიანხეთური ხანის სამეფო-სამთავროების მმართველები - სულუმალი მელიდელი, თარხულარა გურგუმელი, კუშთაში კუმუხელი, ვასურმე თაბალელი, უშრითი თუნელი და ურბალა თუხანელი - ურარტუს მეფე სარდურ II-თან ერთად ასურელთა ექსპანსიის წინააღმდეგ გამოდირდნენ. გვიანხეთური ხანის სამეფო-სამთავროებზე გაველენის მოსაპოვებლად ასურელებსა და ურარტელებს შორის პირველი სერიოზული შეტაკება კუმუხის ტერიტორიაზე მდებარე არპადთან ძვ. წ. 743წ. გაიმართა. თიგლათ-

ფილესერ III სარდური დაიმორჩილა, ურარტელთა სამხედრო ბანაკი ხელთ იგდო და კუმუხის დასახლებული პუნქტები ასურეთს შეუერთა. მაგრამ სარდურ II ხელსაყრელ დროს კვლავ კუმუხში შეიჭრა. ურარტუს მეფე გვამცნობს: „ქალაქი უითა, სამეფო ქალაქი, გამაგრებული, ბრძოლაში დავიპყარი. ქალაქი ხალფა, სამეფო ქალაქი, ტბის (პირა ადგილას მყოფი), მე დავიპყარი. ქალაქ ფარა-ლანის, სამეფო ქალაქს, მე დავეუფლე (?). გამოცხადდა ჩემს წინაშე, ძირს დაემხო, წამოვაყენე მე... მომცა მან მე ხარკი: 40 მინა სუფთა (?) ოქრო, 800 მინა ვერცხლი, 3000 (ცალი) ტანსაცმელი, 2000 სპილენძის ფარი, 1535 სპილენძის თასი...”

წერილობითი ძეგლიდან ცნობილი ხდება, რომ სარდურ II-ს ყოფილ მოკავშირე კუმუხის ქვეყანაში ასურელთა პოზიციების დასუსტებით უსარგებლია. ურარტუს კი, ამ ქვეყანაზე გაბატონება განუზრახავს.

პარალელურად თიგლათფილესერ III-მ გვიანხეთური სამეფო-სამთავროების წინააღმდეგ მძლავრი კონტრშეტევა განახორციელა და როგორც ასურული წყარო გვაუწყებს „მათი (ურარტელების - ნ. ბ.) გვამებით მოიფინა მთები“. მას დაპყრობილ ქვეყნებში თავისი ხალხი დაუსახლებია და თავისი ნდობით აღჭურვილი მოხელეები დაუნიშნავს, ხოლო ხარკის სახით, ოქრო, ვერცხლი, რკინა, კალა, მაგნიუმი, ბამბის ქსოვილები, ცხენები, ჯორები, სპილოს ძვალი და ტყავი, მეწამული მატყელი დაუკისრებია.⁷

მიუხედავად ამისა, თაბალის მეფე ვასურმეს ასურელთა ქვეშევრდომობისგან განთავისუფლება განუზრახავს. განზრახვა უშედეგო აღმოჩენილა: ასურელებს იგი ტახტიდან ჩამოუგდიათ, ხოლო მის ნაცვლად არამეფური წარმოშობის პიროვნება ვინმე ხული დაუსვამთ. ასურელთა

მოხელეს თაბალელთაგან 10 ტალანტი ოქრო, 100 ტალანტი ვერცხლი და 200 ცხენი ძღვენის სახით მიუღია.⁸

თიგლათფილესერ III-ის მემკვიდრე სარგონ II (ძვ. წ. 722-705წწ.) ასევე ცდილობდა თაბალში ასურეთის ექსპანსიური პოლიტიკის განხორციელებას. სარგონ II-ის „ანალებიდან“ ცნობილი ხდება, რომ თაბალის მეფეს – ამბარიდუ ხულის ძეს სარგონმა დიპლომატიური მოსაზრებით თავისი ასული ახათაბიშა ცოლად მიათხოვა და მზითვად ხილაქუს სამთავროც უბოძა. მიუხედავად ასურეთის მეფის ამ მცდელობისა, ამბარიდუ თაბალელი ანტიასურულ კოალიციიაში მუშქების მეფე მითასთან, ურარტუს მეფე ურსასთან და შინუხთუელ კიაკისთან გაერთიანდა. განრისხებულმა სარგონ II-მ კიაკი შინუხთუელი 7350 მეომრითურთ დაატყვევა და მისი სამეფო ქალაქი მათი თუნელს ჩააბარა. ამბარიდუ თაბალელი თავისი ოჯახითა და დიდებულებით ასურეთში ტყვედ წაიყვანა. თაბალში კი, სხვა ხალხი წამოასახლა. მათ თავისი მოხელეები დაუნიშნა და გადასახადი დაუწესა. ასურეთის მეფის ასეთი წარმატებების ფონზე მედიდუს მეფე თარხუნაში წინააღმდეგობას მაინც განაგრძობდა. მან ასურეთს ხარკის გადახდა შეუწყვიტა, რის გამოც სარგონს მისი სამეფო ქალაქი „ქოთანივით დაუმსხერვეია“, დასახლებები აუოხრებია, ხოლო თარხუნაში ოჯახითა და სამეფო საგანძურით, 5000 დატყვევებული მეომრით ასურეთში გადაუსახლებია. სარგონ II-ს თილ-გარი-მუ სირიის სტეპებიდან მოყვანილი მშვილდოსნებით „თავიდან დაუსახლებია“. ამგვარი ქმედებით მუდმივმოქმედი ჯარის რაოდენობა მნიშვნელოვნად გაუზრდია. მასევე ქამანუში თავისი ნდობით აღჭურვილი პირი დაუსევამს, მისთვის სამხედრო და სამშენებლო საქმეში იგივე ვალდებულებები დაუკისრებია, რაც წინამორბედ გუნსინანს ევალეობდა. ამის შემდეგ, სარგონ II-ს აჯანყებული მუთალუ კუმუხე-

ლისა და მუთალუ გურგუმელის წინააღმდეგ გაულაშ-
ქრავს. ასურეთის მეფის ე. წ. „სადღესასწაულო წარწერა“
გვამცნობს, რომ თარხულარა თავის ვაჟს – მუთალუს
გურგუმის ტახტიდან ჩამოუგდია. ეს უზურპაცია სარგონ
II-ის შეთანხმების გარეშე განუხორციელებია. ამ ფაქტს
სარგონ II-ის რეაქცია მოჰყოლია. მას მუთალუ და მისი
მამა თარხულარა ბით-აქალლას ასეულთან ერთად, მათი
ავლადიდების ჩათვლით, ასურეთში გადაუსახლებია, გურ-
გუმში კი, თავისი მოხელე დაუნიშნავს. მოგვიანებით,
რადგან კუმუხის მმართველს ხარკის გადახდა შეუწყვეტია,
სარგონ II ამ ქვეყანაში ურჩი მეფის- მუთალუს დასასჯე-
ლად დაძრულა, მუთალუს ქალაქი დაუტოვებია. ასურე-
ლებს მისი ადგილსამყოფელისთვის ვერ მიუგნიათ. სარ-
გონ II-მ კუმუხის 62 „გამაგრებული ქალაქი“ დაიპყრო. მუ-
თალუს ოჯახი საგანძურითურთ და ქვეყნის მოსახლეობა
ასურეთში გადაასახლა. მსგავსად გურგუმისა, კუმუხიც
ხელახლა დაუსახლებია და იქ თავისი მოხელე დაუნიშ-
ნავს.⁹

ამ პერიოდში მუშქების მეფე მითა ანტიასურულ კოა-
ლიციაში ქარხემიშის მეფე პისირისთან ერთად ჩანს. სარ-
გონ II-ის „ანალები“ გვამცნობს, რომ მუშქების მეფეს ქუ-
ეს სამი ქალაქი: ხაარუა, უშნანისი და ქუმესი მიუტაცნია.
სარგონ II-ს ძვ. წ. 715 წ. ქუედან მუშქები განუდევნია და
მუშქების ქვეყნის საზღვართან ციხე-ქალაქები: უსი, უსია-
ნი და უარგინი დაუარსებია. ძვ. წ. 709 წ. ქუეს ასურელ
მმართველს სამგზის ულაშქრია მუშქების ქვეყანაში. ნიმ-
რუდის წარწერის თანახმად, მითას დიპლომატიისთვის მი-
უძმართავს და ასურელებთან მეგობრული ურთიერთობა
დაუმყარებია, რაც იმაში გამოიხატა, რომ ასურეთის მოხე-
ლეს ქუეში ურიქის მიერ ურარტუში წარგზავნილი 14 კა-
ციანი დელეგაცია გადაუცია.¹⁰

„ბაბილონური B ქრონიკა“ გვამცნობს, რომ სარგონ II-მ საბოლოოდ მაინც ვერ შეძლო გვიანხეთური ხანის სამეფო-სამთავროთა დაპყრობა. წარწერის თანახმად, სარგონ II-ს თავისი მეფობის მე-16 წელს თაბალის წინააღმდეგ კვლავ გაულაშქრავს. ლაშქრობის დეტალები ჩვენთვის უცნობია, თუმცა ცნობილია, რომ იგი სწორედ აღმოსავლეთ მცირე აზიაში ლაშქრობის დროს, ერთ-ერთ ბრძოლაში დაღუპულა.¹¹

ასურელთა ბატონობის აღსაკვეთად გვიანხეთური ხანის სამეფო-სამთავროები ხელსაყრელ მომენტებს მარჯვედ იყენებდნენ. სინაქერიბის მეფობის დროინდელი (ძვ. წ. 705-680წწ.) წარწერებიდან ჩანს, რომ ილუბრუს მმართველ კირუასა და თილ-გარიმუს მთავარს გურდის ასურელების წინააღმდეგ ერთობლივი აჯანყება მოუწყვიათ. ასურელთა წინააღმდეგ ამავე დროს მთებში მცხოვრები ხილაქუელებიც ამხედრებულან. სინაქერიბს აჯანყების ჩასახშობად თავისი ერთგული მოხელე – შულმუბელა გაუგზავნია. მას კირუა დაუმარცხებია და იგი ნინეფიაში ტყვედ გაუგზავნია. ასურეთის მეფეს კირუასათვის სასტიკი სასჯელი – ცოცხლად ტყავის გაძრობა მიუსჯია. შულმუბელას ილუბრუს მოსახლეობა ასურეთში გადაუსახლებია, ხოლო ქვეყანა ახალი მოსახლეობით შეუვსია. აქ, მას გამარჯვების ნიშნად, აშურის ხმალი მიწაში ჩაუსვამს. თილ-გარიმუს წინააღმდეგ სინაქერიბს კვლავ გამოცდილი მოხელე, მშეილდოსნების, შუბოსნებისა და მეეტლეების რაზმითურთ აშურბელუსურა გაუგზავნია, ქალაქი დაუნგრევია და მიწაყრილად უქცევია.¹²

ასარქადონის (ძვ. წ. 680-669წწ.) მეფობის დასაწყისში ასურეთის დასავლეთ საზღვრებს კიმერიელთა მხრიდან საფრთხე შეექმნა. კიმერიელები თაბალელებთან, მუშქებთან და ხილაქუელებთან ერთად ასურეთის წინააღმდეგ

ხშირ თავდასხმებს აწყობდნენ. ამ თავდასხმების შესახებ უნდა აღვნიშნავთ, რომ ისინი დასრულდა, მაგრამ სასარგებლოდ არ გამოდგინდა. თილ-ბარსიფის სტელაზე შესრულებული წარწერა გვამცნობს, რომ ასარქადონს ხუბუშნაში თეუშუა კიმერიელი დაუმარცხებია და ხილაქუს „ურჩი ხალხი“ გაუნადგურებია. ეს მოვლენა სპეციალურ სამეცნიერო ლიტერატურაში დაახლოებით ძვ. წ. 678/77 წწ. თარიღდება.¹³ ასარქადონს ხილაქუსა და დუ'უას ხალხის წინააღმდეგ კიდევ ერთხელ გაულაშქრავს. მას ხილაქუს 21 გამაგრებული ქალაქი აუღია და გადაუწვავს. თუმცა ის დასახლებები, რომლებიც წარსულში არ მონაწილეობდნენ აჯანყებაში, მხოლოდ მძიმე გადასახადებით გადარჩენილა. შამაშის ორაკულისადმი ასარქადონის ცნობილი „შეკითხვებიდან“ ირკვევა, რომ მის მიერ მოწყობილ სადამსჯელო ექსპედიციას შედეგი არ მოუტანია. გვიანხეთური ხანის სამეფოსამთავროების მესვეურები - მუშქების მეფე მითა, თაბალის მეფე იშგალუ, მელიდის მეფე მუგალუ - ასურეთისათვის კვლავ საშიშ მოწინააღმდეგეებს წარმოადგენდნენ, ასარქადონი შესთხოვს შამაშს აუწყოს მას, ხომ არ დაეხმიან თავს პროინცია ქუეს თაბალები და ხილაქუელები. როგორც წარწერიდან ჩანს, ქუე ასურელთა ძირითად დასაყრდენ პუნქტს წარმოადგენდა. კონტროლი აღმოსავლეთ მცირე აზიის სამეფო-სამთავროებზე სწორედ ქუედან ხორციელდებოდა.

ასურბანიფალის (ძვ. წ. 668-629წწ.) მეფობის დროს სიტუაცია ასურელთა სასარგებლოდ შეიცვალა. რასამის ცილინდრზე შესრულებული ასურბანიფალის წარწერიდან ცნობილი ხდება, რომ ხილაქუს მმართველ სანდაშარმეს თავისი ასული დიდი მზითვით ნინევეიაში ჩაუყვანია და ასურბანიფალისთვის „ფეხები დაუკოცნია“. თაბალის მეფე მუგალუსაც „ფარ-ხმალი“ დაუყრია, ასურეთის მეფისთვის ნინევე-

აში წერილი მიუწერია და მისი ძალაუფლება უცვნიან. სამაგიეროდ, ცხენების სახით ხარკის გადახდა უკისრია.¹⁴

თაბალის მეფე მუგალუს ვაჟს (ტექსტის დაზიანების გამო სახელი ჩვენთვის უცნობია) ასურელთა ქვეშევრდომობისგან განთავისუფლება მიიხსნა განუხრახავს. ამ მიზნის მიხედვით მას კიმერიელებთან კავშირის დამყარება განუხრახავს. ასურბანიფალის „ანალები“ გვამცნობს, რომ მუგალუს ვაჟი კიმერიელთა წყაროს ტერმინოლოგიით, „ბარბაროსების“ მეფე დუგდამეს შეეკრა. ასურეთის მეფეს მუგალუს ვაჟი სასტიკად დაუმარცხებია. ხოლო მისი სხეული ცეცხლისთვის მიუცია. ასურელთა მეფეს თაბალელთა მთელი ქონება მიუთვისებია, არმია და მოსახლეობა ასურეთში გადაუსახლებია. მართალია, დუგდამეს ბრძოლა გაუგრძელებია, მაგრამ უშედეგოდ. სიტუაციას ისიც ართულებდა, რომ დუგდამესი მძიმედ დაავადდა. ბოლოს იგი იძულებული გახდარა, სავის დადების მიზნით, ხარკის გადახდის პირობით, ასურეთში თავისი მოხელეები გაეგზავნა.¹⁵

თაბალის დაცემა იმას ნიშნავდა, რომ პირვანდელი ანტიასურული კოალიციიდან მხოლოდ მუშქების მეფე მითაღა შემორჩა.

„აღმოსავლეთელი მუშქები“, რომლებიც ტიგროსის სათავეებისა და ზემო ეფრატის სანახებში თითქმის, 400 წლის მანძილზე სახლობდნენ, შევიწროებული აღმოჩნდნენ. ძვ. წ. 676 წ. მათ ურარტელების ძლიერი თავდასხმა განუცდიათ. ურარტუს მეფე რუსა II-ის (ძვ. წ. 685-645 წწ.) ადილჯევაზის წარწერის თანახმად, მუშქების, ხათესა და ხალიტუს ქვეყნების მოსახლეობა ურარტუში გადაუსახლებიათ.

გვიანხეთური ხანის სამეფო-სამთავროთა შემდგომი ხანის პოლიტიკური ისტორია ძველი ანატოლიის მსხვილი პოლიტიკური ერთეულების ფრიგიისა და ლიდიის ისტორიის კონტექსტშია განსახილველი.

1. ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 72.
2. АВИИУ, ВДИ, 2, 1951, с.274-278.
3. ძველი აღმოსავლეთის ხალხთა ისტორია, თბილისი, 1988, გვ. 316.
4. АВИИУ, ВДИ, 2, с. 286-288.
5. ნ. ხაზარაძე, აღმოსავლეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978, გვ. 85; იხ. АВИИУ, с. 297-299.
6. Г. А. Меликишвили, Урартские клинообразные надписи, Москва, 1960, с. 151-161. იხ. ძველი აღმოსავლეთის ხალხთა ისტორიის ქრესტომათია, თბილისი, 1990, გვ. 276; Н. В. Арутюнян, Корпус урартских клинообразных надписей, Ереван, 2001, с. 257-277.
7. АВИИУ, ВДИ, 2, с. 311-315. იხ. ნ. ხაზარაძე, დასახ. ნაშრ. გვ. 86; ძველი აღმოსავლეთის ხალხთა ისტორიის ქრესტომათია, გვ. 292; Г. А. Меликишвили, Наири-Урарту, Тбилиси, 1954, с.274.
8. ნ. ხაზარაძე, დასახ. ნაშრ. გვ. 86.
9. АВИИУ, ВДИ, 2, с.318-319; ВДИ, 3, 1951, с. 209-211.
10. ნ. ხაზარაძე, საქართველოს ძველი ისტორიის ეთნო-პოლიტიკური პრობლემები, გვ. 78.
11. АВИИУ, ВДИ, 3, с.215, იხ. ძველი აღმოსავლეთის ხალხთა ისტორია, თბილისი, 1988, გვ. 324.
12. АВИИУ, с.213.
13. А. И. Иванчик, Киммерийцы, Москва, 1996, с. 164.
14. АВИИУ, с.216, 229, 236, 240.
15. А. И. Иванчик, Киммерийцы, с. 275.

თავი III. გვიანხეთური ხანის დიდი კაპალოკიის სამეფო-სამთავროთა პანთეონის ისტორიისათვის

ხეთური რწმენა-წარმოდგენების ტრადიციები ხეთური სამეფოს დაცემის შემდეგაც არ გამქრალა. მან თავისებური ასახვა ძვ. წ. I ათასწლეულის პირველი ნახევრის აღმოსავლეთ მცირე აზიის ტერიტორიაზე წარმოქმნილ გვიანხეთურ სამეფო-სამთავროებში პოვა.

იეროგლიფურ-ლუვიური წარწერებით შესრულებული ძეგლები სადღეისოდ ერთადერთი წყაროა გვიანხეთური ხანის სამეფო-სამთავროთა რელიგიური წარმოდგენების შესწავლისათვის. ტექსტებში, როგორც წესი, ლუვიური ღვთაებების – თარხუნთის, სანთას, რუვას და სხვათა სახელები გვხვდება. წარწერებში აგრეთვე იხსენიება ხურიტული ღვთაებები – შარუმა, ქალღვთაება ხეფათი, შაუშქა, ხარანის მთვარის ღვთაება, ქარხემიშის ქალღვთაება ქუბაბა, ბაბილონური ღვთაება Nakaruha (Nakarwa), კუმუხის მთვარის ღვთაება Sin-ი, მამრობითი და მდედრობითი სქესის ღვთაებები ცისა და მიწისა, მზის უმაღლესი ღვთაება.

გვიანხეთური ხანის სამეფო-სამთავროთა პანთეონი პოლითეისტური იყო. იგი ცდილობდა კავშირი დაემყარებინა ადამიანსა და გარესამყაროს შორის. ამიტომ, გაღმერთების ობიექტებად ყველა ცოცხალი არსების მშობელი – დედამიწა, ცა, მზე, მთვარე გვევლინება. პანთეონში საპატიო ადგილი იმ ღვთაებებს უკავიათ, რომლებიც წყალთანაა დაკავშირებული და რომლის გარეშეც დედამიწა უნაყოფოა. ამ ღვთაებებზე დიდად იყო დამოკიდებული სიცოცხლის გაგრძელება დედამიწაზე, ამიტომ ნებისმიერი უძველესი საზოგადოება მათ თაყვანს შესაბამისი რიტუალებით სცემდა. გვიანხეთური ხანის აღმოსავლეთ მცირე

აზიის მოსახლეობაც, ხეთების მსგავსად ქედს მთების, მდინარეებისა და წყაროების ღვთაებათა წინაშე იხრიდა.

იეროგლიფურ-ლუვიური წარწერების მონაცემები ღვთაებათა ნომენკლატურის, პანთეონის სტრუქტურაში მათი როლისა და ადგილის შესახებ, ღვთაებათა მოხსენიების სიხშირე და გავრცელების არეალი დიდ დახმარებას გვიწევს უზენაესი ღვთაებისა და მთავარი ღვთაებების გამოვლენისა და შესწავლის საქმეში.

ძე წ. IX-VIII სს-ის იეროგლიფურ-ლუვიური წარწერების მონაცემებით, გვიანხეთური ხანის აღმოსავლეთ ანატოლიის სამეფო-სამთავროთა პანთეონში მთავარი ადგილი ლუვიურ ღვთაება თარხუნთს ეკავა.

სამეცნიერო ლიტერატურაში გამოთქმული თვალსაზრისის თანახმად, თარხუნთი ამინდის (ჭექა-ქუხილის) ღვთაებაა. იგი სიუხვის მომტან წყლებთან და ნაყოფიერებასთანაა დაკავშირებული, რაც ჩვენამდე მოღწეულ გვიანხეთური ხანის ეპიგრაფიკულ ძეგლებზეც დასტურდება.¹

იეროგლიფურ-ლუვიურ წარწერებში თარხუნთი სხვადასხვა ეპითეტით მოიხსენიება. მას „ღვთაება თარხუნთი ცისა“, „ციური ღვთაება თარხუნთი“, „თარხუნთი ვენახისა“ ეწოდება².

გვიანხეთური ხანის კლდეში ნაკვეთი მონუმენტების უმრავლეს ნაწილზე ღვთაება თარხუნთის გამოსახულებას ვხვდებით (იერიზი, მალატია³, ნილდე, ქენლიქი⁴, თარხუნთის სავარაუდო გამოსახულება კილიკიის ტავროსიდან, რომელიც ს. ჯანაშიას სახელობის სახელმწიფო მუზეუმში ინახება). ნიშანდობლივია, რომ ზემოდასახელებული კლდის რელიეფები სწორედ წყაროთა სიახლოვეს დასტურდება, რაც ღვთაების ზემოხსენებულ ფუნქციებთან უნდა იყოს დაკავშირებული.

ზემოაღნიშნულ ძეგლებზე დამოწმებული თარხუნთის

გამოსახულება საგვებით ადასტურებს იეროგლიფურ-ლუ-
ვიურ წარწერებში ამ ღვთაების შესახებ არსებულ ინფორ-
მაციას. ამ თვალსაზრისით საინტერესოა სულთანხანის
წარწერა, რომელიც თაბალის მეფე ვასურმეს (ასურული
ღურსმული ტექსტების უასურმე თაბალელი) ვასალ Swa-
tiwara-ს ეკუთვნის. წარწერა გვამცნობს, რომ მის ავტორს
ღვთაება თარხუნთის შემწვობით ვენახი გაუშენებია. ღვთა-
ების წყალობით ვენახს გაუხარია და პურის მოსავალიც
უხვად მოსულა. სამაგიეროდ, ვასალს ღვთაებისათვის ერ-
თი ხარი და ცხრა ცხვარი შეუწირავს, თავად ვასურმეს კი
იმ მიწაზე, სადაც ვენახი იყო გაშენებული, 'ხოგიერთი გა-
დასახადი გაუუქმებია'.

ღვთაება თარხუნთის ატრიბუტიკის სრულად წარმო-
წენისათვის ივრიზის რელიეფს სრულიად განსაკუთრებუ-
ლი მნიშვნელობა ენიჭება.

სამწუხაროდ, ბუნებრივი მოვლენების გამო, ივრიზის
რელიეფი საკმაოდ სერიოზულადაა დაზიანებული. მიუხე-
დავად ამისა, მასზე კარგად ჩანს პროფილში გამოკვეთი-
ლი თარხუნთის სახე და ხელ-ფეხი. სხეული ფრონტალურ-
რადიაა წარმოდგენილი. ფიგურა მარჯვნიდან მარცხნისკე-
ნაა ორიენტირებული. თავზე მას წვეტიანი ქული ახურავს,
თმა კისრამდე აქვს ჩამოშლილი, ხოლო წვერი მკერდამდე
წვდება. ფეხები გაშლილი აქვს და ზედ ჭვინტიანი ფეხ-
საცმელი აცვია. ღვთაება მუხლამდე კაბით არის შემოსი-
ლი, წელზე სარტყელი აკრავს. მას მარცხენა ხელში თავ-
თაგების შეკრული ძნა უჭირავს, რომელიც ერთმანეთის
პარალელურად ქვემოთ, მარცხენა ფეხის ტერფამდე სწო-
რადიაა დაშვებული. მარჯვენა მხარეს კი ყურძნის მტკვნე-
ბიანი ღერწამი მხარზეა ჩამოკიდებული, რაც მოსავლის
აღებას უნდა ნიშნავდეს. ღვთაება თარხუნთს მარცხენა
იდაყვთან სპირალის ფორმის ღარებიანი საგანი უკან, სარ-

ტყელში აქვს ჩასმული, რომლის ვადა ჩიტის (არწივის) თავს წააგავს⁶.

მკვლევართა ერთი ნაწილი (რ. ბარნეტი, მ. კრემერი) ამ ელემენტს ხმლის ვადასთან აიგივებდა⁷. შემდგომში მ. ჩაჰინმა შემოხსენებული იარაღის დეტალის ახლებური ინტერპრეტაცია შემოგვთავაზა. მისი მართებული დაკვირვებით, ეს მჭრელი იარაღი ნამგალი უნდა იყოს, რომელიც ნაყოფიერების ღვთაებისათვის სავსებით ბუნებრივი ატრიბუტია, მითუმეტეს, რომ სხვა წინააზიურ ღვთაებათა რელიეფურ გამოსახულებებზე ნამგალი, როგორც ნაყოფიერების სიმბოლო არაერთგზის მოწმდება (იშთარის ტაძარი, იაზილიქაიას კლდეზე ნაკვეთი ღვთაებები, ბაბილონი და სხვ.).

აქვე შემდეგსაც დავძენთ: მართალია, წინააზიურ ღვთაებათა, მეფეთა და მეომართა გამოსახულებებისათვის ხმალი, როგორც ძალაუფლების სიმბოლო უცხო არ არის, ჩვენთვის საინტერესო შემთხვევაში საქმე სხვა ვითარებასთან უნდა გვექონდეს. კერძოდ, გასათვალისწინებელია, რომ ხმლის ვადასთან იდენტიფიცირებული ჩიტის ნისკარტის ფორმის დეტალი მჭრელი მხართაა ამოტრიალებული, რაც სავსებით გამორიცხავს ხმლის სახით მის პრაქტიკულ გამოყენებას⁸.

იმაზე, რომ ნაყოფიერების ღვთაება თარხუნთის ერთ-ერთი ატრიბუტი სწორედ ნამგალი უნდა ყოფილიყო და არა ხმალი, ჩვენი აზრით, ამინდის ღვთაებისადმი მიძღვნილი ნამგლის დღესასწაულის ამსახველი ხეთური ლურსმული ტექსტებიც უნდა მიუთითებდეს⁹. საყურადღებო ისიცაა, რომ ეგვიპტის აკლდამებში მოსაველის აღებისა და მკის ამსახველ რიტუალურ სცენებზე სხვადასხვა ფორმის ნამგლის გამოსახულებას არაერთგზის ვხვდებით¹⁰.

ნაყოფიერებისა და უხვმოსაველიანობის მომტანი სამი-

წათმოქმედო იარაღი - ნამგალი საქართველოს ეთნოგრაფიულ სინამდვილეშიც დასტურდება. ახალი წლისა და ხალხური კალენდრის წლიური ციკლის მიხედვით სამი წათმოქმედო სამუშაოები რელიგიური რიტუალების თანხლებით სრულდებოდა. მაგალითად, დასაველეთ საქართველოში (ლენხუმი, ზემო რაჭა, გურია) ახალი წლისათვის სარიტუალო კვერებსა და პურს, ე. წ. ბედისკვერებს აცხობდნენ. მათ სხვადასხვა, მათ შორის ნამგლის ფორმას აძლევდნენ, ან ზედვე გამოსახავდნენ მას და შემდეგ, ამ კვერებით მომავალ მოსავალზე მკითხაობდნენ. მოსავლის აღების შემდეგ მიწათმოქმედნი დღესასწაულებს მართავდნენ. ერთ-ერთი ასეთი დღესასწაული ნამგალდრეკა იყო¹¹.

ჩვენთვის საინტერესო სამიწათმოქმედო იარაღი ნამგალი პ. უმიკაშვილის მიერ შეგროვებულ ქართული ხალხური სიტყვიერების ნიმუშებს შორის არაერთგზის დასტურდება. მაგალითად: „გლესავ და გლესავ, ნამგალო, ნამგალო ჩემო რკინაო, გასჭერ, გამიძეხ წინაო“¹².

ზემოაღნიშნულ ხალხურ სიტყვიერებაში ნამგლის სხვადასხვა ფორმების შესახებ საინტერესო მითითებას ვპოულობთ: „ნამგალას ბიბინაურსა პირი მიუგავს ღულასა“¹³. ამ თვალსაზრისით შემდეგია გასათვალისწინებელი: ცნობილია, რომ სამეურნეო იარაღი ნამგალი მიწათმოქმედებასა და კერძოდ, მარცვლეულ კულტურებს უკავშირდება. ძვ. წ. II და I ათასწლეულებით დათარიღებულ მატერი-ალური კულტურის ძეგლებში მკვლევრები (ბ. კუფტინი, ა. აფაქიძე, ა. ბოხოჩაძე) განასხეავებენ ბრინჯაოს ნამგლების თავისებურ ჯგუფს, ე. წ. ეენახის „სასხლავ ნამგლებს“, რომლებიც იმავე ხანის ნამგლებისაგან ფორმით, ზომითა და სამუშაო ფუნქციით განსხეავეებულია¹⁴.

ივრიზის ანალოგიური გამოსახულებები ერელისა და ქენლიქის სტელებზეც დასტურდება¹⁵.

ღვთაება თარხუნთის ერთ-ერთი გამოსახულება სტელაზე ნიღდეს მუხეუმშია დაცული. აქ ღვთაებას მარცხენა ხელში უცნობი სიმბოლო უკავია, მარჯვენა ხელი, სამწუხაროდ, დაზიანებულია. სხვა მხრივ, ფიგურა ივრიზის, ერელისა და ქენლიქის სტელებზე გამოსახული ღვთაების მსგავსია. აქაც, მარცხენა მხარეს, ცოტა დაშორებით, თავთაების შეკრული ძნა, ხოლო მარჯვნივ ყურძნის მტეფნები ფოთლებითურთ მოწანს. ფიგურა მარცხნისკენ არის მიმართული¹⁶.

მკვლევართა (მ. ჩაპინი, ვ. ბისინგი) ვარაუდით, მაღალი რელიეფზე გამოსახული ამინდის ღვთაება თარხუნთის მსგავსია. ეს რელიეფური ნიმუში ამინდის ღვთაების წინაშე მეფის ლიბაციას (ღვთაებისადმი ღვინის ძღვნად მიერთმევა) წარმოადგენს¹⁷. ღვთაებას თავზე რქიანი ფორმის გვირგვინი აქვს დადგმული, კაბა მუხლამდე წვდება და წელზე სარტყელი აქვს შემოჭერილი, ფეხზე კი ჭვინტიანი ფეხსაცმელი აცვია. აღნიშნულ რელიეფზე ღვთაებას სარტყელში ხმალი უკეთია, მარცხენა ხელით ელვის კონა უჭირავს, ხოლო მარჯვენა ხელი მაღლა აქვს აღმართული და Γ ფორმის საგანი უკავია. ზოგი მკვლევრის (ბ. ორტმანი, ი. აკურგალი, მ. კრემერი) ვარაუდით, იგი ბუმერანგი ან მოღუნული ტოტი უნდა ყოფილიყო¹⁸.

ფლინდერს პეტრის თვალსაზრისით, ეს პრიმიტიული სატყორცნი ჯოხია, რომელიც ეგვიპტეში ჯერ კიდევ I დინასტიის პერიოდის დათარიღებულ იეროგლიფებს შორის დასტურდება, უფრო მეტიც, ეს გამოსახულება XII დინასტიამდე განაგრძობს არსებობას. სირიული ნიმუშები ეგვიპტურისაგან ოდნავ განსხვავდება. მას რიტუალური დანიშნულება უნდა ჰქონოდა და როგორც წანს, სირიაში ეგვიპტიდან შეაღწია¹⁹.

თარხუნთის სკულპტურული გამოსახულება კილიკი-

ის ტავროსიდან ასე წარმოდგება: ღვთაებას მარჯვენა ხელი გულზე აქვს მიდებული. როგორც ჩანს, მას თავზე ქუდი ეხურა. მარცხენა ხელში შეკრული თავთაყების ძნა უჭირავს, რომლის ქვეშ სამსხვერპლო ტაბლა დგას²⁰. ტაბლაზე შესაწირი 2 თხელი პური და ზემოდან მასზე პატარა ზომის 2 მრგვალი პური დევს.

ანალოგიური მონაცემები ხეთურ ტექსტებშიც დასტურდება. ირკვევა, რომ სამსხვერპლო მაგიდაზე, რომელიც ღვთაება ეას ეძღვნებოდა, რიტუალურ საკვებთან და დიდ პურებთან ერთად, რამდენიმე მცირე ზომის ე. წ. *tappinu*-პურებიც ელაგა²¹.

ბ. ხაზარაძის მართებული დაკვირვებით, მსგავსი პარალელები შესაწირ პურებთან დაკავშირებით, ქართულ ეონოგრაფიულ სამეცნიერო ლიტერატურაში მოგვეპოვება. რიტუალურ პურებს, ე. წ. ღემშირებს სვანეთში ქალები ფუძის ანგელოსს სწირავენ. შესაწირ ღემშირებს შორის დიდი „ფუხნე მეღვ“ დასტურდება, რომელზედაც (ხეთების მსგავსად), პატარა ღემშირებს (*tappinu*-პურები?) აწყობდნენ²².

მალატია X-ის, ადიამან I-ისა და ადიამან II-ის თეთრ კირქვიან სტელებზე ღვთაება თარხუნთი ხარზე შემდგარია გამოსახული. წარწერებში იგი ჭექა-ქუხილის ღვთაებას განსახიერებს. მალატია X მსხვერპლშეწირვის სცენას გამოხატავს. აქ ღვთაება მარცხნივ დგას, მის უკან ხარია, ხოლო წინ – მეფე სულუმალია ხელში ტიარით წარმოდგენილი²³.

სავარაუდოა, რომ ღვთაება მონაწილეობს პირველი მოსაეღლის აღებაში. სიმბოლურად ჭრის თავთაყიან ძნას, ან შესაძლოა, ამ დავალებას მეფეს გადასცემს. აქედან გამომდინარე, მალატიის რელიეფებზე ღვთაება თარხუნთი ჭექა-ქუხილის, მიწათმოქმედებისა და ნაყოფიერების ფუნქციების მატარებლად იწოდება.

იეროგლიფურ-ლუვიური წარწერების მონაცემები გვიჩვენებს, რომ გვიანხეთური ხანის კაპადოკიის რელიგიურ სისტემაში ერთ-ერთი მნიშვნელოვანი ადგილი ლუვიურ ღვთაება რუვას ეკავა. მის მოხსენიებას ძვ. წ. I ათასწლეულის პირველი ნახევრის წერილობით ძეგლებში (ბულდარ-მადენი, ბოღჩა, მარაშ I, გურუნი, პალანგა, ქოთუკალე, მალატია V, მალატია VIII, მალატია XIII, სირზი, ანქოზ I) ეხედებით²⁴.

ზემოხსენებულ ეპიგრაფიკულ ძეგლებში ღვთაება თარხუნთან ერთად სხვა ღვთაებებიცაა მოხსენიებული: ღვთაება თარხუნთი, ქალღმერთი ქუბაბა, ხარანის მთვარის ღვთაება, ქალღმერთი ხეფათი, შარუმა და მ'ხის ღვთაება.

იეროგლიფურ-ლუვიურ წარწერებში ღვთაება რუვას სახელწოდება, ისევე როგორც ღვთაება თარხუნთის სახელი, ფონეტიკური დამატებებითაა გადმოცემული: ^DRUWA-ti-a-s, ^DRUWA-i-s, ^DRUWA-a-s, ^DRUWA-ti, ^DRUWA-a-n, რაც ღვთაების სახელის ფუძის ბგერით შემადგენლობაზე მიუთითებს²⁵.

თაბალის ტერიტორიაზე აღმოჩენილ იეროგლიფურ-ლუვიურ წარწერებში ღვთაება რუვა (RUWANTI) თარხუნთისა და ქალღმერთ ქუბაბასთან ერთად ფიგურირებს. იგი (რუვა) თარხუნაზის (სარგონ II-ის დროს მალატიის მეფისა და ასურეთის ვასალის) მფარველად ჩანს. ბოღჩას ქვის პრიზმაზე შესრულებულ წარწერაში, რომელიც ახლა კაისერის მუზეუმში ინახება, Kurtjia (რომელიც „დასავლეთსა და აღმოსავლეთში პატივცემული იყო“) შესაწირს ჯერ ღვთაება თარხუნთს, შემდეგ კი ღვთაება რუვას მიართმევდა. როგორც წარწერიდან ჩანს, მმართველთა ხანგრძლივ ხელისუფლებას ქვეყანაში სწორედ ეს ღვთაებები უზრუნველყოფდნენ²⁶.

ლომის ფიგურის ერთ მხარეს შესრულებული წარწერა გურგუმის მეფის გენეალოგიასთან ერთად გვამცნობს, რომ ხალფარუნცია (Halfaruntija) ქვეყნის მსაჯულად ღვთაება რუვას „დაუდგენია“ და „მემკვიდრეობით ხელისუფლება ამავე ღვთაებისგან მიუღია“²⁷.

მალატიის წარწერებში ღვთაება რუვა წამყვანი ღვთაებების გვერდით არაერთგზის მოიხსენიება. ირკვევა, რომ მათ (თარხუნთი, ხეფათი, შარუმა, რუვა, და მზის ღვთაება) მალატიის მეფე სულუმალი განსაკუთრებით განადიდებდა და თაყვანსცემდა.

დაახლოებით იგივეს იმეორებს სირხის წარწერის ავტორი, მალატიის მეფე Sutiruwa(nta). წარწერაში ნათქვამია, რომ რუვა ღვთაების საყვარელი მსახურია და ძალაუფლება მას ღვთაება რუვამ გადასცა²⁸.

ღვთაება რუვას ფუნქციებზე კვლავ გვიანხეთური ხანის ეპიგრაფიკული ძეგლების მონაცემებით შეგვიძლია ვიმსჯელოთ. მალატიაში აღმოჩენილი ირემსა და ლომზე ნადირობის, მსხვერპლშეწირვის სცენების რელიეფურ გამოსახულებებს, იეროგლიფურ-ლუვიური წარწერები ახლავს. წარწერაში მალატიის მეფე Halpa-X-ის, Mar-X-ის, სულუმალისა და მისი ვაჟის - Šuwarni-ის ძღვეამოსილი ნადირობის შესახებაა მოთხრობილი. წარწერის ნაწილი დაზიანებულია, ამდენად, შეიძლება ვივარაუდოთ ღვთაება რუვას მოხსენიება²⁹. საფიქრებელია, რომ ირემი და ლომი ამ შემთხვევაში რუვას აღნიშნავენ.

სამეცნიერო ლიტერატურაში გაზიარებულია გიუტერბოკის მოსაზრება, რომ რუვას ლურსმულ დამწერლობაში იდუგოგრამა ^DLAMA შეესატყვისება³⁰, რაც ირმის ღვთაებას აღნიშნავს.

ღვთაების გამოსახულება პანთეონის წამყვან ღვთაებებთან ერთად მაღალტიაში აღმოჩენილ ქვის სტელაზეა შემორჩენილი: მაგალითად, მარცხნივ ამინდის ღვთაება ლომზე დგას, იქვეა მაღალზურგიან სკამზე მჯდარი ქალღმერთი, მას ფეხები ტაბურეტზე აქვს შედგმული, ტაბურეტი კი ხარზე დგას. ქალღმერთს მარჯვენა ხელში სარკე უჭირავს, მარცხენა კი მკერდთან ახლოს აქვს მიდებული. მისი სამოსი მსგავსებას იაზილიქაიას ქალღმერთთან და ქარხემიშის ქუბაბასთან ამჟღავნებს. ამინდის ღვთაებასთან ჭექა-ქუხილის ნიშანია გამოსახული. ფიგურათა ზემოთ ფრთიანი მზის დისკო ჩანს. სტელის ორივე მხარეს შემორჩენილია წარწერის კვალი: ქალღმერთის მხარეს KUBABA იკითხება, მკვლევარმა მ. ვიეირმა ღვთაების მეორე მხარეს სახელი RUTA ამოიკითხა³¹.

ღვთაება რუვა მაღალტიაში აღმოჩენილ ქვის სტელაზე ორ ირემთან ერთადაა გამოსახული. აქ, მას გრძელ კაბაში გამოწყობილი მეფე ზედაშეს წირავს.

იეროგლიფურ-ლუვიურ წარწერებში ღვთაება რუვა სხვადასხვა ეპითეტით მოიხსენიება. სირზის წარწერაში მეფე Sutiruwanta მას „მთის ღვთაება რუვას“ უწოდებს. გვეს წარწერაში კი, რუვას მზის აღმნიშვნელი იდეოგრაფმა UTU ახლავს³², რაც „მზის ღვთაება რუვას ნიშნავს“.

ამ მხრივ, საინტერესოა მდ. ყარასუსთან (ზემო ეფრატი) კლდის რელიეფზე აღმოჩენილი მონუმენტური გამოსახულება, სადაც ნათლად ჩანს ირმის, ხელაღმართული მამაკაცის და ზემოთ, თავზე ფრთოსანი მზის დისკოს ფიგურები. იეროგლიფები არ აღმოჩნდა. მამაკაცის ფიგურა ირემზე დგას, ისინი მარცხნივ არიან ორიენტირებული. მას ერთ ხელში ხმალი და მშვილდი უჭირავს, მეორეში კი (მარჯვენა ხელში) – შუბი.

ეს ფიგურა გაიგივებულია ირმის ღვთაება რუნთასთან, რომელიც ნადირობისა და ცხოველთა დამცველ ღვთაებად წარმოდგება. იგი გვიანხეთური ხანის მონუმენტებზე არაერთგზის დასტურდება (Haci Bebekli კუმუხი, Sakçagozu მარაშის ვილაიეთი). ბასალტის ეს ორთოსტატები თითქმის ერთმანეთის იდენტურია: ღვთაება, ფრთოსანი მწის დისკო, ირემი. ორივე რელიეფზე ღვთაებას ხმალი ქარქაშში აქვს ჩასმული, მარჯვენა მკლავზე მშვილდია ჩამოკიდებული, მარცხენაში კი, მკედარი ცხოველი უჭირავს, რომელიც მკვლევარმა ჯ. გარსტანგმა კურდღელს მიამსგავსა³³.

ასე რომ, ^DLAMA გვიანხეთური ხანის სამთავროების-კუმუხის, გურგუმის, მაღატიის ერთ-ერთი წამყვანი ღვთაებაა, რადგან იეროგლიფურ-ლუვიური წარწერების მონაცემებით იგი ყოველთვის წამყვან ღვთაებებთან ერთად მოიხსენიება როგორც დამცველი, მხსნელი. სირზის წარწერაში ღვთაება რუვა თავის სიძლიერით ქაღღმერთ ქუბაბას უთანაბრდება.

ღვთაების ანალოგიური ატრიბუტები ხეთურ კერპთა აღწერილობაში მოგვეპოვება. ესაა დასახლება ვიანაუვანთას ველ-მინდერის მფარველი ღვთაება ირემზე მდგარი მამაკაცის ოქროს ქანდაკება, მარჯვენა ხელში მას ოქროს მშვილდი უჭირავს, მარცხენაში ოქროს არწივი და კურდღელი, აქვს ოქროს ხმალი³⁴. ძნელი წარმოსადგენია, არის თუ არა იგი ღვთაება რუვა. ისიც გასათვალისწინებელია, რომ კუმუხის პანთეონი ღვთაებათა სიმრავლით გამოირჩეოდა: აქ, ქვეყნების, ქალაქების, მინდერების მრავალრიცხოვანი დამცველი ღვთაებები არსებობდა.

მდინარე ყარასუსთან, კლდის რელიეფზე, მახლობლად მრავალრიცხოვანი ღრმეულები აღმოჩნდა. მათ სარიტუალო ფუნქციები ჰქონდათ. სავარაუდოდ, მათ ამავე მო-

ნუქმენტზე გამოსახული ირმის ღვთაებისადმი ლიბაციის შესასრულებლად იყენებდნენ როგორც სათავსო ჭურჭელს (რეზერვუარს) სითხისათვის.

აღსანიშნავია, რომ მსგავსი ღრმულები დ. უსიშკინმა ფირაქტინსა და სირკელშიც დაადასტურა³⁵.

ზემოაღნიშნული მატერიალური ძეგლის ნაშთი, ვფიქრობ, ღვთაებისადმი ზედაშეს შეწირვის ნათელი მოწმობაა, რის შესახებაც მაღალტიის ეპიგრაფიკულ ძეგლზე შესრულებული იეროგლიფურ-ლუვიური წარწერა გვამცნობს.

ღვთაება რუვას პოპულარობაზე იეროგლიფურ-ლუვიურ წარწერებში მოხსენიებული რუვა კომპონენტიათი თეოფორული სახელები უნდა მიუთითებდეს, რომლებიც საზოგადოების მაღალი ფენის წარმომადგენელთა (ძირითადად მამაკაცების) საკუთარი სახელების სახითაა ჩვენამდე მოღწეული: Halparuntija, Halparuwatija, Halpa-pa-RUWAti-a-s, Hila-RUWA-(nta), Wala-ruwa(nta), Sutiruwa(nta)³⁶.

ნადირობისა და ცხოველთა მფარველი ლუვიურ ღვთაება რუვას ზოგად მსგავსებას კავკასიელთა რწმენა-წარმოდგენებშიც ვხვდებით. აქაც ნადირთ ღვთაება თავისი ბუნებით ზოომორფულია. იგი ირემი, ჯიხვი ან ნიამორია. ქართულ ფოლკლორში ჩვენთვის საინტერესო ირემი ზებუნებრივი ნიჭის მატარებელი და ღვთაების სამყაროსთან დაკავშირებული არსებაა. მას დანარჩენი ნადირისაგან რაიმე ნიშანი განასხვავებს (ნიშანი შუბლზე, ოქროს რქები, ამობრუნებული რქა)³⁷. ანუ ამ ცხოველის განსაკუთრებულ, ზებუნებრივ თვისებებზე მიუთითებს. ეთნოგრაფიული და ფოლკლორული მასალა გვიჩვენებს, რომ ირემი აღორძინების ძალების განმასახიერებელი ღვთაების მხლებელი ცხოველი და მისი პროტოტიპია. მისი სადგომი მაღალი მთაა. სვანეთსა და რაჭაში ნადირთ ღვთაების სადგომიც კლდეს უკავშირდება³⁸. ამდენად, შემთხვევითი არ უნდა იყ-

ოს ერთ-ერთ იეროგლიფურ-ლუვიურ წარწერაში რუგას მთის ღვთაებად მოხსენიება.

ქართულ ფოლკლორში (ხეკსურეთი) ნადირობისა და ცხოველთა მფარველი მამაკაცი - ანატორი დასტურდება, ასევე, ნადირთა მფარველად ქალღმერთი დალი ფიგურირებს, რომელიც დასაყვედურ საქართველოს მთასთან არის დაკავშირებული.³⁹

უხენაეს ღვთაება თარხუნთან ერთად იეროგლიფურ-ლუვიურ წარწერებში არაერთგზის ღვთაება ქუბაბაც იხსენიება, რომელსაც ხშირად ანტიკურ სამყაროში კარგად ცნობილ კიბელე-კიბელას წინამორბედ ძველადმოსავლურ ქალღვთაებად მიიჩნევენ.⁴⁰

1981 წელს ჯ. ჰოეკინსმა სპეციალური სტატია მიუძღვნა ამ ღვთაებას, თავი მოუყარა რა თითქმის ყველა იეროგლიფურ-ლუვიურ ტექსტს, სადაც იგი იხსენიება. ირკვევა, რომ ქუბაბას სახელწოდება ყველაზე ხშირად გვიანხეთური ხანის ქარხემიშის (ჩრდილოეთ სირია) მეფეთა წარწერებში მოწმდება, თუმცა მას სხვა გვიანხეთური სამეფოსამთავროებიც იცნობენ (ალეპოს, კაისერის, ანქოზის, ბაბილონის, ბოიბეიპინარის, ბულღარ-მადენის, ჩიფლიქის, ყარაბურუნის, კულულუს, მაღატის, სულთანხანის, თელ-ახმარის იეროგლიფურ-ლუვიური წარწერები).⁴¹

ქალღვთაება ქუბაბას, ისევე როგორც თარხუნთს, იეროგლიფურ-ლუვიური წარწერების ავტორები (მეფეები, მათი ქვეშევრდომები) ორ სხვადასხვა კონტექსტში მოიხსენიებენ: წარწერების შესავალ ნაწილში, ტიტულატურა-გენეალოგიასთან მჭიდრო კავშირში და დასკვნით ნაწილში, ე. წ. კრულვის ფორმულის წარმოთქმისას. ამჯერად ყურადღებას იმ ტექსტებზე გავამახვილებთ, სადაც ქუბაბას განსაკუთრებული მნიშვნელობა ენიჭება. ამ თვალსაზრისით, ქარხემიშის მეფეთა, მმართველთა და მათ ქვე-

შევრდომთა წარწერები განსაკუთრებულ ყურადღებას იმსახურებს.

ქუბაბა, ისევე როგორც თარხუნთი, გავრცელებული რწმენა-წარმოდგენების თანახმად, ყოველმხრივ იცავდა გაბატონებული წრის, წარწერების ავტორების ნამოდგა-წარსა და მათ უფლებებს (Karkamiš 31/32, 11a, 2-3, 6; 14b, 4-5; 40-12 3; 25-b2, 1-2 და სხვა).

ქალღმერთ ქუბაბას თაყვანისცემის გავრცელების არეალს თაბალიც წარმოადგენდა. ბულღარ-მადენის ერთ-ერთ წარწერაში თუენას მეფე ვარპალავას ვასალი თარხუნაზი წარწერის პოტენციური დამზიანებლის დასასჯელად, სხვა ღვთაებებთან ერთად, ქალღმერთ ქუბაბასაც მოუხმობს. სულთანხანის წარწერა გვამცნობს, რომ ქალღმერთი ქუბაბა ბოროტმოქმედებს ხარანის მთეარის ღვთაებისა და ღვთაება Ataha-ს მსგავსად „წყევლის და სჯის“. კაისერის წარწერაში კი ნათქვამია, რომ თაბალის მეფე ვასურმეს ჩვენთვის უცნობ ვასალს, რომელიღაც ღვთაებისათვის „tatala აუმაღლებია“, მაგრამ, ამავე დროს, ღვთაება თარხუნთის ქანდაკება მნიშვნელოვნად დაუზიანებია (წარწერის მოწმობით, მას ღვთაების თავი კისერთან ნაჯახით დაუმსხვრევია). ამგვარი მოქმედებისათვის ღვთაება Maruwa-ს და ქალღმერთ ქუბაბას ბოროტმოქმედი „ძირს დაუნარცხებიათ“.

ჩვენთვის საინტერესო ქალღმერთის ძლიერებაზე ანქოზში აღმოჩენილი იეროგლიფურ-ლუვიური წარწერაც მიუთითებს. ტექსტის მოწმობით, ღვთაება რუვა, როგორც მხსნელი, ქუბაბას მსგავსი ყოფილა. ბოიბეიპინარში ქვის ლოდზე შემორჩენილ იეროგლიფურ-ლუვიურ წარწერაში კატეგორიულადაა აღნიშნული: „თუ ვინმე პანამუეათის სა-

ხელს გადაშლის, ეშინოდეს, რადგან..., დედოფალს ქუბაბა-სავეთ ძლიერი განრისხება შეუძლია“.

ყარაბურნას კლდეზე შესრულებულ წარწერაში ქალღმერთი ქუბაბა ხარანის მთვარის ღვთაებასთან ერთად, მეფე Sipis-სსა და Sipis Nis ვაჟს შორის დადებული ხელშეკრულების გარანტიად წარმოგვიდგება. წარწერის დასკვნით ნაწილში იგივე ღვთაებები ამ ხელშეკრულების ამსახველი ეპიგრაფიკული ძეგლის შეურაცხმყოფელის დამსჯელებად გვევლინებიან.

ქალღმერთი ქუბაბა არა მხოლოდ ხელშეკრულების დაცვის გარანტი, მისნელი და დამცველია, არამედ გვეს წარწერის მიხედვით, ის ნაყოფიერების მომტანიცაა.

ქუბაბა ქარხემიშისა და აღმოსავლეთ ანატოლიის სხვა მეფე-მთავართა წარწერებში ხშირად თარხუნთთან, ქარხუხასთან, სანთასთან, ეასთან და რუნთასთან ერთად მოიხსენიება. ქათუვასი, ქარხემიშის მბრძანებელი, კარის საკეტის (?) ერთ-ერთ წარწერაში გვამცნობს, რომ იგი „ქარხუხას და ქუბაბას პროცესიის თვითმხილველი გამხდარა“.

საინტერესოა ჩიფლიქისა და კულულუს წარწერები, სადაც ღვთაებები მეუღლეებითურთ არიან წარმოდგენილი. ჩვენთვის საინტერესო ქალღმერთი ეასთანაა დაკავშირებული, თარხუნაზი-ხეფათთან, ხარანელი მთვარის ღვთაება-მისესთან, ხარანელი შარუმა-ალასუეასთან და ა. შ.

* იეროგლიფურ-ლუვიურ ტექსტში მოხსენიებული ორი ღვთაების პროცესიასთან დაკავშირებით მეტად მნიშვნელოვანია ლუკრეციუსის მიერ აღწერილი, რომში გამართული პროცესია, იდის დედას (ანუ კიბელას) რომ ეძღვნებოდა, რომელიც ქალაქების დამცველად და მიწის ნაყოფთა მიმცემის ქალღმერთად მოიაზრებოდა (Luc II 600-643).

ყველა უკვე ნახსენები გვიანხეთური ხანის მეფე-მთავარი და მათი ქვეშევრდომი ერთხმად მიუთითებს მათდამი ქუბაბას სიყვარულზე და ამ ქალღვთაებისგან მიღებულ მხარდაჭერაზე. ასე, მაგალითად, ქათუეასი არაერთგზის აღნიშნავს, რომ „მის ბატონებს – თარხუნთს, ქარხუხას და ქუბაბას იგი სამართლიანობის გამო უყვართ და მხარს უჭერენ (Karkamiš, A11 B3-c4, შდრ. იქვე, A12, 2). იგივეს აღნიშნავს სოსტურას ვაჟი („მე [ვარ]... გმირი, ქარხემიშის ქვეყნის მბრძანებელი... იარირისი, მბრძანებელი, უფლისწული, თარხუნთის, ქუბაბას, ქარხუხას და მზის ღვთაებათა მიერ შეყვარებული...“ (Karkamiš A 15B 1-2).

სამწუხაროდ, არც ქარხემიშსა და არც მის ფარგლებს გარეთ ქალღმერთის სახელზე აგებული ტაძრების ნაშთებმა ჩვენამდე ვერ მოაღწია. მაგრამ იეროგლიფურ-ლუვიური წარწერები არაერთგზის გვამცნობს ქარხემიშში ქუბაბას სახელზე ტაძრების აგების შესახებ. იგივე ქათუეასი აცხადებს, რომ მან ქარხემიშში ქუბაბას სახელი „აღადგინა“, ააგო მისი სახელობის ტაძარი და უზრუნველყო იგი შესაწირაით. დაახლოებით იგივეა ნათქვამი ქათუეასის სხვა წარწერებში. მეფე აცხადებს: „მე (ვარ) ქათუეასი, ქარხემიშის ქვეყნის მეუფე, ღვთაებათა მიერ შეყვარებული... [მე] ჩემმა ქალბატონმა ქუბაბამ, ქარხემიშის დედოფალმა, ქვეყნის მიერ ამადლებულმა (?) (განმადიდა). ყოველთვის მეხმარებოდა ხელში ჩამეგდო მტრები, მაგრამ მტრებთან არ გამცემდა. ეს (შენობები) ფუფუნებით (აღვაკესე) და მისთვის ავაგე, აღვადგინე ქუბაბა, ქარხემიშის დედოფალი.“

ქარხემიშის მეფე იარირისიც ღოცულობს ქუბაბას სახელზე და მას თავის „სიყვარულს უძღვნის“. იარირისის ქვეშევრდომს (ვასალს) ქამანას ქუბაბას გამოსახულებითა და მისდამი მიძღვნილი წარწერით დამშვენებული სტელა

აღუმართავს. წარწერაში ნათქვამია: „ქუბაბას ტაძარი ავა-
გე... ქუბაბასათვის, ქარხეშიშის დედოფლისათვის, მე ქამა-
ნასმა, მბრძანებელმა, [ტაძართან] მიწის ნაკვეთი გამოფ-
ყავი.“ ისიც ირკვევა, რომ სოსტურას სტელაზე ქუბაბას
გამოსახულება გაუკეთებია და ა. შ.

მალატიაში აღმოჩენილი ქვის მცირე ზომის სტელაზე
ქუბაბას სახელი კვლავ ღვთაება რუნთასთან ერთადაა
მოხსენიებული, რაც აღნიშნულ ტერიტორიაზე ქალღმერთ
ქუბაბას პოპულარობაზე უნდა მიუთითებდეს. წვენამდე
მოდწეული ქალღმერთ ქუბაბას გამოსახულება გვიანხეთუ-
რი ხანის პანთეონის წამყვან ღვთაებებთან ერთად სწო-
რედ მალატიაშია ნაპოვნი. სტელაზე, მარცხენა მხარეს,
ამინდის ღვთაება ღომზე დგას, იქვეა მაღალზურგიან
სკამზე მჯდარი ქალღმერთის გამოსახულება. მას ფეხები
ტაბურეტზე აქვს შედგმილი, ტაბურეტი ხარზე დგას. ქალ-
ღმერთს მარჯვენა ხელში სარკე უჭირავს, მარცხენა მკერ-
დთან ახლოს აქვს მიდებული. მისი სამოსი მსგავსებას
იაზილიქაიას ქალღმერთთან და ქარხეშიშის ქუბაბასთან
ამჟღავნებს. ამინდის ღვთაებასთან ჭექა-ქუხილის ნიშანია
გამოსახული. ფიგურათა ზემოთ ფრთიანი მზის დისკო მო-
ნანს. სტელის ორივე მხარეს წარწერის კვალია შემორჩე-
ნილი: ქალღმერთის მხარეს KUBABA იკითხება. მ. ვეიერმა
ღვთაების მეორე მხარეს სახელი RUTA ამოიკითხა.

წვენამდე ბაზალტის ერთმა სტელამაც მოაღწია. იგი
ნიღდეს მუზეუმში ინახება. სტელაზე ტახტზე მჯდომი ქუ-
ბაბას და მის გვერდით ქალღმერთის წმინდა ცხოველის –
წამოწოლილი ღომის გამოსახულებებია აღბეჭდილი. სტე-
ლა ძვ. წ. VIII საუკუნით თარიღდება. ირკვევა, რომ ქალ-
ღმერთის ატრიბუტად ძაღლსაც მიიჩნევდნენ. კულულუს
წარწერაში აღნიშნულია: „ქუბაბას ძაღლი HASAMI, თუვა-
თის AMURA-ს გამოეკიდოს და შეჭამოს კიდეც“.

ქალღმერთი ქუბაბა ანქოზში აღმოჩენილ რელიეფზე ცაა გამოსახული. ის ტახტზე ზის და პროფილშია წარმოდგენილი. წელზე ექვსი ფონით დამშვენებული ქამარი უკეთია. სამაჯურზე მედალიონი მონანს. მარცხენა ხელში თითისტარი უჭირავს. ფიგურა მსგავსებას ქარხემიშისა და მალატიის რელიეფებთან ამჟღავნებს. შესაძლოა, აღნიშნული თითისტარი როგორც ქალღვთაების ატრიბუტი, საკრალური მნიშვნელობის იყოს, ან ქალღვთაების საოჯახო საქმიანობის – რთვისა და ქსოვის მფარველობის ფუნქციაზე მიგვანიშნებდეს.

ქარხემიშის იეროგლიფურ-ლუვიური წარწერების ავტორები ქუბაბას „ქალბატონს“ და „ქარხემიშის დედოფალს“ უწოდებენ. ე. პორადას მიერ ძვ.წ. VIII ს-ით დათარიღებულ ერთ-ერთ საბეჭდავზე ქუბაბა nawaralis-ის ეპითეტით მოიხსენიება*. ჯ. პოეკინსის ვარაუდით, ქუბაბა ქარხემიშის გარეთ, ხეთური სამყაროს მიერ უცხო ღვთაების სახით იყო შეთვისებული.

როგორც იეროგლიფურ-ლუვიური წარწერებიდან და მონუმენტურ ქანდაკებებზე დატანილი გამოსახულებებიდან ირკვევა, ქუბაბას ძღვენის სახით „წმინდა სანუქრებს“ მიართმევდნენ, რომელთაც სამსხვერპლო ტაბლაზე ათავსებდნენ. ქუბაბას ყოველწლიურად თითო ხარსა და ცხვარს, მათთან ერთად პურსაც სწირავდნენ. ქარხემიშის მეფე ქათუვასის მოწმობით: „ქარხუხას (სწირავენ) ერთ ხარს და ერთ ცხვარს, ქუბაბას ერთ ხარს და ერთ ცხვარს, Sarkus-

* იეროგლიფურ-ლუვიურში warali „საკუთარს“ ნიშნავს, ხოლო niwarali მისი უარყოფითი ფორმაა და შესაბამისად „არასაკუთარს“ აღნიშნავს. nawarali, ამ შემთხვევაში niwarali-ს ფონეტიკური ან ორთოგრაფიული ვარიანტია. ჯ. პოეკინსი nawarali-ს თარგმნის – foreign (უცხო, უცხოელი).

ერთ ხარს და KUTUPI-ის, მამაკაც ღვთაებებს ერთ ცხვარს და ქალღვთაებებს [ერთ ცხვარს]”.

ქუბაბასათვის შესაწირავზე ქუმუხის ერთ-ერთი დედოფლის იეროგლიფურ-ლუვიური წარწერებიც მოგვითხრობს, სადაც აღნიშნულია პანამუეათისის, მეფე სუფილულიუმას (ძვ.წ. 803-773 წწ.) მეუღლის მიერ ქუბაბასათვის ტახტრევანისა და შეწირულებისათვის განკუთვნილი მაგიდის მიძღვნის შესახებ.

ქუბაბას და კიბელას გამოსახულებები დიდ ურთიერთმსგავსებას ავლენს: ორივე ეს ღვთაება ტახტრევანზე ზის ორ ღომს შორის. ვ. ივანოვის თვალსაზრისის თანახმად, ქუბაბა (და მოგვიანებით – კიბელა) ნაყოფიერების კულტის ძველ მცირეაზიურ იმ ტრადიციებს აგრძელებენ, რომლებიც სათავეს ჩათალ-ჰუიუქის (ძვ. წ. VI ათწლეული) კულტურაში იღებენ⁴².

იეროგლიფურ-ლუვიურ ღვთაებათა წარმომადგენელია Santa „მეფე“. იგი ძვ. წ. II-I ათასწლეულების ფირფიტებსა და საბეჭდავებზე არაერთგზისაა დამოწმებული. სანტას უძველესი მოხსენიება ძველასურულ საეაჭრო კოლონიების დროინდელ ფირფიტაზე დასტურდება. ხეთების დროს, მას თაყვანს ქიცუვათნას ქალაქებში (კილიკია და კომაგენე) სცემდნენ, რასაც Zarpia-ს (ქიცუვათნას მკურნალი) რიტუალის ჩანაწერიდან ვიგებთ⁴³.

ლუვიურ ქიცუვათნასთან (კილიკია) ახლო გეოგრაფიული მდებარეობის გამო აღმოსავლეთი კაპადოკია წარმომადგენდა იმ რეგიონს, რომელშიც საუკუნეთა მანძილზე ინტენსიურად უნდა განხორციელებულიყო ხეთურ-ლუვიური ეთნო-კულტურული კონტაქტები. მრავალწლიანი კვლევა-ძიების შედეგად ცნობილი გახდა, რომ ხეთურ სამყაროში ლუვიურის ერთ-ერთი ძლიერი ნაკადი სწორედ ქიცუვათნა-კილიკიიდან მოდიოდა. ამის საუკეთესო მოწმობაა

მდ. ჰალისის (დღევ. ყიზილ-ირმაკი) აუზში იეროგლიფურ-ლუვიური დამწერლობისა და ეპიგრაფიკული ძეგლების აღრეულ ხანაშივე გამოჩენა, ღვთაებათა პანთეონის გაბატონებული მდგომარეობა და ასახვა⁴⁴.

ხეოური ტექსტების თანახმად, სანტა დამცველი ღვთაებაა, გაიგივებულია მარდუქთან და იმავე ტექსტებში სახელი სანტა მარდუქის ლოგოგრამით იწერებოდა. კულულუს წარწერებში ის მიწისქვეშა სამყაროს ღვთაებაა, ზარპუას რიტუალში იგი სასიკვდილო ავადმყოფობების ღვთაებად ჩანს. სანტა, ამ მხრივ, ძველშუამდინარულ მიწისქვეშა ღვთაება ირასთან სიახლოვეს ამუღავნებს. ამ შემთხვევაში ორივე ღვთაება ომისა და უამიანობის ფუნქციების მატარებლად წარმოდგება.

სანტას გამოსახულება ასურულ ცილინდრულ საბეჭდავზე და სინაქერიბის მეფობის დროინდელ მალტის კლდის რელიეფზეა აღბეჭდილი. ცილინდრული საბეჭდავი ძვ. წ. 709წ. თარიღდება. ორივე ნიმუშზე ღვთაება ვერძზე (რქიანი ცხოველი მოკლე ფეხებითა და გრძელი ტანით) დგას. სანტას გრძელი კაბა აცვია, თავზე დისკო მოჩანს. მის ატრიბუტს მშვილდ-ისარი წარმოადგენს.

სანტას კულტმა (ასურულად სანდა) ძველი საბერძნეთის პერიოდამდე იარსება და შემდეგ ტარსუსში გადაინაცვლა⁴⁵.

იეროგლიფურ-ლუვიურ წარწერებში ხურიტული ღვთაებები შარუმა, ქალღვთაება ხეფათი და იშთარი არაერთგზის მოიხსენიება.

ტოპადას წარწერის ავტორი თაბალის მეფე ვასურმე გვამცნობს: „ჩემი უფალი თარხუნთი, აგრეთვე შარუმა, X და V... წინ მიმიძღვიან“. აქვე ისიცაა ნათქვამი, რომ მათ ხელისუფლება უწყალობეს⁴⁶. მალატიის მმართველი სულუმალი "დიდ ღვთაებებს" მიმართავს, მათ შორის კი,

ქალღვთაება ხეფათსა და ღვთაება შარუმას. ტექსტის თანახმად, მეფე სწორედ მათ განაღდიდებს.

სამწუხაროდ, ჯერჯერობით, მათი გამოსახულებები არ მოგვეპოვება. არც მათი ტაძრების ნაშთებმა მოაღწიეს ჩვენამდე და არც მათთვის შესაწირაის შესახებ ვიცით რამე.

როგორც ცნობილია, ხეთური პანთეონი ხურიტიზებული იყო. ამინდის ღვთაება თეშუბია, ხოლო მის მეუღლესთან, არინას მზის ქალღმერთთან თეშუბის ცოლი ხეფათი გაიგივდა. მათი შვილი შარუმა კი, ნერიქისა და ციფალანდას ჭეკა-ქუხილის ღვთაებებთან (ტაროსისა და არინას მზის ქალღმერთის შვილებთან) ასოცირდება⁴⁷. მალატია VII-ის სტელაზე შარუმა „მთის მეფის“ ეპითეტით მოიხსენიება.

გვიანხეთური ხანის თაბალის ტერიტორიაზე (ჩიფლიქსა და კულულუში) აღმოჩენილ წარწერებში ქალღმერთ ხეფათის მეუღლედ უზენაესი ღვთაება თარხუნთია წარმოდგენილი⁴⁸. ვფიქრობ, ეს წარწერა ხეთური პანთეონის გამოძახილია.

გვიანხეთური ხანის პანთეონში ხარანის მთვარის ღვთაებაც ფიგურირებს. ხარანის მთვარის ღვთაება ბულღარ-მადენის, ყარაბურნას, სულთანხანის, კულულუს წარწერებში⁴⁹ წამყვან ღვთაებებთან მოიხსენიება, რაც ჩრდილოსირიულ პანთეონთან თაბალურის სიახლოვეზე უნდა მიუთითებდეს.

გვიანხეთურ ხანაში, კუმუხში მთვარის ადგილობრივი ღვთაება Sin იყო. მართალია, ამ ადგილობრივი ღვთაების შესახებ იეროგლიფურ-ლუვიური წარწერებში მითითებები არ მოგვეპოვება, მაგრამ ჩვენს ხელთაა ცილინდრული საბეჭდავი, რომელიც სამსათში აღმოჩნდა. მასზე გამოსახუ-

ლი ღვთაება ნავზე დგას. მას ხელში მთვარე, ომეგას სიმბოლო? უჭირავს და მეფე თაყვანსცემს⁵⁰.

იეროგლიფურ-ლუვიურ წარწერებში ერთხელაა მოხსენიებული ბაბილონური ღვთაება Nakaruha, რომელსაც მცველებად ძაღლები ჰყავს. ძაღლები ბოროტმოქმედი ადამიანის თავს ჭამენ.

წერილობით ძეგლებში ასევე ცისა და მიწის მდედრობითი და მამრობითი ღვთაებები, მზის უმაღლესი ღვთაება და მზის ღვთაება მოიხსენიება. მათი ატრიბუტიკისა და კონკრეტული ფუნქციების შესახებ არაფერი ვიცით, ცნობილია, რომ ზემოხსენებული ღვთაებები მეფე-მთაწერებისადმი მფარველობასა და კურთხევას არ იშურებდნენ.

როგორც ვხედავთ, ზემომოყვანილი ცნობები მნიშვნელოვან ინფორმაციას გვაწვდიან გვიანხეთური სამყაროს (ძვ. წ. IX-VIII სს.) პანთეონის შესახებ.

-
1. ხაზარაძე ნ., საქართველოს ძველი ისტორიის ეთნო-პოლიტიკური პრობლემები, თბილისი, 1984, გვ. 113-114; Macqueen J. D. Hittian mythology and Hittite monarchy AnSt, vol IX, 1959, p. 178.
 2. Meriggi P. Manuale Di Eteo Geroglifico, Parte II: Testi 1a Serie, Roma, 1967, №30; Testi-2a E 3a Serie, Roma, 1975, №122; III Serie Testi antichi, № 12.
 3. Meriggi P. დასახ. ნაშრ., Tersti -1a Serie, P.15, 58.
 4. Şahin M., Neue Beobachtungen zum Felsrelief von Ivriz/Konya, AnSt, vol 49, 1999, p. 176.

5. ხაზარაძე ნ. TRH-(თარხუნთი)-გვიანხეთური პანთეონის უსუნაესი ღეთაება, მასალეუბი საქართველოს ეთნოგრაფიისათვის, XXIV, თბილისი, 2001, გვ. 60; Meriggi P., დასახ. ნაშრ., №30.
6. AnSt, vol 49, p. 166.
7. Barnett R. D., Beiträge zur Atertumstunde Dionysos, 1st Mitt 38, 1988, p. 179-187; იხ. AnSt, vol 49, p. 165-170.
8. Şahin M., დასახ. ნაშრ., გვ. 168.
9. Gurney O. R., Some Aspects of Hittite Religion, Oxford, 1977, p. 31
10. Petrie W. M. F., Tools and Weapons, London, 1917, p. 46.
11. რუხაძე ჯ., ხალხური აგრიკულტურა დასაველეთ საქართველოში, თბილისი, 1976, გვ. 143, 160, 164; Брегадзе Н., Очерки по агроэтнографии Грузии, Тбилиси, 1982, с. 153, 161.
12. უმიკაშიელი ა., ხალხური სიტყვიერება, ნაწილი პირველი, ტფილისი, 1937, გვ. 332.
13. იქვე, გვ. 333.
14. აფაქიძე ა., ბაკურციხის არქეოლოგიური ძეგლები, საკანდილატო დისერტაცია, თბილისი, 1940, გვ. 63-69; Куфтин Б. А., К вопросу о древнейших корнях Грузинской культуры на Кавказе по данным археологии, საქ. სახ. მუზეუმის მოამბე, ტ. XIV-B. თბილისი, 1944; ბოხოჩაძე ა., მევენახეობა-მეღვინეობა ძველ საქართველოში არქეოლოგიური მასალეუბის მიხედვით, თბილისი, 1963, გვ. 51.
15. Şahin M., დასახ. ნაშრ., გვ. 176.
16. იქვე, გვ. 174.
17. Hawkins J. D., Kuzi-Teşub and the "Great Kings" of Karkamiş, AnSt, vol 38, 1988, p. 109.
18. Şahin M., დასახ. ნაშრ., გვ. 172.
19. Petrie W. M. F. დასახ. ნაშრ., გვ. 36.
20. გიორგაძე გ., ათასი ღეთაების ქვეყანა, თბილისი, 1988, იხ. სურათი XXIV.
21. ხაზარაძე ნ., ძველანატოლიურ სამყაროსთან ქართველოთა ეთნოკულტურული ურთიერთობის ისტორიიდან, ქართველოური მემკვიდრეობა, ქუთაისი, 2002, გვ. 251.

22. ხაზარაძე ნ., დასახ. ნაშრ., გვ. 258.
23. Meriggi P., *Manuale Di Eteo Geroglifico, Parte II: Testi 2a E3a Serie*, 114, 122, 123.
24. Meriggi P., დასახ. ნაშრ., Partell: Testi 1a Serie, p. 102, 107, 131; Testi-2a E 3a Serie, p. 32, 37, 46, 50, 54, 55, 58, 59, 68.
25. Meriggi P., *Hieroglyphisch-Hethitisches Glossar*, Wiesbaden, 1962, p. 102; ხაზარაძე ნ., TRH (თარხუნთი)-გვიანხეთური პანთეონის უზენაესი ღვთაება, მასალები..., გვ. 56.
26. Meriggi p., *Manuale...*, Testi 1a Serie, p. 107.
27. იქვე, გვ. 131.
28. Meriggi P., Testi 2a E 3a Serie, p. 32, 37, 59.
29. Meriggi P., Testi 2a E 3aSerie, p. 51, 53, 54.
30. ხაზარაძე ნ., გვიანხეთური ხანის აღმოსავლეთ კაპადოკიის ანთროპონიმიკისათვის, *ონომასტიკა*, I, თბილისი, 1987, გვ. 366; Meriggi P., *Hieroglyphisch-Hethitisches Glossar*, p. 102, 103, 175.
31. Vieyra M. *Hittite Art*, London, 1955, p. 65.
32. Meriggi P., *Hieroglyphisch-Hethitisches Glossar*, p. 179.
33. Wagner J. Hellenkemper H., *A late Hittite rock-relief on the river Karasu*, *AnSt*, vol XXVII, 1977, p. 169, 170, 172.
34. გიორგაძე გ., დასახ. ნაშრ., გვ. 141.
35. Wagner J. Hellenkemper H., *A late Hittite rock-relief on the river Karasu*, *AnSt*, vol XXVII, p. 173.
36. Meriggi P., *Hieroglyphisch-Hethitisches Glossar*, p. 49.
37. ეირსალაძე ე., ქართული სამონადირო ეპოსი, თბილისი, 1964, გვ. 29; სურგულაძე ი., მითოსი, კულტი, რიტუალი საქართველოში, თბილისი, 2003, გვ. 22.
38. იქვე, გვ. 29.
39. იქვე, გვ. 32.
40. Meriggi P., *Hieroglyphisch-Hethitisches Glossar*, p. 122; Houwink Ten Cate, *The Luwian Population Groups of Licia and Cilicia Aspera during the Hellenistic Period*, 1963, p. 125, 127, 136; ხაზარაძე ნ., აღმოსავლეთ მცირე აზიის ეთნიკური და პოლიტიკური გა-

- ერთიანებები ძვ. წ. I ათასწლეულის პირველ ნახევარში, თბილისი, 1978, გვ. 23.
41. Meriggi P., *Manuale Di Eteo Geroglifico, Partell: Testi 1a Serie*, p. 48, 53, 55, 100, 115 და სხვა.
 42. Иванов В. В. , *Кубаба, Мифологический словарь*, Москва, 1990, с. 295; იხ. დავერილებით, ხაზარაძე ნ., ბახსოლიანი ნ., ქუბაბა (⁰Kubaba) გვიანხეთური ხანის აღმოსავლეთ მცირე აზიის ქალღმერთი, მასალები საქართველოს ეთნოგრაფიისათვის, XV, თბილისი, 2005, გვ. 312-317.
 43. Dalley S., *Senacherib and Tarsus*, AnSt, vol 49, p. 75.
 44. ხაზარაძე ნ., გვიანხეთური ხანის აღმოსავლეთ კაპადოკიის ანთროპონიმიკისათვის, ონომასტიკა I, გვ. 369.
 45. Герни О. Р., *Хетты*, Москва, 1987, с. 130.
 46. Hawkins J. D., *Kubaba at Karkamiš and elsewhere*, AnSt, vol XXXI, 1981, p. 169, 172.
 47. Dalley S., დასახ. ნაშრ., გვ. 74.
 48. ხაზარაძე ნ. TRH (თარხუნთი)-გვიანხეთური პანთეონის უზენაესი ღვთაება, მასალები საქართველოს ეთნოგრაფიისათვის, XXIV, გვ. 58.
 49. Meriggi P. დასახ. ნაშრ., *Parte II: Testi 1a Serie*, №25, 26, 30.
 50. Mellink M. J. *Archaeology in Anatolia*, AJA, vol 89, №4 1985, p. 554.

ВЕЛИКАЯ КАППАДОКИЯ В ПЕРВОЙ ПОЛОВИНЕ
I ТЫСЯЧЕЛЕТИЯ ДО Н.Э.

Проводимые нами изыскания приводят к следующему заключению:

Сопоставление первоисточников, эламского и аккадского вариантов древнеперсидских текстов, комплексное изучение письменных источников античной эпохи показали, что соседями Великой Каппадокии являлись страны: Армения (Урарту), Киликия, Лидия, Фригия и Пафлагония. Для установления исторических границ Великой Каппадокии имеет значение и то, что часто в письменных источниках античной эпохи наряду с Каппадокией часто фигурируют Тавр, Понтийские горы и река Галис (нынешн. Кызыл-Ирмак). Кроме историко-географических сведений, источники древневосточной и античной эпохи содержат ценные указания по политической истории поздних государств Великой Каппадокии.

Нами разделено соображение учёных о том, что ареалом расселения отдельных картвельских племён (мосхи, месхи) являлась Великая Каппадокия. Как выясняется, с точки зрения изучения древнейшей истории месхов Библия является весьма важным источником. Она содержит прямые указания на происхождение, локализацию и этно-политическое окружение мешех-мосох-а. Комплексное изучение Библии и трудов позднейших комментаторов Библии и их сравнительный анализ позволили нам убедиться в том, что территорией расселения мушк-мешех-мосох-а, наряду с различными этническими единицами, на протяжении I тыс. до н.э. являлась именно Великая Каппадокия.

На основе изученных нами ассирийских клинописных надписей освещены некоторые аспекты истории царств и политических объединений позднешеттской эпохи, располагавшихся на территории Великой Каппадокии. Большинство ассирийских клинописных надписей помогают нам в историко-географическом исследовании царств и малых государств позднешеттской эпохи (Страна мушков, Мелиду, Табал, Хилакку, Тухан, Туна, Шинухту, Гургум, Куммух). В текстах обнаруживаются сведения о локализации и границах интересующих нас «стран» и «поселений», об их окружении (близлежащих странах). «Анналы» ассирийских царей содержат богатую информацию о внутренней и внешней политической истории этно-политических объединений позднешеттской эпохи, о взаимоотношениях Ассирии и её провинций, о её экономическом развитии (согласно спискам добычи и дани, представленным в разных надписях). Заслуживает внимания и зафиксированный в ассирийских памятниках ономастический материал.

Изучение урартских клинописных надписей позволило нам сделать следующее заключение: царства позднешеттской эпохи Мелитеа и Куммух, территориально близлежащие к Урарту, часто становились объектами нашествий урартских царей. Урартские клинописные надписи содержат интересные сведения об отношениях Урарту и Ассирии, данные о политической и историко-географической характеристике этих царств.

Наряду с ассирийскими клинописными надписями, иероглифическо-лувийские надписи также восполняют наши знания в деле изучения политической и социально-экономической истории царств и малых государств позднешеттской эпохи, вопросов их локализации. Иероглифическо-лувийские надписи представляют собой неоценимый источник для установления хронологии и ономастики упоминаемых в них царей.

Таким образом, на основе добытых в результате археологических раскопок материалов мы можем судить о градостроительстве, ремесленничестве (гончарное дело), монументальном зодчестве, природных месторождениях, дорогах, административном правлении (имеются в виду печати), хозяйственной деятельности (согласно зоо- и ботаническим материалам) Великой Каппадокии 1-й половины I тыс. до н.э.

Комплексное изучение ассирийских и урартских клинописных надписей показало нам, что царства и малые государства позднехеттской эпохи 1-й половины I тыс. до н.э. оказались вовлечёнными в борьбу двух империй того времени – Ассирии и Урарту, которая была обусловлена желанием завладеть стратегическими торговыми и военными путями, проходившими на территории Великой Каппадокии. Из вышеупомянутых письменных источников явствует, что сначала Ассирия, а позже Урарту и киммерийцы совершали набеги на царства и политические объединения позднехеттской эпохи и покоряли их. Хотя, указанные действия носили эпизодический характер.

Иероглифическо-лувийские надписи на сегодняшний день являются единственным источником для изучения позднехеттского пантеона. В текстах преимущественно встречаются имена лувийских божеств – Тархунт, Рува, Кубаба, Шарума, Санта. Выясняется, что Тархунт, приносящий плодородие и вызывающий гром и молнию, – верховное божество, Рува – божество-покровитель зверей и охоты, богиня Кубаба также олицетворяет плодородие и выполняет спасительную функцию. В иероглифическо-лувийских надписях содержатся сведения о жертвоприношении божеству, поклонении ему, выполнении в его честь ритуалов, строительстве храмов и т.д., что позволяет нам судить о позднехеттском пантеоне.

GREAT CAPPADOCIA IN THE FIRST HALF
OF THE 1ST MILLENNIUM BC

On the basis of the carried out research the following conclusions have been drawn:

The term *Cappadocia* is recorded for the first time in the Elamite and Akkadian variants of Old Persian cuneiform texts. As a result of the study of the Old Persian and Classical period written sources, it has been established that the neighbouring countries of Great Cappadocia were Armenia (Urartu), Cilicia, Lydia, Phrygia and Paphlagonia. For ascertaining the historical boundaries of Great Cappadocia it is also significant that *Tauros*, *the Pontus Mountains* and *the Halys River* (the present Kizil-Irmak) are often found together with it in written sources of the Classical period.

It also becomes clear from the conducted research that along with historical-geographical evidence, Old Oriental and Classical period sources contain noteworthy information for the political history of the Late Hittite kingdoms and principalities of Great Cappadocia.

The present author shares the supposition of scholars that Great Cappadocia was the area of settlement of separate Kartvelian tribes (the Meskhs). It turns out that the Bible contains direct evidence concerning the origin, localization and ethno-political environment of the Meskhs (Muški-Meshekh-Mosokh). The study and comparison of the Mtskheta manuscript of the Bible and works of later commentators of the Bible have demonstrated that during the 1st millennium BC the area of settlement of the Meskhs (Muški-Meshekh-Mosokh), together with different ethnic entities, was exactly Great Cappadocia.

On the basis of the studied Assyrian cuneiform inscriptions, several noteworthy aspects of the history of the kingdoms and

principalities of the Late Hittite period located on the territory of Great Cappadocia are identifiable. The majority of Assyrian cuneiform inscriptions assist in the study of the historical-geographical character of the Late Hittite kingdoms and principalities (Melidu, Kammanu, Tabal, Ғilaku, Tuḡana, Tuna, Œinuḡtu, MuŒki, Gurgum, Kumukh). Interesting evidence in the texts provides significant information concerning the localization of particular “countries” and “settlements”, their border line and nearby “countries”. The *annals* of Assyrian kings contain noteworthy factual material on the internal and foreign political history of Late Hittite kingdoms and principalities, the relationship between Assyria and its provinces. In the context of the evidence of the trophy and tribute recorded in the same inscriptions it becomes possible to offer a more or less full picture of the kingdoms and principalities and to reconstruct the onomastics of Cappadocia of the Late Hittite period.

Urtian cuneiform inscriptions complement to a considerable degree the data of the Assyrian texts on Great Cappadocia of the Late Hittite period. The evidence which render assistance in the reconstruction of the history of the countries of the Euphrates area (Melitea, Kumaha, Ғate-Ғatinili) is especially noteworthy.

Hieroglyphic Luwian inscriptions, the majority of which have been discovered on the territory of Great Cappadocia, along with Assyrian cuneiform inscriptions, represent a significant written historical source for the study of the localization of the Late Hittite kingdoms and principalities, the political, social-economic and religious history. At the same time, these written monuments provide invaluable information for the reconstruction of the chronology of the kings of separate political entities and demonstration of the full picture of the onomasticon of the Late Hittite period.

Precisely on the basis of the materials obtained as a result of archaeological excavations it is possible to discuss at present town-

planning, artisanship (pottery), monumental sculptures, roads, natural deposits and furnaces, administrative government (stamps), household activities (zoo and botanical materials) of Great Cappadocia of the first half of the 1st millennium BC.

The study of Assyrian and Urartian inscriptions has shown that the Late Hittite kingdoms and principalities of the first half of the 1st millennium BC were involved in the battles waged by two empires (Assyria and Urartu), which was due to the desire to take control of the trade and military routes of strategic importance passing through Great Cappadocia. It becomes clear from written sources that Assyria, on the one hand, and Urartu, on the other one, already together with the Cimmerians temporarily managed to capture the Late Hittite kingdoms and principalities.

Hieroglyphic Luwian inscriptions so far are the only source for the demonstration of the pantheon of the Late Hittite period. Mostly the names of Luwian deities – Tarḫunt, Ruwa, Kubaba, Šaruma, Santa – occur in texts. It turns out that Tarḫunt, the god of thunder and fertility, mentioned in the inscriptions, is the supreme deity, Ruwa – the deity of hunting and protector of animals, goddess Kubaba – rescuer and also the embodiment of fertility. Hurrian deity Šaruma, female deity Hefat and deity Ištar are repeatedly mentioned in hieroglyphic Luwian inscriptions.

- АВИИУ – Ассиро-вавилонские источники по истории Урарту.
ВДИ – Вестник Древней истории, Москва.
AJA – American Journal of Archaeology, Baltimore.
AnSt – Anatolian Studies, London, Ankara.
ARAB – D. Luckenbill, Ancient Records of Assyria and Babylonia,
1-11, Chicago, 1926-1927.

გამოყენებული პირველწყაროები
და ლიტერატურა

1. აფაქიძე ა., ბაკურციხის არქეოლოგიური ძეგლები, საკანდიდატო დისერტაცია, თბილისი, 1940.
2. ბოხოჩაძე ა., მევენახეობა-მელენეობა ძველ საქართველოში არქეოლოგიური მასალების მიხედვით, თბილისი, 1963.
3. "გეორგიკა", I, ბიზანტიელი მწერლების ცნობები საქართველოს შესახებ, თბილისი, 1961.
4. "გეორგიკა", V, ბიზანტიელი მწერლების ცნობები საქართველოს შესახებ, თბილისი, 1963.
5. "გეორგიკა" VI, ბიზანტიელი მწერლების ცნობები საქართველოს შესახებ, თბილისი, 1966.
6. გიორგაძე გ., ათასი ღვთაების ქვეყანა, თბილისი, 1988.
7. გიორგაძე გ., ხეთური და ასურული ლურსმული ტექსტების ქასქების (ქაშქების) და აბეშლაელების ეთნიკური წარმომავლობისათვის, ახალციხე, 2000.
8. ვირსალაძე ე., ქართული სამონადირო ეპოსი, თბილისი, 1964.
9. მცხეთური ხელნაწერი (მოსეს ხუთწიგნეული, ისო ნავე, მსაჯულთა, რუთი), ტექსტი გამოსაცემად მოამზადა და გამოკვლევა დაურთო ელ. დოჩანაშვილმა, თბილისი, 1981.
10. მცხეთური ხელნაწერი (მეფეთა I, II, III, IV; ნეშტთა I, II; ეზრას I, II, III წიგნები), ტექსტი გამოსაცემად მოამზადა და გამოკვლევა დაურთო ელ. დოჩანაშვილმა, თბილისი, 1982.

11. მცხეთური ხელნაწერი (ეკლესიასტე, სიბრძნე სოლომონისა, ქება ქებათა სოლომონისა, წინასწარმეტყველთა წიგნები – ესაია, იერემია, ბაქური, ეზეკიელი), ტექსტი გამოსაცემად მოამზადა და გამოკვლევა დაურთო ელ. დონანაშვილმა, თბილისი, 1985.
12. რამიშვილი პ., ძველასურელ ვაჭართა საქმიანობის ამსახველი “კაპადოკიური” ფირფიტები ქიულთეფუ/ქანესიდან, კაეკასიურ-ახლოადმოსაველური კრებული, X, თბილისი, 2001.
13. რუხაძე ჯ., ხალხური აგრიკულტურა დასაველეთ საქართველოში, თბილისი, 1976.
14. სურგულაძე ი., მითოსი, კულტი, რიტუალი საქართველოში, თბილისი, 2003.
15. უმიკაშვილი პ., ხალხური სიტყვიერება, ნაწილი პირველი, ტფილისი, 1937.
16. ყაუხჩიშვილი თ., ბერძენი მწერლების ცნობები საქართველოს შესახებ, V, თბილისი, 1963.
17. ყაუხჩიშვილი თ., პეროდოტეს ცნობები საქართველოს შესახებ, თბილისი, 1960.
18. ძველი აღმოსაველეთის ხალხთა ისტორია, თბილისი, 1988.
19. ძველი აღმოსაველეთის ხალხთა ისტორიის ქრესტომათია, თბილისი, 1990.
20. ხაზარაძე ნ., აღმოსაველეთ მცირე აზიის ეთნიკური და პოლიტიკური გაერთიანებები ძვ. წ. I ათასწლეულის პირველ ნახევარში, თბილისი, 1978.
21. ხაზარაძე ნ., ბიბლია და მესხების უძველესი ისტორია, მესხეთი, ისტორია და თანამედროვეობა, ახალციხე, 2000.

22. ხაზარაძე ნ., გვიანხეტური ხანის აღმოსავლეთ კავკასიის ანთროპონიმიკისათვის, ონომასტიკა, I, თბილისი, 1987.
23. ხაზარაძე ნ., თაბაღის ქვეყნის ადგილმდებარეობისათვის, “ძველი ისტორიის საკითხები”, III, თბილისი, 1970.
24. ხაზარაძე ნ., ^DTRH (თარხუნთი) – გვიანხეტური პანთეონის უზენაესი ღვთაება, მასალები საქართველოს ეთნოგრაფიისათვის, XXIV, თბილისი, 2001.
25. ხაზარაძე ნ., ნაგებობების აღმნიშვნელი ლუწვიური იეროგლიფები, “ქალაქები და საქალაქო ცხოვრება ძველ საქართველოში”, თბილისი-ბათუმი, 2000.
26. ხაზარაძე ნ., სამხრეთ-აღმოსავლეთ მცირე აზიის ისტორიული გეოგრაფიიდან, “კავკასიის ხალხთა ისტორიის საკითხები”, თბილისი, 1966.
27. ხაზარაძე ნ., საქართველოს ძველი ისტორიის ეთნოპოლიტიკური პრობლემები, თბილისი, 1984.
28. ხაზარაძე ნ., ძველანატოლიურ სამყაროსთან ქართველთა ეთნოკულტურული ურთიერთობის ისტორიიდან, ქართველური მემკვიდრეობა, ქუთაისი, 2002.
29. ჯავახიშვილი ივ., ქართველი ერის ისტორია, I, თბილისი, 1951.
30. Арутюнян Н. В. Корпус Урартских клинообразных надписей, Ереван, 2001.
31. Арутюнян Н. В. Биайнили (Урарту), Ереван, 1970.
32. Арутюнян Н. В. Топонимика Урарту, Ереван, 1985.
33. Брегадзе Н., Очерки по агроэтнографии Грузии, Тбилиси, 1982.
34. Герни О. Р., Хетты, Москва, 1987.
35. Дьяконов И. М., Ассиро-вавилонские источники по истории Урарту (Далее АВИИУ), ВДИ, Москва, 2(36), 1951.

36. Дьяконов И. М., АВИИУ, ВДИ, 3(37), Москва, 1951.
37. Дьяконов И. М., Эпиграфика Востока, Москва, Ленинград, VI, 1952.
38. Иванов В. В., Кубаба, Мифологический словарь, Москва, 1990.
39. Иванчик А. И. К вопросу об этнической принадлежности и археологической культуре киммерийцев, ВДИ, 3(210), Москва, 1994.
40. Иванчик А. И., Киммерийцы, Москва, 1996.
41. Капанцян Г. А., Хайаса-колыбель армян, Ереван, 1948.
42. Куфтин Б. А., К вопросу о древнейших корнях грузинской культуры на Кавквзе по данным археологии, საქ. საზ. მუზეუმის მოამბე, XIV-В. თბილისი, 1944.
43. Латышев В. В., Известия Древних Писателей о Скифии и Кавквзе, ВДИ, 1 (XIX), 1947.
44. Латышев В. В. указ. соч., ВДИ, 2(XX), 1947.
45. Латышев В. В., указ. соч., ВДИ, 3(XXI), 1947.
46. Латышев В. В., указ. соч., ВДИ, 4(XXII), 1947.
47. Латышев В. В., указ. соч., ВДИ, 1(XXIII), 1948.
48. Латышев В. В., указ. соч., ВДИ, 2(XXIV), 1948.
49. Латышев В. В., указ. соч., ВДИ, 3(XXV), 1948.
50. Латышев В. В., указ. соч., ВДИ, 4(XXVI), 1948.
51. Латышев В. В., указ. соч., ВДИ, 1(XXVII), 1949.
52. Латышев В. В., указ. соч., ВДИ, 2(XXVIII), 1949.
53. Латышев В. В., указ. соч., ВДИ, 3(XXIX), 1949.
54. Латышев В. В., указ. соч., ВДИ, 4(XXX), 1949.
55. Манандян Я. А., О некоторых спорных проблемах истории и географии древней Армении, Ереван, 1956.
56. Меликишвили Г. А., К истории древней Грузии, Тбилиси, 1959.
57. Меликишвили Г. А., Наири-Урарту, I, Тбилиси, 1954.

58. Меликишвили Г. А., Урартские клинообразные надписи, Москва, 1960.
59. Пиотровский Б. Б., Ванское Царство (Урарту), Москва, 1959.
60. Советская историческая энциклопедия, 6, Москва, 1965.
61. Энциклопедический словарь, XIV, С-Петербург, 1895.
62. Alp S. Eine Sphinxvase aus Karahöyük Bei Konya, Anadolu, XXI, Ankara, 1987.
63. Arabie Bible, Beirut, 1966/77.
64. Astour M., "Assur", 2/3, London, 1979.
65. Bahar H., The Konya region in the Iron Age and its relation with Cilicia, AnSt, vol 49, 1999.
66. Blaylock S. R., French D. H., Summers G. D., The Adiyaman Survey: an interim report, AnSt, vol XV, 1965.
67. Brockhaus Enzyklopadie, Wiesbaden, 9, 1970.
68. Crespin A. S., Between Phrygia and Cilicia: The Porsuk area at the beginning of the iron age, AnSt, vol 49, 1999.
69. Dalley S., Sennacherib and Tarsus, AnSt, vol 49, 1999.
70. Delaporte J., Malatya, Paris, 1940.
71. Del Monte G. F., Tischler J., Die Orst-und Gewässeramen der hethitischen Texte, Bund 6, Wiesbaden, 1978.
72. Diakonoff I. M., S. M. Kashkai, Geographical Names According to Urartian Texts, Wiesbaden, 1981.
73. Enciclopedia Italiana, VII, Roma, 1949.
74. French D. H., Excavations at Can Hasan, AnSt, vol XV, 1965.
75. Garstang J., Gurney O. R., The Geography of the Hittite Empire, London, 1959.
76. Grand Larousse encyclopedique, 2, 1960.
77. Gurney O. R., Some Aspects of Hittite Religion, Oxford, 1977.
78. Çilingiroğlu A., French D. H., Roller L. E., Anatolian Iron Ages, AJA, vol 98, №4, 1994.

79. Hansen C. K., Postgate J. N., The bronze to iron age transition at Kilise Tepe. *AnSt*, vol 49, 1999.
80. Hawkins J. D., Kubaba at Karkamiš and elsewhere, *AnSt*, volXXXI, 1981.
81. Hawkins J. D., Kuzi-Tešub and the "Great Kings" of Karkamiš, *AnSt*, vol XXXVIII, 1988.
82. Hawkins J. D., The lower part of the Meharde stele, *AnSt*, vol XXXVIII, 1988.
83. Hawkins J. D., The Kululu lead strips economic documents in hieroglyphic luwian, *AnSt*, vol XXXVII, 1987.
84. Hawkins J. D., Some Historical Problems of the Hieroglyphic luwian Inscriptions, *AnSt*, vol XXIX, 1979.
85. Hellenkemper H., Wagner J. D., A late Hittite rock-relief on the river Karasu, *AnSt*, vol XXVII, 1977.
86. Kalaç M., Hawkins J. D., The hieroglyphic luwian rock-inscription of Malpınar, *AnSt*, vol XXXIX, 1989.
87. Kent R. G., *Old Persian*, New Haven, 1953.
88. Kiepert H., *Lenrbuch der Alten Geographie: Klein Asien*. Cramer description of Asia Minor, vol 2, Oxford, 1832.
89. *La Grande Encyclopedie*, Larousse, vol 4, 1972.
90. Macqueen D., Hattian mythology and Hittite monarchy, *AnSt*, vol IX, 1959.
91. McGovern P. E., Science in Archaeology: A Review Hongo H., Meadow R. H., faunal Analysis with a Focus on Anatolia, *AJA*, vol 99, №1, 1995.
92. Mellink M. J., *Archaeology in Asia Minor*, *AJA*, vol 59, №3, 1955.
93. Mellink M. J., *Archaeology in Asia Minor*, *AJA*, vol 72, №2, 1968.
94. Mellink M. J., *Archaeology in Asia Minor*, *AJA*, vol 73, №2, 1969.
95. Mellink M. J., *Archaeology in Asia Minor*, *AJA*, vol 62, №1, 1958.
96. Mellink M. J., *Archaeology in Asia Minor*, *AJA*, vol 64, №1, 1960.

97. Mellink M. J., *Archaeology in Asia Minor*, AJA, vol 74, №2, 1970.
98. Mellink M. J., *Archaeology in Asia Minor*, AJA, vol 78, №2, 1974.
99. Mellink M. J., *Archaeology in Asia Minor*, AJA, vol 81, №3, 1977.
100. Mellink M. J., *Archaeology in Asia Minor*, AJA, vol 83, №3, 1979.
101. Mellink M. J., *Archaeology in Asia Minor*, AJA, vol 85, №4, 1981.
102. Mellink M. J., *Archaeology in Asia Minor*, AJA, vol 86, №4, 1982.
103. Mellink M. J., *Archaeology in Asia Minor*, AJA, vol 87, №4, 1983.
104. Mellink M. J., *Archaeology in Asia Minor*, AJA, vol 88, №4, 1984.
105. Mellink M. J., *Archaeology in Asia Minor*, AJA, vol 89, №4, 1985.
106. Mellink M. J., *Archaeology in Asia Minor*, AJA, vol 92, №1, 1988.
107. Mellink M. J., *Archaeology in Asia Minor*, AJA, vol 93, №1, 1989.
108. Mellink, M. J., *Archaeology in Asia Minor*, AJA, vol 94, №1, 1990.
109. Mellink M. J., *Archaeology in Asia Minor*, AJA, vol 95, №1, 1999.
110. Meriggi P., *Hieroglyphisch-Hethitisches Glossar*, Wiesbaden, 1962.
111. Meriggi P. *Manuale Di Eteo Geroglifico, Parte II: Testi-1a Serie*, Roma, 1967.
112. Meriggi P., *Manuale Di Eteo Geroglifico, Parte II: Testi 2a E3a Serie*, Roma, 1975.
113. Petrie F. W. M., *Tools and Weapons*, London, 1917.
114. *Recent Archaeological Research in Turkey*, AnSt, vol XVI, 1966.
115. *Recent Archaeological Research in Turkey*, AnSt, vol XIX, 1969.
116. *Recent Archaeological Research in Turkey*, AnSt, vol XX, 1970.
117. *Recent Archaeological Research in Turkey*, AnSt, vol XXI, 1971.

118. Resent Archaeological Research in Turkey, AnSt, vol XXII, 1972.
119. Resent Archaeological Research in Turkey, AnSt, vol XXIII, 1973.
120. Resent Archaeological Research in Turkey, AnSt, vol XXIV, 1974.
121. Resent Archaeological Research in Turkey, AnSt, vol XXV, 1975.
122. Resent Archaeological Research in Turkey, AnSt, vol XXXII, 1982.
123. Resent Archaeological Research in Turkey, AnSt, vol XXXIII, 1983.
124. Resent Archaeological Research in Turkey, AnSt, vol XXXV, 1985.
125. Resent Archaeological Research in Turkey, AnSt, vol XXXVII, 1987.
126. Sams G. K., Phrygian painted animals: Anatolian Orientalizing Art, AnSt, vol XXIV, 1974.
127. Şahin M., Neue Beobachtungen zum Felsrelief von Ivriz/Konya, AnSt, vol 49, 1999.
128. Summary of Archaeological work in Turkey, AnSt, vol IV, 1954.
129. Summary of Archaeological work in Turkey, AnSt, vol VIII, 1958.
130. Summary of Archaeological work in Turkey, AnSt, vol XI, 1961.
131. Syrian Patriarchate, Damascus, 1979.
132. The New Encyclopædia Britannica (in 30 volumes), Micropædia, vol II, 1979.
133. Vieyra M., Hittite Art, London, 1955.
134. Watkins T., Excavations at Pinarbaşı, Anatolian Archaeology, Ankara, vol I, 1995.

ნანა ბახსოლიანის მონოგრაფიაზე: „დიდი კაკადოკია
ძვ. წ. I ათასწლეულის პირველ ნახევარში“,
თბილისი, 2008

გვიანხეთური ხანის მცირე აზიის ისტორიის შესწავლას ქართულ ისტორიოგრაფიაში ამჟამად საკმაოდ მკვიდრი საფუძველი აქვს შექმნილი პროფესორ ნანა ხაზარაძის უმნიშვნელოვანესი გამოკვლევების წყალობით. ჩვენი ისტორიის ადრეული პერიოდისადმი, კერძოდ, ძველი ქართველი ტომების განსახლების ტერიტორიისადმი მიძღვნილ ნაშრომებს ნანა ბახსოლიანის სარეცენზიო ნაშრომის სახით კიდევ ერთი სერიოზული მონოგრაფიული გამოკვლევა შეემატა.

როგორც მონოგრაფიის დასახელებიდან ჩანს, იგი ძვ. წ. VI საუკუნიდან „კაკადოკიად“ წოდებული მცირე აზიის ცენტრალური და აღმოსავლეთის ნაწილის ეთნო-ისტორიული საკითხების შესწავლას ეძღვნება. ეს რეგიონი ოდითგანვე ხალხთა მოძრაობის არეალს წარმოადგენდა. რა ეთნიკური მოდგმისა და ენობრივი კუთვნილების ტომებს არ გაუვლიათ, უცხოვრიათ ან უბრძოლიათ ამ მხარეში. ყველას თავისი სამახსოვრო კვალი დაუტოვებია აქ ტოპონიმებისა თუ წერილობით წყაროებში დაფიქსირებული თავიანთი ნამოქმედარის აღწერილობათა სახით. ავტორის სასახელოდ უნდა ითქვას, რომ მისთვის საინტერესო საკითხების შესწავლის პროცესში მას მოუძებნია, გაუანალიზებია და საინტერესო დასკვნების გამოტანის სამსახურში ჩაუყენებია ათეულობით უძველესი წერილობითი წყაროს – ასურული და ურარტული ლურსმულის, იეროგლიფურ-ლუვიურის, ძველებრაულის, ძველსპარსული ლურსმულის,

ქველბერძნულისა და ლათინურის მონაცემები. ყურადღე-
ბის მიღმა არ დარჩენია მას ენობრივი მონაცემებიც – ტო-
პონიმიები, ჰიდრონიმიები და ორონიმიები. სათანადო სისრუ-
ლითაა მიმოხილული კაპადოკიის ტერიტორიაზე აღმოჩენი-
ლი არქეოლოგიური მასალაც. თემატურად ეს მრავალფე-
როვანი, ხოლო შინაარსობრივად ერთობ საინტერპრეტა-
ციო მასალა მოხმობილია მეცნიერული კეთილსინდისიერე-
ბისა და სამაგალითო სიღრმისეული ანალიზის დონეზე.
ამიტომაც მიგვაჩნია, რომ წყაროების მიმოხილვისადმი მიძ-
ღენილი პირველი თავი მთელი გამოკვლევის ერთ-ერთი
საუკეთესო ნაწილია.

ცნობილია, რომ ხეთების სამეფოს დაცემის შემდეგ
(ძვ. წ. 1200 წლის ახლო ხანები) ძველი კაპადოკიის ტერი-
ტორიაზე არაერთი წერილი პოლიტიკური ერთეული აღმო-
ცენდა, რომელთა არსებობა სხვადასხვა მნიშვნელობისა
და ხანგრძლივობისა იყო. სწორედ ამ სამეფო-სამთავროე-
ბის პოლიტიკური, ეკონომიკური და რელიგიური ცხოვრე-
ბის შესწავლა დაუსახავს მიზნად ახალგაზრდა ავტორს,
რაც საკმაოდ კარგად შეუსრულებია კიდევც.

წერილობითი წყაროების მონაცემთა სისრულის კვა-
ლობაზე ავტორის მიერ საკმაო სიზუსტითაა აღდგენილი
გვიანხეთურ ხანაში (ძვ. წ. IX-VIII სს.) კაპადოკიის ტერი-
ტორიაზე არსებული სამეფო-სამთავროების როგორც ის-
ტორიული საზღვრები, ასევე პოლიტიკური ცხოვრების სუ-
რათიც. ამ სამეფო-სამთავროთაგან აღსანიშნავია მელიდუ-
სა და გურგუმის სამეფოები, ანდა კამანუს, ხილაქუს, თუ-
ნას, თუხანის, შინუხთუსა და კუმუხის სამთავროები. მათ
შორის, გასაგები მიზეზების გამო, ჩვენს განსაკუთრებულ
ყურადღებას იპყრობს მუშქებისა და თაბალების მეთაურო-
ბით ჩამოყალიბებული სამეფოები, რომელთა პოლიტიკური

სახე საკმაო სტაბილურობით გამოიკვეთებოდა კაპადოკიის მთელს გარემოში ძვ. წ. IX-VII საუკუნეების მანძილზე.

ნანა ბახსოლიანი კიდევ ერთხელ საგანგებოდ გახაზავს ჯერ კიდევ ძვ. წ. XII საუკუნის ასურეთის მეფის - თიგლათფილესერ I-ის წარწერებში მხნე, მეომარ ტომად მოხსენიებული მუშქების სახელის იდენტიურობას ძველებრადული და ძველბერძნული წყაროების მეშეხ-მოსოხ-მესხთან. იმ გარემოებასაც ითვალისწინებს, რომ ძვ. წ. IX საუკუნიდან მუშქები უკვე კაპადოკიაში გვხვდებიან საკმაოდ მტკიცე სახელმწიფოებრივი კონსოლიდაციითა და სამეფო დინასტიის ხანგრძლივი გენეალოგიური უწყვეტობით.

ავტორი ასევე ნათლად წარმოგვიჩენს თაბალის ხანგრძლივი ისტორიის (ძვ. წ. IX-VII სს.) ცალკეულ ეპიზოდებს, განსაკუთრებით კი, თაბალის სამეფო დინასტიის გენეალოგიურ სტრუქტურას, ქვეყნის ადმინისტრაციული მოწყობის წესს, სამხედრო საქმის განვითარების დონეს, ეკონომიკური ცხოვრებისათვის დამახასიათებელ ასპექტებს, საგადასახადო სისტემის არსს, საქალაქო ცხოვრების სურათსა და სხვა. განსაკუთრებულ ყურადღებას იპყრობს მკვლევრის მიერ მოხმობილი და გააჩალიჩებული ის არქეოლოგიური მასალა, რომელიც თურქმა არქეოლოგებმა გამოაქვინეს თაბალური ნაქალაქარების შესწავლის დროს. ეს მასალა ავსებს და კიდევ ერთხელ ადასტურებს წერილობითი წყაროების მონაცემებს.

მეორე თავში: „გვიანხეთური ხანის დიდი კაპადოკიის სამეფო-სამთავროთა პოლიტიკური ისტორიიდან“, ნანა ბახსოლიანი ნათლად და ამომწურავად წარმოგვიდგენს ძვ. წ. IX-VII საუკუნეების მთელს მანძილზე ძლიერი ასურელი და ურარტელი მეფეების პერმანენტული შემოსევების წინააღმდეგ კაპადოკიური პოლიტიკური გაერთიანებების თავდაცვითი შებრძოლების ცალკეულ ეპიზოდებს. ანტიასუ-

რულ და ანტიურარტულ კოალიციებს სათავეში ხშირად თაბალები და მუშქები ედგნენ. განსაკუთრებით დაიძაბა ეს ბრძოლები სარგონ II ასურელის გააქტიურების შედეგად ძვ. წ. VIII საუკუნის ბოლო მეოთხედში. უეჭველია, რომ ამ ბრძოლებს შეეწირა კიდევ მოუსვენარი ასურელი მბრძანებელი. ადგილობრივი ხალხების წინააღმდეგობის გატეხვა მხოლოდ ძვ. წ. VII საუკუნეში ასურელმა და ურარტელმა მოძალადეებმა შეძლეს და ისიც კიმერიელთა ჯარების დახმარებით.

მესამე თავი ეძღვნება ხეთური რწმენა-წარმოდგენების გვიანდელ ასახვას კაპადოკიის ტერიტორიაზე წარმოქმნილი გვიანხეთური ხანის სამეფო-სამთავროების ცხოვრებაში. ამ საკითხის კვლევის ერთადერთ წყაროდ იგი სამართლიანად მიიჩნევს იეროგლიფურ-ლუვიურ წარწერებს, რომელთა მონაცემების მოშველიებით დაწერილებით ჩერდება აღნიშნული რეგიონის პანთეონის სათავეში მდგარი ღვთაების - თარხუნთის ირგვლივ. წერილობითი წყაროების მონაცემების, იკონოგრაფიული ნიშნებისა და მეზობელი რეგიონებიდან მოხმობილი ეთნოკულტურული ხასიათის მასალების ურთიერთშეჯერებით დამაჯერებლადაა ნახვენები თარხუნთის კულტის კავშირი ნაყოფიერებასთან. ამომწურავადაა დახასიათებული კაპადოკიური პანთეონის ერთ-ერთი წამყვანი ღვთაებაც - რუვა, რომელიც წყაროებში მთისა და მზის ღვთაებად იხსენიება. არაერთი საინტერესო ცნობაა წარმონეწილი თაბალის ტერიტორიაზე გავრცელებული თაყვანისცემის ობიექტის, ნაყოფიერების ქალღვთაება ქუბაბას შესახებაც. ნათელი შტრიხებითაა წარმოდგენილი ღვთაება სანტაც, რომელიც სახელის ლოგოგრამული დაწერილობითა და ფუნქციებითაც ბაბილონურ მარდუქთან ავლენს მსგავსებას. აღნიშნული ღვთაებებისადმი მიძღვნილი ავტორისეული დახასიათებები დამოუ-

კიდებული გამოკვლევების დონეზეა შესრულებული. უწყურადღებოდ არაა დატოვებული იეროგლიფურ-ლუვიურ წარწერებში მოხსენიებული სხვა ღვთაებებიც, როგორცაა ქაღღეთაება ხეფათი ან იშთარი, შარუმა და მთვარის ადგილობრივი ღვთაება სინი და ზოგიერთი სხვაც.

სისრულისა და სათანადო წყაროების მონაცემთა სიღრმისეული გაანალიზების თვალსაზრისით, სარეცენზიო მონოგრაფიის ეს ნაწილიც ერთ-ერთ საუკეთესო ნარკვევად გვესახება.

ნანა ბახსოლიანის ნაშრომიდან კიდევ ბევრი რამ კარგის წინა პლანზე წამოწევა შეიძლება, მაგრამ ამაზე ახლა სიტყვას აღარ გაეაგრძელებ.

ყოველივე აღნიშნულის კონტექსტში, კიდევ ერთხელ ხაზგასმით აღვნიშნავ ნანა ბახსოლიანის მიერ გამოსაცემად მომზადებული მონოგრაფიის შესრულების მაღალ დონეს და თვალსაჩინო ღირსებებს. მონოგრაფია „დიდი კაკადოკია ძვ. წ. I ათასწლეულის პირველ ნახევარში“, თბილისი, 2008, უდაოდ ქართული ისტორიოგრაფიის ახალი შენაძენია.

ჯემალ შარაშენიძე

ნანა ბახსოლიანის წიგნზე „დიდი კაპადოკია ძვ. წ. I ათასწლეულის პირველ ნახევარში“, თბილისი, 2008

მცირე აზიის რეგიონები, მათ შორის დიდი კაპადოკია უძველესი დროიდან წარმოადგენდა ცივილიზაციათა შესაყარს. აქ ერთმანეთს ხვდებოდნენ სხვადასხვა წარმოშობის ტომები. ეს რეგიონი შედიოდა უძველესი აღმოსავლური სახელმწიფოების შემადგენლობაში. დიდი კაპადოკია თავისებური ჭიშკარი იყო, რომლის გავლითაც ინდოევროპული ტომები მცირე აზიაში იჭრებოდნენ და თავიანთ გაელენას უფრო შორს აღმოსავლეთით ავრცელებდნენ.

დიდი კაპადოკია ჯერ კიდევ ძვ. წ. II ათასწლეულის დასაწყისში ხეთების ანუ „ათასი ღეთების“ ქვეყნის შემთავრეს რეგიონს წარმოადგენდა. „ზღვის ხალხების“ მიერ ხეთების სახელმწიფოს განადგურების შემდეგ აქ, როგორც ირკვევა, კიდევ 6 საუკუნე არსებობას განაგრძობდნენ პატარ-პატარა გვიანხეთური სამეფოები, რომელთაც დიდი წვლილი შეჰქონდათ ძველი აღმოსავლეთის ცივილიზაციის განვითარებაში.

ხეთების დიდი სახელმწიფოს ისტორია საკმაოდ სრულადაა შესწავლილი. ამ მხრივ, შედარებით ნაკლებად გაუმართლათ იმ ხეთურ სახელმწიფოებს, რომლებიც ხეთების დიდი იმპერიის დაცემის შემდეგ განაგრძობდნენ არსებობას. სარეცენზიო ნაშრომი ქართულ ისტორიოგრაფიაში გვიანხეთური სამეფოების ისტორიის მონოგრაფიული შესწავლის ერთ-ერთი პირველი და ჩვენი აზრით, წარმატებული ცდაა.

ჩემთვის ალბათ უხერხული იქნება მონოგრაფიაში განხილული ყველა საკითხის ირგვლივ ვისაუბრო. მაგრამ მაინც ხაზგასმით უნდა აღვნიშნოთ, რომ სარეცენზიო ნაშრომი ამდიდრებს ქართული ძველი აღმოსავლეთმცოდნეობის წყაროთმცოდნეობის ბაზას. მას პირველად შემოაქვს სამეცნიერო მიმოქცევაში ქართული ისტორიოგრაფიისათვის მანამდე უცნობი იეროგლიფურ-ლუვიური წერილობითი ძეგლები. წიგნის მნიშვნელოვანი ნაწილი ძველი აღმოსავლეთის ეპოქაში დიდი კაპადოკიის ისტორიულ გეოგრაფიას შეეხება. ნაშრომიდან ირკვევა, რომ გეოგრაფიული სახელწოდება „კატპატუკას“ ფორმით პირველად დარიოს I-ის წარწერებში მოწმდება. ეს ტერმინი ასევე დიდი ბერძენი ისტორიკოსის ჰეროდოტეს თხზულებაში დასტურდება. სასურველი იყო, ავტორი ტერმინის „კაპადოკია“ ეტიმოლოგიაზეც შენერებულიყო, მით უმეტეს ცნობილია, რომ სოგი მკვლევარი ამ ტერმინს „ცხენების ქვეყანასთან“ აიგივებს.

ელინისტურ ხანაში კაპადოკია ორ ნაწილად – დიდ ანუ ტავროსთან მდებარე კაპადოკიად და პონტოს კაპადოკიად იყოფოდა. ავტორი აღმოსავლეთ მცირე აზიის ისტორიოგრაფიის შესაშურ ცოდნას ამჟღავნებს და კარგად აჩვენებს თუ როგორ იცვლებოდა ტერმინ „კაპადოკიის“ შინაარსი ძვ. წ. VI საუკუნიდან ახ. წ. I საუკუნემდე. სავსებით სამართლიანად გვეჩვენება ნანა ბახსოლიანის დასკვნა, რომ კაპადოკია უძველესი დროიდან ტავროსის, პონტოს მთებსა და მდ. ჰალისს შორის მდებარეობდა.

სამეცნიერო ლიტერატურაში დღემდე დიდ ინტერესს იწვევს მუშქების ანუ მესხების მოხსენიება ბიბლიაში. ჩვენს ავტორს საგანგებოდ შეუსწავლია ეს საკითხი. გამოუყენებია ბიბლიის ებრაული დედანი და გადაუმოწმებია ბიბლიის სირიული და არაბული თარგმანები. ასე რომ ამ

მონოგრაფიით დღეს, ფაქტობრივად, სრულადაა შესწავლილი მუშქების, იგივე მესხების საკითხი ძველი აღთქმის წიგნებში. ძვ. წ. IX-VII სს-ში აღმოსავლეთ კაპადოკიაში მუშქები იგივე მესხები ცხოვრობდნენ. ნანა ბახსოლიანი თავის ნაშრომის ერთ მონაკვეთში ასურული წყაროების მონაცემთა საფუძველზე აღადგენს მუშქების ისტორიას ამ საუკუნეებში. ნაშრომში ცალკეა შესწავლილი აღმოსავლეთი კაპადოკიის ისტორია ურარტული ლურსმული წარწერების მიხედვით. ესეც ახალი სიტყვაა ქართულ ძველადმოსავლეთმცოდნეობაში.

მცირე აზიის ხალხთა რელიგიებმა დიდი როლი ითამაშეს წარმართული ხანის ქართულ რწმენა-წარმოდგენებში. ამიტომ, აღმოსავლეთ მცირე აზიაში მოსახლე ხალხების რელიგიური შეხედულებების შესწავლა ძალზე საჭირო საქმეა. ამ მხრივ, ერთი ნაბიჯი ჩვენს ავტორსაც აქვს გადადგმული. მან პირველად ქართულ ისტორიოგრაფიაში საგანგებოდ შეისწავლა გვიანხეთური ხანის დიდ კაპადოკიაში გაბატონებული ლუვიური პანთეონი. იგი ამ პანთეონში, პირველ რიგში, ისეთ ღვთაებებს გამოყოფს, როგორიცაა თარხუნთი – ნაყოფიერების ღვთაება, რუვა – ნადირობის ღვთაება, ქუბაბა – ასევე დამცველი, ბარაქისა და სიუხვის ქალღვთაება. აგრეთვე განხილული აქვს ისეთი ღვთაებების ფუნქციები, როგორიცაა სანტა, მთვარის ადგილობრივი ღვთაება სინი და ა. შ. სიამოვნებით მინდა აღვნიშნო, რომ ნანა ბახსოლიანი თავის მონოგრაფიას აგებს აღმოსავლეთ მცირე აზიის უახლესი არქეოლოგიური გათხრების საფუძველზე. ალბათ არ შეეცდები, თუ ვიფიქრებ, რომ მთელი რიგი ამ გამოცემათა მონაცემები პირველად ნანა ბახსოლიანს შეაქვს ქართულ ისტორიოგრაფიაში.

როგორც ვხედავთ, ნანა ბახსოლიანის სარეცენზიო ნაშრომი: „დიდი კაჰადოკია ძე. წ. I ათასწლეულის პირველ ნახევარში“ ქართული ისტორიოგრაფიის კარგი შენაძენია. ის მნიშვნელოვნად ამდიდრებს ჩვენს ცოდნას ძველადმოსავლურ და ანტიკურ ხანაში მცირე აზიის ისტორიის და ისტორიული გეოგრაფიის შესახებ.

თამაზ ბერაძე

რელაქტორისაგან..... 3
შესავალი..... 5

**თავი I. დიდი კაპადოკიის ისტორიის შემსწავლელი
წყაროები..... 9**

§1. ტერმინი „კაპადოკია“ ძველადმოსაველურ და
ანტიკური ხანის წერილობით წყაროებში..... 9
§2. ბიბლია როგორც მესხების უძველესი
ისტორიის წყარო..... 18
§3. აღმოსაველეთი კაპადოკია ძვ. წ. IX-VII სს-ის ასურული
წერილობითი წყაროების მონაცემთა შუქზე..... 26
§4. აღმოსაველეთი კაპადოკია ძვ. წ. VIII-VII სს. ურარტული
ლურსმული წარწერების მიხედვით..... 44
§5. გვიანხეთური ხანის სამეფო-სამთავროების ისტორია
იეროგლიფურ-ლუვიური წარწერების მონაცემთა
კონტექსტში..... 56
§6. გვიანხეთური ხანის სამეფო-სამთავროები არქეოლოგიური
გათხრების შუქზე..... 74

**თავი II. გვიანხეთური ხანის დიდი კაპადოკიის სამეფო-
სამთავროთა პოლიტიკური ისტორიიდან..... 89**

**თავი III. გვიანხეთური ხანის დიდი კაპადოკიის სამეფო-
სამთავროთა პანთეონის ისტორიისათვის..... 99**

**Великая Каппадокия в первой половине
I тысячелетия до н.э..... 124**

**Great Cappadocia in the First Half of the
1st Millennium BC..... 127**

შემოკლებათა სია..... 130
გამოყენებული პირველწყაროები და ლიტერატურა..... 131
რეკენზიები..... 139

დაიბეჭდა თბილისის სახელმწიფო უნივერსიტეტის
კლასიკური ფილოლოგიის, ბიზანტინიკისა და
ნეოგრეციკის ინსტიტუტის სტამბაში.
თბილისი, ილ. ჭავჭავაძის 13